

國學基本叢書簡編
唐詩別裁

上



上海图书馆藏书



A541 212 0006 2202B

沈德潛選註

國學基本叢書簡編

唐


詩

別

裁

上

商務印書館發行



~~1650019~~

本書係用萬有文庫版本
印行原裝分訂四冊每冊
面數各自起迄今合訂二
冊面數仍舊讀者鑒之

原序

有唐一代詩。凡流傳至今者。自大家名家而外。卽旁躋曲徑。亦各有精神面目。流行其間。不得謂正變盛衰不同。而變者衰者可盡廢也。然備一代之詩。取其宏博。而學詩者沿流討源。則必尋究其指歸。何者。人之作詩。將求詩教之本原也。唐人之詩。有優柔平中。順成和動之音。亦有志微噍殺。流僻邪散之響。由志微噍殺。流僻邪散。而欲上溯乎詩教之本原。猶南轅而之幽薊。北轅而之閩粵。不可得也。卽或從事于聲之正者矣。而仍泛泛焉。嘈囂叢雜之紛逐。猶笙鏞琴瑟與秦箏羌笛之類。竝奏競陳。而謂韶英之可聞。亦不得也。然則分別去取。使後人心目有所準則而不惑者。唯編詩者責矣。顧自有明以來。選古人之詩者。意見各殊。嘉隆而後。主復古者拘於方隅。主標新者徇而先矩。入主出奴。二百年間。迄無定論。而時賢之竟尙華辭者。復取前人所編穠纖浮豔之習。揚其餘燼。以易斯人之耳目。此又與於岐趨之甚。而詩教之衰。未必不自編詩者遺之也。夫編詩者之責。能去鄭存雅。而誤用之者。轉使人去雅而羣趨乎鄭。則分別去取之間。顧不重乎。尙安用意見自私。求新好異于一時。以自誤而誤人也。德潛於束髮後。卽喜鈔唐人詩集。時競尙宋元。適相笑也。迄今幾三十年。風氣駸上。學者知唐爲正軌矣。第簡編紛雜。無可據依。故有志復古而未得其宗。因借樹滋陳子。取向時所錄五十餘卷。刪而存之。復於唐詩全帙中。網羅佳什。補所

未備。日月既久。卷帙遂定。既審其宗旨。復觀其體裁。徐諷其音節。未嘗立異。不求苟同。大約去淫濫以歸雅正。于古人所云微而婉。和而莊者。庶幾一合焉。此微意所存也。同志者往復是編。而因之以遞親乎風雅。如適遠道者。陸行之有車馬。水行之有舟楫。嗚呼。其或可至也哉。

康熙五十六年春正二十有六日。長洲沈德潛題於黃葉夕陽村舍。

重訂唐詩別裁集序

新城王阮亭尙書選唐賢三昧集。取司空表聖不著一字。盡得風流。嚴滄浪羚羊挂角。無迹可求之意。蓋味在鹽酸外也。而於杜少陵所云鯨魚碧海。韓昌黎所云巨及摩天者。或未之及。余因取杜韓語意定唐詩別裁。而新城所取亦兼及焉。鑄版問世。已四十餘年矣。第當時采錄未竟。同學陳子樹滋攜至廣南。鑄就體格有遺。倘學詩者性情所喜。欲奉爲步趨。而選中偏未之及。恐不免如望洋而返也。因而增入諸家。如王楊盧駱唐初一體。老杜亦云不廢江河萬古流也。白傅諷諭。有補世道人心。本傳所云箴時之病。補政之缺也。張王樂府。委折深婉。曲道人情。李青蓮後之變體也。長吉嘔心。荒陲古奧。怨懟愁悲。杜牧之許爲楚騷之苗裔也。又五言試帖。前選略見。今爲制科所需。檢擇佳篇。垂示準則。爲入春秋闈者。導夫先路也。他如任華盧仝之粗野。和凝香奩詩之褻嫚。與夫一切生硬僻澀。及貢媚獻諛之辭。概排斥焉。且前此詩人未立小傳。未錄詩話。今爲補入。前此評釋亦從簡略。今較詳明。俾學者讀其詩。知其爲人。抑因評釋而窺作者之用心。今人與古人之心。可如相告語矣。成詩二十卷。得詩一千九百二十八章。詩雖未備。要藉以扶掖雅正。使人知唐詩中有鯨魚碧海。巨及摩天之觀。未必不由乎此。至於詩教之尊。可以和平性情。厚人倫。匡政治。感神明。以及作詩之先審宗指。繼論體裁。繼論音節。繼論神韻。而一歸於中正和平。前序

與凡例中論之已詳不復更述。

乾隆癸未秋七月長洲沈德潛題於鯉水之清曠樓。

凡例

詩至有唐。菁華極盛。體製大備。學者每從唐人詩入。以宋元流於卑靡。而漢京暨當塗典午諸家。未必槩能領略。從博涉後。上探其原可也。覽唐詩全秩。芟夷煩蠅。裒成是編。爲學詩者發軔之助焉。

讀詩者心平氣和。涵泳浸漬。則意味自出。不宜自立意見。勉強求合也。况古人之言。包含無盡。後人讀之。隨其性情淺深高下。各有會心。如好晨風而慈父感悟。講鹿鳴而兄弟同食。斯爲得之。董子云。詩無達詁。此物此志也。評點賤釋。皆後人方隅之見。此本不廢評點。間存賤釋。略示軌途。俾讀者知所從入耳。識者諒諸。

朱子云。楚辭不皆是怨君。被後人多說成怨君。此言最中病痛。如唐人中少陵固多忠愛之詞。義山間作風刺之語。然必動輒牽入。卽小小賦物。對境詠懷。亦必云某詩指某事。某詩刺某人。水月鏡花。多成粘皮帶骨。亦何取耶。鈔中槩爲刪卻。

唐人選唐詩。多不及李杜。蜀韋穀才調集。收李不收杜。宋姚鉉唐文粹。祇收老杜。莫相疑行。花卿歌等十篇。真不可解也。元楊伯謙唐音。羣推善本。亦不收李杜。明高廷禮正聲。收李杜浸廣。而未極其盛。是集以李杜爲宗。元圃夜光。五湖原泉。彙集卷內。別於諸家選本。

五言古體發源于西京。流行于魏晉。頽靡于梁陳。至唐顯慶龍朔間。不振極矣。陳伯玉力掃俳優。直追曩哲。讀感遇等章。何啻在黃初間也。張曲江李供奉繼起。風裁各異。原本阮公。唐體中能復古者。以三家爲最。

過江以後。淵明詩胸次浩然。天真絕俗。當於言語意象外求之。唐人祖述者。王右丞得其清腴。孟山人得其閒遠。儲太祝得其真朴。韋蘇州得其冲和。柳柳州得其峻潔。氣體風神。翛然埃壒之外。

蘇李十九首以後。五言所貴。大率優柔善入。婉而多風。少陵材力標舉。篇幅恢張。從橫揮霍。詩品又一變矣。要其爲國愛君。感時傷亂。憂黎元。希稷禹。生平種種抱負。無不流露於楮墨中。詩之變情之正者也。新寧高氏列爲大家。具有特識。

大風柏梁。七言權輿也。自時厥後。魏宋之間。時多傑作。唐人出而變態極焉。初唐風調可歌。氣格未上。至王李高岑四家。馳騁有餘。安詳合度爲一體。李供奉鞭打海岳。驅走風霆。非人力可及爲一體。杜工部沉雄激壯。奔放險幻。如萬寶雜陳。千車競逐。天地渾奧之氣。至此盡洩爲一體。錢劉以降。漸趨薄弱。韓文公拔出於貞元元和間。踔厲風發。又別爲一體。七言楷式。稍大備云。

五言律陰鏗何遜庾信。徐陵已開其體。唐初人研揣聲音。穩順體勢。其製大備。神龍之世。陳杜沈宋如渾金璞玉。不須追琢。自饒名貴。開寶以來。李太白之穠麗。王摩詰孟浩然之自得。分道揚鑣。並推極勝。杜少

陵獨開生面。寓從橫顛倒於整密中。故應超然拔萃。終唐之世。變態雖多。無有越諸家之範圍者矣。以此求之。有餘師焉。

七言律平敝易于徑直。雕鏤失之佻巧。比五言更難。初唐英華乍啓。門戶未開。不用意而自勝。後此摩詰東川。春容大雅。時崔司勳高散騎岑補闕諸公。實爲同調。而大歷十子及劉賓客柳柳州。其紹述也。少陵胸次閎闊。議論開闢。一時盡掩諸家。而義山詠史。其餘響也。外是曲徑旁門。雅非正軌。雖有搜羅槩從其略。

五言長律貴嚴整。貴勻稱。貴屬對工切。貴血脈動盪。唐初應制贈送諸篇。王楊盧駱陳杜沈宋燕許曲江。並皆佳妙。少陵出而瑰奇宏麗。變動開合。後此無能爲役。元白長律。滔滔百韻。使事亦復工穩。但流易有餘。變化不足。故寧舍旃。

五言絕句。右丞之自然。太白之高妙。蘇州之古澹。純是化機。不關人力。他如崔顥長干曲。金昌緒春怨。王建新嫁娘。張祜宮詞等篇。雖非專家。亦稱絕調。後人當于此問津。

七言絕句。貴言微旨遠。語淺情深。如清廟之瑟。一倡而三歎。有餘音者矣。開元之時。龍標供奉。允稱神品。外此高岑起激壯之音。右丞作悽惋之調。以至蒲桃美酒之詞。黃河遠上之曲。皆擅場也。後李庶子劉賓客杜司勳李樊南鄭都官諸家。托興幽微。克稱嗣響。

詩不可無法。亂雜而無章。非詩也。然所謂法者。行所不得不行。止所不得不止。而起伏照應。承接轉換。自神明變化於其中。若泥定此處應如何。彼處應如何。則死法矣。茲于評釋中。偶示紀律。要不以一定之法繩之。試看天地間水流自行。雲生自起。何處更著得死法。

詩貴渾渾灑灑。元氣結成。乍讀之不見其佳。久而味之。骨幹開張。意趣洋溢。斯爲上乘。若但工于琢句。巧于著詞。全局必多不振。故有不著圈點。而氣味渾成者。收之。有佳句可傳。而中多敗闕者。汰之。領略此意。便可讀漢魏人詩。

唐人詩無論大家名家。不能諸體兼善。如少陵絕句。少唱歎之音。左司七言。詘渾厚之力。劉賓客不工古詩。韓吏部不專近體。其大校也。錄其所長。遺其所短。學者知所注力。

唐人達樂者已少。其樂府題不過借古人體製。寫自己胸臆耳。未必盡可被之管絃也。故雜錄于各體中。不另標樂府名目。

陳正字幽州臺歌。韓吏部琴操。或屬四言。或屬六言。王右丞送友人還山。李翰林鳴皋歌。韓吏部羅池廟迎神詞。皆屬騷體。因篇什甚少。附七言古中。

詩本六籍之一。王者以之觀民風。考得失。非爲豔情發也。雖三百以後。離騷興美人之思。平子有定情之詠。然詞則託之男女。義實關乎君臣友朋。自子夜讀曲。專詠豔情。而唐末香奩體。抑又甚焉。去風人遠矣。

集中所載。間及夫婦男女之詞。要得好色不淫之旨。而淫哇私褻。槩從闕如。唐人詩雖各出機杼。實憲章八代。如李陵錄別。開陽關三疊之先聲。王粲七哀。爲垂老別無家別之祖武。子昂原本于阮公。左司嗣音。夫彭澤揆厥由來。精神符合。讀唐詩而不更求其所從出。猶登山不造五嶽。觀水不窮崑崙也。選唐人詩外。舊有古詩源選本。更當尋味焉。

唐詩別裁目次

第一冊

卷一

五言古詩

魏徵一首

虞世南一首

章懷太子一首

喬知之一首

陳子昂十九首

宋之問三首

薛稷一首

張九齡十四首

崔顥一首

王維二十三首

孟浩然十首

唐詩別裁目次

卷二

劉昫虛二首

王昌齡八首

儲光羲十一首

陶翰二首

邱爲二首

李頎五首

賈至二首

常建八首

高適二首

岑參六首

崔曙三首

包融一首

薛據一首

五言古詩

李 白 四十二首

杜 甫 五十二首

卷三

五言古詩

張 謂 一首

王季友 一首

元 結 十首

沈千運 三首

孟雲卿 二首

趙徵明 三首

吳 筠 一首

劉長卿 六首

錢 起 六首

劉 灣 一首

韋應物 四十四首

第二册

卷四

五言古詩

李 端 三首

劉禹錫 二首

白居易 十七首

韓 愈 十二首

柳宗元 二十一首

孟 郊 十二首

賈 島 一首

李 益 三首

權德輿 三首

張 籍 三首

溫庭筠 一首

趙 嘏 一首

曹 鄴 一首

卷五

七言古詩

- 李羣玉二首
劉 駕二首
陸龜蒙一首
聶夷中一首
王 勃一首
盧照鄰一首
駱賓王一首
劉希夷二首
喬知之 一首
李 嶠 一首
沈佺期二首
宋之問五首
郭 振 一首
張 說 一首

唐詩別裁

目次

卷六

七言古詩

- 陳子昂一首
張若虛一首
孫 逖 一首
高 適 十首
岑 參 十三首
李 頎 九首
王 維 九首
崔 顥 二首
孟浩然一首
丁仙芝一首
儲光羲一首
張 謂 三首
王昌齡二首
李 白 三十六首

杜甫三十四首

卷七

七言古詩

杜甫二十四首

王季友二首

元結二首

劉長卿四首

錢起二首

郎士元一首

盧綸一首

劉禹錫三首

韋應物三首

韓愈二十一首

卷八

七言古詩

柳宗元四首

顧況三首

白居易十三首

元稹四首

戴叔倫一首

李紳一首

李益三首

楊巨源一首

張籍八首

王建七首

李賀六首

李商隱一首

陳閨一首

張泌二首

鮑君徽一首

張夫人一首

裴羽仙一首

僧隱巒一首

第三册

卷九

五言律詩

玄宗皇帝三首

王績一首

王勃二首

楊炯一首

盧照鄰一首

駱賓王一首

蘇味道一首

韋承慶一首

劉希夷一首

陳子昂六首

杜審言七首

沈佺期七首

唐詩別裁

目次

宋之問十首

李嶠二首

宗楚客一首

長孫正隱一首

郭振一首

蘇頲一首

崔湜一首

張說九首

張九齡四首

孫逖一首

梁獻一首

崔顥三首

劉昫二首

張子容二首

賀知章一首

陶翰一首

王維 三十一首

孟浩然 二十二首

常建 二首

卷十

五言律詩

賈至 一首

岑參 十七首

高適 四首

儲光羲 二首

崔曙 三首

殷遙 一首

李頎 一首

綦母潛 一首

張謂 二首

王灣 一首

祖詠 二首

卷十一

五言律詩

劉長卿 二十首

錢起 八首

韋應物 六首

郎士元 六首

皇甫冉 七首

皇甫曾 三首

司空曙 五首

盧綸 四首

李端 一首

顧况一首
耿漳一首
李嘉祐四首
嚴維三首
劉方平二首
韓翃四首
鄭錫三首
包何一首
崔峒一首
于良史二首
戎昱三首
李益一首
于鵠三首
竇叔向一首
朱灣一首
戴叔倫四首

唐詩別裁 目次

卷十二

楊巨源一首
白居易四首
常非月二首
五言律詩
韓愈三首
柳宗元二首
劉禹錫二首
張籍二首
李賀一首
鮑溶一首
張祜二首
姚合一首
賈島三首
周賀一首
李德裕二首

唐詩別裁目次

章孝標一首

李商隱十一首

溫庭筠四首

許渾三首

馬戴五首

趙嘏一首

李遠一首

李羣玉一首

于武陵二首

項斯一首

紀唐夫一首

周朴二首

陸龜蒙一首

皮日休一首

張喬一首

許棠三首

李咸用三首

崔塗一首

李昌符三首

鄭谷一首

杜荀鶴三首

羅隱一首

劉綺莊一首

韋莊二首

李洞一首

王貞白三首

張蠙一首

周繇一首

崔道融一首

宋若憲一首

薛瑗一首

李冶二首

元 淳一首

釋皎然 三首

處 默一首

齊 巳 四首

景 雲一首

卷十三

七言律詩

沈佺期 七首

杜審言 一首

李 嶠 一首

宗楚客 一首

宋之問 一首

蘇 頲 三首

李 邕 一首

張 說 一首

賈 曾 一首

唐詩別裁



崔 顥 二首

張 諤 一首

祖 詠 一首

崔 曙 一首

李 愷 一首

王 維 十一首

孟浩然 一首

李 頎 七首

高 適 三首

岑 參 六首

萬 楚 一首

張 謂 三首

李 白 四首

杜 甫 三十一首

卷十四

七言律詩

杜甫二十六首

張志和一首

陶峴一首

元結一首

劉長卿十一首

錢起五首

韋應物二首

皇甫冉四首

皇甫曾二首

李嘉祐二首

郎士元一首

韓翊四首

秦系一首

盧綸五首

竇叔向一首

竇常一首

朱灣一首

戴叔倫一首

司空曙三首

李端二首

張南史一首

劉方平一首

耿諱一首

李益二首

鮑溶一首

武元衡二首

楊巨源三首

第四冊

卷十五

七言律詩

韓愈四首

柳宗元五首

劉禹錫 十三首

白居易 十八首

元稹 六首

李德裕 一首

張籍 二首

賈島 一首

牛僧孺 一首

朱慶餘 一首

王建 一首

杜牧 七首

李商隱 二十首

溫庭筠 十首

卷十六

七言律詩

許渾 九首

李遠 二首

雍陶 一首

項斯 一首

薛逢 四首

趙嘏 二首

司空圖 二首

李羣玉 三首

皮日休 一首

劉滄 一首

崔珣 一首

李頻 一首

李山甫 三首

李咸用 一首

方干 二首

來鵬 一首

高駢 一首

章碣 一首

崔塗一首
李郢三首
鄭谷三首
羅隱七首
崔峒一首
吳融二首
韓偓三首
韋莊九首
劉威一首
秦韜玉二首
曹唐一首
張蠙二首
譚用之一首
張泌二首
王仁裕二首
沈彬二首

卷十七

五言長律

玄宗皇帝五首
楊炯一首
盧照鄰一首
駱賓王三首
盧僎一首
陳子昂二首
杜審言二首
沈佺期二首
宋之問四首
蘇頲四首
張說三首
張九齡四首
張子容一首
鄭愔一首

卷十八

宋 璟一首
徐 堅一首
常 理一首
王 維十首
孟浩然一首
高 適二首
李 頎一首
岑 參四首
祖 詠一首
張 謂一首
李 白五首
杜 甫十八首
張 巡一首
王季友一首
李 華一首

唐詩別裁

目次

五言長律

劉長卿六首
錢 起四首
皇甫冉二首
李嘉祐一首
韓 翃一首
盧 綸二首
韓 濬一首
冷朝陽一首
于尹躬一首
獨孤綬一首
羅 讓一首
陸復禮一首
王損之一首
杜元穎一首
李行敏一首

十三

李虞中一首
沈亞之一首
裴夷直一首
劉得仁一首
顧况一首
殷寅一首
陸贄一首
白居易二首
元稹一首
徐嶷一首
張繼一首
武元衡一首
裴度二首
韓愈二首
柳宗元一首
賈島一首

李商隱六首
杜牧一首
公乘億一首
馬戴一首
張喬一首
杜荀鶴一首
焦郁一首
李景一首
梁鉉一首
黃滔一首
徐夔一首
濮陽瓘一首
無名氏一首
無名氏一首

卷十九

五言絕句

文宗皇帝一首

虞世南一首

王勃一首

盧照鄰一首

韋承慶一首

宋之問二首

張說一首

蘇頲二首

張九齡二首

王適一首

盧僎一首

崔國輔二首

崔曙一首

崔顥二首

儲光羲一首

王維十六首

孟浩然一首

祖詠一首

王昌齡二首

高適一首

岑參三首

王之渙二首

邱爲一首

李華一首

薛奇童一首

李白五首

杜甫三首

劉長卿三首

錢起二首

韋應物四首

劉方平三首

暢當一首

耿 漳一首
顧 况一首
盧 綸三首
李 端三首
皇甫曾二首
司空曙二首
金昌緒一首
柳 淡一首
李 益一首
戴叔倫一首
嚴 維一首
朱 放一首
權德輿一首
柳宗元四首
劉禹錫三首
孟 郊一首

賈 島一首
王 建二首
王 涯四首
張仲素一首
李 賀一首
張 祜一首
令狐楚一首
楊 凝一首
施肩吾二首
雍 陶一首
杜 牧一首
李商隱二首
許 渾一首
于武陵一首
趙 嘏一首
崔道融一首

沈如筠一首

雍裕之一首

荆叔一首

七歲女子一首

王韞秀一首

宮人韓氏一首

張文姬二首

安邑坊女子一首

劉采春三首

薛濤一首

西鄙人一首

太上隱者一首

七言絕句

王勃一首

杜審言二首

張說一首

唐詩別裁 目次

張敬忠一首

王翰一首

王維四首

孟浩然一首

王之渙一首

常建二首

高適三首

岑參九首

賈至三首

賀知章二首

王昌齡十一首

張謂一首

張旭一首

卷二十

七言絕句

李白二十首

杜甫 三首
嚴武 一首
孟雲卿 一首
劉長卿 四首
錢起 三首
韋應物 四首
張朝 一首
張繼 二首
韓翃 三首
皇甫冉 二首
司空曙 二首
于鵠 一首
李涉 一首
李益 八首
竇牟 一首
戴叔倫 一首

顧況 一首
權德輿 一首
武元衡 一首
韓愈 一首
柳宗元 四首
劉禹錫 六首
張籍 三首
王建 二首
王 島 一首
賈 島 一首
白居易 六首
元 稹 二首
李 賀 二首
柳 淡 一首
陳 羽 一首
呂 溫 一首
李德裕 一首

令狐楚一首
張仲素五首
施肩吾二首
王涯一首
羊士諤一首
楊凝一首
張祜一首
鮑溶一首
杜牧九首
李商隱十首
溫庭筠三首
許渾二首
雍陶二首
趙嘏一首
陸龜蒙二首
鄭谷二首

杜荀鶴一首
高駢一首
羅隱二首
李洞二首
高蟾一首
盧弼四首
陳陶一首
韋莊二首
唐彥謙一首
李拯一首
杜常一首
王駕一首
王韞秀一首
陳玉蘭一首
葛亞兒一首
劉瓌一首

杜秋孃一首

武昌妓一首

僧法振二首

樂府辭蓋嘉運進一首

無名氏一首

無名氏一首

無名氏一首

唐詩別裁

卷一

五言古詩

魏

徵字元成。鉅鹿人。初事隱太子。繼事太宗。直

言極諫。參預朝政。後封鄭國公。諡文貞。

述懷
樂府作
出關

中原還逐鹿。投筆事戎軒。縱橫計不就。慷慨志猶存。杖策謁天子。驅馬出關門。請纓繫南越。憑軾下東藩。鬱紆陟高岫。出沒望平原。古木鳴寒鳥。空山啼夜猿。既傷千里目。還驚九折魂。豈不憚艱險。深懷國士恩。季布無二諾。侯嬴重一言。人生感意氣。功名誰復論。此奉使出關而作也。國土句是主意。○氣骨

虞世南

字伯施。餘姚人。爲秦府參軍。貞觀中。累遷祕書監。封永興縣。子。太宗稱其五絕。德行忠。博學。文辭。書翰也。卒。諡文懿。

從軍行

塗山烽候驚。弭節度龍城。冀馬樓蘭將。燕犀上谷兵。劍寒花不落。弓曉月逾明。凜凜嚴霜節。冰壯黃河絕。蔽日卷征蓬。浮天散飛雪。全兵值月滿。精騎乘膠折。結髮早驅馳。辛苦事旌麾。馬凍重關冷。輪摧九折危。獨有西山將。年年屬數奇。猶存陳隋體格。追琢精警。漸開唐風。

章懷太子高宗子名賢高宗初立忠為太子武后生弘因廢忠而立焉弘數忤旨后厭之而立賢后欲專政嫉賢明察賢自度不免因作黃臺瓜辭冀感后也後終逼令自殺

黃臺瓜辭

種瓜黃臺下瓜熟子離離一摘使瓜好再摘令瓜稀三摘尙自可摘絕抱蔓歸

喬知之同州人官左司郎中以婢竊娠為武承嗣所奪知之作綠珠篇寄婢婢投井死承嗣見詩因羅織殺之

苦寒行

胡天夜清迥孤雲獨飄揚搖曳出鴈關逶迤含晶光陰陵久徘徊幽都無多陽初寒凍巨海殺氣流大荒朔馬飲寒冰行子履胡霜路有從役倦臥死黃沙場羈旅因相依慟之淚沾裳由來從軍行賞存不賞亡亡者誠已矣徒令存者傷幽都無多陽即幽州白日寒所本也通體亦為用兵者戒

陳子昂字伯玉射洪人文明初舉進士武后擢左拾遺聖歷初解官歸縣令段簡以宿怨因事收繫獄中憂憤死○追建安之風骨變齊梁之綺靡寄興無端別有天地○昌黎薦士詩云

國朝盛文章子昂始高蹈良然

感遇詩十五首本三十首今存十五○感於心困於遇猶莊子之寓言也與感知遇意自別

蘭若即杜若生春夏葍蔚何青青幽獨空林色朱蕤冒紫莖遲遲白日晚嫋嫋秋風生歲華盡搖落芳意竟

何成

白日每不歸青陽時暮矣茫茫吾何思林臥觀無始衆芳委時晦鷓鴣鳴悲耳悲耳悲人之耳也語本陸機鴻荒古已

頽誰識巢居子。

林居病時久。水木澹孤清。閒臥觀物化。悠悠念無生。青春始萌達。朱火已滿盈。徂落方自此。感歎何時平。

有生必化。不如無生也。况春夏交遷凋落。旋盡能無感歎耶。

逶迤世已久。骨鯁道斯窮。豈無感激者。時俗頽此風。灌園何其鄙。皎皎於陵中。世道不相容。嗟嗟張長公。玄蟬號白露。茲歲已蹉跎。羣物從大化。孤英將奈何。瑤臺有青鳥。遠食玉山禾。崑崙見玄鳳。豈復虞雲羅。

人生天地中。不能不隨時變遷。或遊仙。庶幾可免也。此無可奈何之辭。

可憐瑤臺樹。灼灼佳人姿。碧華映朱實。攀折青春時。豈不盛光寵。榮君白玉墀。但恨紅芳歇。凋傷感所思。深居觀元化。怫然爭朵頤。羣動相啖食。利害紛囁囁。便便夸毗子。榮輝更相持。務光讓天下。商賈競刀錐。已矣行採芝。萬世同一時。此言羣動紛爭。互相啖食。不如採芝深山。之爲樂也。安得與便便者爭刀錐之未乎。

本爲貴公子。平生實愛才。感時思報國。拔劍起蒿萊。西馳丁零塞。北上單于臺。登山見千里。懷古心悠哉。誰言未忘既。磨滅成塵埃。

吾觀龍變化。乃是至陽精。石林何冥密。幽洞無留行。古之得仙道。信與元化并。玄感非象識。誰能測沈冥。世人拘目見。酣酒笑丹經。崑崙有瑤樹。安得采其英。

吾愛鬼谷子。青溪無垢氛。囊括經世道。遺身在白雲。有體有用。盡此十字。七雄方龍鬪。天下亂無君。浮榮不足貴。遵

養晦時文舒之彌宇宙卷之不盈分豈徒山木壽空與麋鹿羣言隱居而抱經世之道以世亂不可為故卷而懷之非與麋鹿同羣者等也

翡翠巢南海雄雌珠樹林何知美人意驕愛比黃金殺身炎洲裏委羽玉堂陰旖旎光首飾葳蕤爛錦衾

豈不在遐遠虞羅忽見尋多材信為累歎息此珍禽此見多才為累也

朝發宜都渚浩然思故鄉故鄉不可見路隔巫山陽巫山彩雲沒高邱正微茫佇立望已久涕淚沾衣裳

豈茲越鄉感憶昔楚襄王朝雲無處所荆國亦淪亡豈茲越鄉感句從上轉下見荒淫足以亡國為世戒也

竭來豪遊子勢利禍之門如何蘭膏歎感激自生冤衆趨明所避此老氏學時棄道猶存雲泉既已失羅網

與誰論箕山有高節湘水有清源唯應白鷗鳥可與洗心言

聖人不利己憂濟在元元黃屋非堯意瑤臺安可論吾聞西方化清淨道彌敦奈何窮金玉雕刻以為尊

雲構山林盡瑤圖珠翠煩鬼功尚未可人力安能存夸憊適增累矜智道逾昏聖人有天下而不與故卑宮室即釋氏之學亦以無

為寂滅為宗奈何象教既設徒取土木雕刻以為尊耶

幽居觀天運悠悠念羣生終古代興沒豪聖莫能爭三季淪周赧七雄滅秦嬴復聞赤精子提劍入咸京

炎光既無象晉虜指五胡復縱橫堯禹道已昧昏虐勢方行豈無當世雄天道與與猶助也胡兵咄咄安可言時

醉而未醒仲尼溺東夏伯陽遁西溟大運自古來旅人胡歎哉天道如斯孔子老氏亦惟居夷出關而已末二句轉用推開阮籍詠懷後人每章

注釋失之于鑿讀者隨所感觸可也子昂感遇亦不當以鑿求之

燕昭王

南登碣石館，遙望黃金臺。邱陵盡喬木，昭王安在哉。霸圖悵已矣，驅馬復歸來。言外見無人延國士也。

燕太子

秦王日無道，太子怨亦深。一聞田光義，七首贈千金。其事雖不立，千載為傷心。

酬暉上人秋夜山亭有贈

皎皎白林秋，微微翠山靜。禪居感時變，獨坐開軒屏。風泉夜聲雜，月露宵光冷。多謝忘機人，塵憂未能整。

送客

故人洞庭去，楊柳春風生。相送河洲晚，蒼茫別思盈。白蘋已堪把，綠芷復含榮。江南多桂樹，歸客贈生平。

言白蘋綠芷亦可采以贈人，而桂有堅貞之性，故欲折以相遺也。

宋之問字延清，弘農人。武后時，召與楊炯分直內教，預修三教珠英，坐附張易之，左遷瀧州。未幾，逃匿張仲之家，旋發仲之與王同皎謀殺武三思事，得復官。中宗增置修文館學士，之間

首膺其選，睿宗立，以易之三思黨徒，欽州。先天中賜死。○不以人廢言，故薄其行而仍錄其詩。

題老松樹

歲晚東巖下，周顧何悽惻。日落西山陰，衆草起寒色。中有喬松樹，使我長歎息。百尺無寸枝，一生自孤直。

別之望後獨宿藍田山莊

脊令有舊曲調苦不成歌自歎兄弟少常嗟離別多爾尋北京路予臥南山阿泉晚更幽咽雲秋尙嵯峨藥闌聽蟬噪書幌見禽過愁至願甘寢其如鄉夢何

見南山夕陽召監師不至

夕陽黯晴碧山翠互明滅此中意無限要與開士說徒鬱仲舉思詎迴道林轍孤與欲待誰待此湖上月

薛

稷字嗣通蒲州人舉進士武后時爲鳳閣舍人睿宗即位後以翊贊功封晉國穆公加少保○紀事云稷畫師閻立本書師褚河南與從兄嘏俱以文翰得名

秋日還京陝西十里作

驅車越陝郊北顧臨大河隔河見鄉邑秋風水增波西登咸陽塗日暮憂思多傅巖旣紆鬱首山亦嵯峨

操築無昔老分項上二句

探薇有遺歌客遊旣迴換人生知幾何高渾超詣火色俱融少陵云少保有古風得之陝郊篇見重於哲匠不偶然也

張九齡

字子壽韶州曲江人登進士第明皇在東宮舉天下文藻之士九齡對策高第開元中累官至平章事姚宋後賢相也坐引周子諒左遷遂相李林甫牛仙客而國事日壞矣九齡請拜墓歸卒諡文獻○唐初五言古漸趨於律風格未進陳正字起衰而詩品始正張曲江繼續而詩品乃醇

雜詩二首

孤桐亦胡爲百尺傍無枝疎陰不自覆修幹欲何施高岡地復迴弱植風屢吹凡鳥已相噪鳳凰安得知

喻小人在朝而君子應善藏也

良辰不可遇心賞更蹉跎終日塊然坐有時勞者歌庭前攬芳蕙江上託微波路遠無能達憂情空復多

欲以精誠達君而無路
可通也。二章皆比體。

感遇九首

感遇詩正字古奧。曲江蘊藉本原同。出嗣宗而精神面目各別。所以於古。

蘭葉春葳蕤。桂華秋皎潔。欣欣此生意。自爾爲佳節。誰知林棲者。聞風坐相悅。草木有本心。何求美人折。

草木有本心。何求美人折。想見君子立品。卽昌黎不采而佩於蘭。何傷意。

幽林歸獨臥。滯慮洗孤清。持此謝高鳥。因之傳遠情。日昔懷空意。人誰感至精。飛沈理自隔。何所慰吾誠。

與前雜詩第二首意同。託言見思君之誠也。

魚遊樂深池。鳥棲欲高枝。嗟爾蜉蝣羽。薨薨亦何爲。有生豈不化。所感奚若斯。神理日微滅。吾心安得知。浩歎揚朱子。徒然泣路岐。

孤鴻海上來。池潢不敢顧。側見雙翠鳥。巢在三珠樹。矯矯珍木巔。得無金丸懼。美服患人指。秋炯高明逼

神惡。今我游冥冥。弋者何所慕。鴻飛冥冥。弋人何慕。本揚子語。取也。改纂爲慕。應曲江始。

吳越數千里。夢寐今夕見。形骸非我親。衾枕卽鄉縣。化蝶猶不識。川魚安可羨。海上有仙山。歸期覺神變。

西日下山隱。北風乘夕流。燕雀感昏旦。鶯楹呼匹儔。鴻鵠雖自遠。哀音非所求。貴人棄疵賤。下士嘗殷憂。

衆情累外物。恕己忘內修。感歎長如此。使我心悠悠。

江南有丹橘。經冬猶綠林。豈伊地氣暖。自有歲寒心。可以薦嘉客。奈何阻重深。運命惟所遇。循環不可尋。

徒言樹桃李。此木豈無陰。衆人不知。徒取目前之色。足以悅人而已。

抱影吟中夜。誰聞此歎息。美人適異方。庭樹含幽色。白雲愁不見。滄海飛無翼。鳳凰一朝來。竹花斯可食。漢上有游女。求思安可得。袖中一書札。欲寄雙飛翼。冥冥愁不見。耿耿徒緘憶。紫蘭秀空蹊。皓露奪幽色。馨香歲欲晚。感歎情何極。白雲在南山。日暮長太息。言欲就白雲歸臥。則又不能忽然於君。所以長太息也。首句游女指君。猶楚辭思美人意。

奉和聖製幸晉陽宮

隋季失天策。萬方罹凶殘。皇祖稱義旗。三靈皆獲安。聖朝將申錫。王業成艱難。盜移未改命。歷在終履端。彼汾惟帝鄉。雄都信鬱盤。三月朔巡狩。羣后陪清鑾。霸跡在沛庭。舊儀視漢官。唐風思何深。舜典敷更寬。戶蒙粉榆復。邑爭牛酒歡。緬惟翦商後。豈默微禹歎。三后既在天。萬年斯不刊。尊祖實我皇。天文皆仰觀。

登荊州城望江

滔滔大江水。天地相終始。經閱幾世人。復歎誰家子。東望何悠悠。西來晝夜流。歲月既如此。爲心那不愁。

與大江流日夜同感。

絃懷

弱歲讀羣史。抗節追古人。被褐有懷玉。佩印從負薪。志合豈兄弟。道行無賤貧。孤根亦何賴。感激此爲鄰。

言志同。不妨道路各異。道行。賤賤亦樂也。

崔顥 汴州人。開元進士。官司勳員外郎。○殷璠云。顥少年爲詩。屬情浮豔。晚節忽變常調。風骨凜然。

古游俠呈軍中諸將

少年負膽氣。好勇復知機。仗劍出門去。孤城逢合圍。殺人遼水上。走馬漁陽歸。錯落金鎖甲。蒙茸貂鼠衣。還家且行獵。弓矢速如飛。地迴鷹犬疾。草深狐兔肥。腰間帶兩綬。轉盼生光輝。顧謂今日戰。何如隨建威。

耿奔爲建威將軍。

王維

字摩詰。河東人。開元九年擢進士第一。官給事中。陷兩都爲賊所得。服藥佯瘖。賊平定罪。成珠著壁成綸。一句一字。皆出常境。○意太深。氣太渾。色太濃。詩家一病。故曰。種如清風。右丞詩每從不著力處得之。

贈劉藍田

籬中犬迎吠。出屋候柴扉。歲晏輸井稅。山村人夜歸。晚田始家食。餘布成我衣。詎肯無公事。煩君問是非。

春夜竹亭贈錢少府歸藍田

夜靜羣動息。時聞隔林犬。却憶山中時。人家澗西遠。羨君明發去。采蕨輕軒冕。五言用長。易用短。難。右丞工於用短。

贈張五弟諶

吾弟東山時。心尙一何遠。日高猶自臥。鐘動始能飯。領上髮未梳。牀頭書不卷。清川興悠悠。空林對偃蹇。青苔石上淨。細草松下軟。窗外鳥聲閒。階前虎心善。徒然萬象多。澹爾太虛緬。一知與物平。自願爲人淺。

對君忽自得。浮念不煩遣。

藍田山石門精舍

落日山水好。漾舟信歸風。玩奇不覺遠。因以緣源窮。遙愛雲木秀。初疑路不同。安知清流轉。偶與前山通。捨舟理輕策。果然愜所適。老僧四五人。逍遙蔭松柏。朝梵林未曙。夜禪山更寂。道心及牧童。世事問樵客。暝宿長林下。焚香臥瑤席。澗芳襲人衣。山月映石壁。再尋畏迷誤。明發更登歷。笑謝桃源人。花紅復來覲。

青溪

言入黃花川。每逐青溪水。隨山將萬轉。趣途無百里。聲喧亂石中。色靜深松裏。漾漾汎菱荇。澄澄映葭葦。我心素已閒。清川澹如此。請留盤石上。垂釣將已矣。

渭川田家

斜光照墟落。窮巷牛羊歸。野老念牧童。倚杖候荆扉。雉雊麥苗秀。蠶眠桑葉稀。田夫荷鋤至。相見語依依。即此羨閒逸。悵然吟式微。吟式微言欲歸也。無感傷世衰意。

春中田園作

屋上春鳩鳴。村邊杏花白。持斧伐遠揚。荷鋤覘泉脈。歸燕識故巢。舊人看新歷。臨觴忽不御。惆悵遠行客。

謁璿上人并序

上人外人內天。不定不亂。捨法而淵泊。無心而雲動。色空無礙。不物。物也。嘿語無際。不言。言也。故吾徒得神交焉。玄關大啓。德海羣泳。時雨旣降。春物具美。序於詩者。人百其言。

少年不足言。識道年已長。事往安可悔。餘生幸能養。誓從斷臂血。不復嬰世網。浮名寄纓珮。空性無羈鞅。夙從大導師。焚香此瞻仰。頽然居一室。覆載紛萬象。高柳早鶯啼。長廊春雨響。牀下阮家屐。窗前筇竹杖。方將見身雲。陋彼示天壤。一心在法要。願以無生獎。

飯覆釜山僧

晚知瀆淨理。日與人羣疎。將候遠山僧。先期掃敝廬。果從雲峯裏。顧我蓬蒿居。藉草飯松屑。焚香看道書。然燈晝欲盡。鳴磬夜方初。一悟寂爲樂。此生閒有餘。思歸何必深。身世猶空虛。

送宇文太守赴宣城

遼落雲外山。迢遙舟中賞。鏡吹發西江。秋空多清響。地迴古城蕪。月明寒朝廣。時賽敬亭神。復解罟師網。何處寄相思。南風搖五兩。

送別

下馬飲君酒。問君何所之。君言不得意。歸臥南山陲。但去莫復問。白雲無盡時。白雲無盡。足以自樂。勿言不得意也。

齊州送祖二

相逢方一笑。相送還成泣。祖帳已傷離。荒城復愁入。天寒遠山淨。日暮長河急。解纜君已遙。望君猶佇立。

著此二語下望君句愈覺黯然。

送綦毋潛落第還鄉

聖代無隱者。英靈盡來歸。遂令東山客。不得顧採薇。既至金門遠。孰云吾道非。江淮渡寒食。京洛縫春衣。置酒長安道。同心與我違。行當浮桂棹。未幾拂荆扉。遠樹帶行客。孤城當落暉。吾謀適不用。勿謂知音稀。

反復曲折使落第人絕無怨尤。

觀別者

青青楊柳陌。陌上別離人。愛子遊燕趙。高堂有老親。不行無可養。行去百憂新。切切委兄弟。依依向四鄰。都門帳飲畢。從此謝親賓。揮淚逐前侶。含悽動征輪。車徒望不見。時見起行塵。余亦辭家久。看之淚滿巾。

只寫別者之情。觀字只末二句一點自足。

別弟縉後登青龍寺望藍田山

陌上新別離。蒼茫四郊晦。登高不見君。故山復雲外。遠樹蔽行人。長天隱秋塞。心悲宦遊子。何處飛征蓋。

新晴晚望

新晴原野曠。極目無氛垢。郭門臨渡頭。村樹連溪口。白水明田外。碧峰出山後。農月無閒人。傾家事南畝。

早入滎陽界

汎舟入滎澤。茲邑乃雄藩。河曲閭閻隘。川中煙火繁。因人見風俗。入境聞方言。秋晚田疇盛。朝光市井喧。漁商波上客。雞犬岸傍村。前路白雲外。孤帆安可論。

宿鄭州

朝與周人辭。暮投鄭人宿。他鄉絕儔侶。孤客親僮僕。宛洛望不見。秋霖晦平陸。田父草際歸。村童雨中牧。主人東皋上。時稼遶茆屋。蟲思機杼悲。雀喧禾黍熟。明當渡京水。昨晚猶金谷。此去欲何言。窮邊狗微祿。
孤客親僮僕。雀喧禾黍熟。此等句子後人衍之。可成數言。

奉寄韋大守陟

荒城自蕭索。萬里山河空。天高秋日迥。嘹唳聞歸鴻。寒塘映衰草。高館落疎桐。臨此歲方晏。顧景詠悲翁。
漢樂府有思悲翁曲。故人不可見。寂寞平林東。

偶然作二首

楚國有狂夫。茫然無心想。散髮不冠帶。行歌南陌上。孔丘與之言。仁義莫能獎。
只寫狂士行徑。然傾倒至矣。未嘗肯問天。
不怨天。何事須擊壤。
不頌君。復笑採薇人。胡爲乃長往。

田舍有老翁。垂白衡門裏。有時農事閒。斗酒呼鄰里。喧聒茆簷下。或坐或復起。短褐不爲薄。園葵固足美。

勤則長子孫。不曾向城市。五帝與三王。古來稱天子。干戈將揖讓。田野口畢竟何者是。得意苟爲樂。野田安足鄙。且當放懷去。行行沒餘齒。

西施詠

豔色天下重。西施寧久微。朝爲越溪女。暮作吳宮妃。賤日豈殊衆。貴來方悟稀。邀人傅脂粉。不自著羅衣。君寵益嬌態。君憐無是非。當時浣紗伴。莫得同車歸。持謝鄰家子。效顰安可希。寫盡炎涼人眼界。不爲題縛。乃臻斯詣。入後入手。微

引故實而已。

哭殷遙

人生能幾何。畢竟歸無形。念君等爲死。萬事傷人情。慈母未及葬。一女纔十齡。泱泱寒郊外。蕭條聞哭聲。浮雲爲蒼茫。飛鳥不能鳴。行人何寂寞。白日自淒清。憶昔君在時。問我學無生。勸君苦不早。令君無所成。故人各有贈。又不及平生。負爾非一途。痛哭返柴荆。

孟浩然 本名浩。字浩然。以字行。襄陽人。張九齡爲荊州。辟置於府。無遇合。以布衣終。王維過鄆州。畫浩然像於刺史亭。名浩然亭。鄭誠更署曰孟亭。○襄陽詩從靜悟得之。故語淡而味終不薄。此詩品也。然比右丞之渾厚。尙非魯衛。

宿來公山房期丁大不至

夕陽度西嶺。羣壑條已暝。松月生夜涼。風泉滿清聽。樵人歸欲盡。煙鳥棲初定。之子期宿來。孤琴候蘿徑。

山水清音悠然自遠。
末二句見不至意。

秋登萬山寄張五

北山白雲裏。隱者自怡悅。相望始登高。心隨鴈飛滅。愁因薄暮起。興是清秋發。時見歸村人。平沙渡頭歇。天邊樹若齊。江畔舟如月。何當載酒來。共醉重陽節。

南陽北阻雪

我行滯宛許。日夕望京豫。曠野莽茫茫。鄉山在何處。孤煙村際起。歸鴈天邊去。積雪覆平皋。飢鷹捉寒兔。少年弄文墨。屬意在章句。十上恥還家。徘徊守歸路。

適越留別譙縣張主簿申屠少府

朝乘汴河流。夕次譙縣界。幸因西風吹。得與故人會。君學梅福隱。是吏余隨伯鸞邁。別後能相思。浮雲在吳會。

送從弟邕下第後歸會稽

疾風吹征帆。倏爾向空沒。千里去俄頃。三江坐超忽。向來共歡娛。日夕成楚越。言已在楚而弟歸越也落羽更分飛。誰能不驚骨。

夏日南亭懷辛大

山光忽西落。池月漸東上。散髮乘夜涼。開軒臥閒敞。荷風送香氣。竹露滴清響。欲取鳴琴彈。恨無知音賞。感此懷故人。中宵勞夢想。
荷風竹露。佳景亦佳句也。外又有微雲。淡河漢疎雨滴梧桐句。一時歎為清絕。

萬山潭

垂釣坐磐石。水清心益閒。魚行潭樹下。猿挂島藤間。游女昔解佩。傳聞於此山。求之不可得。沿月棹歌還。

不必刻深。風骨自異。

宿楊子津寄潤州長山劉隱士

所思在夢寐。欲往大江深。日夕望京口。煙波愁我心。心馳茆山洞。目極楓樹林。不見少微隱。星霜勞夜吟。

晚泊潯陽望香爐峯
別本亦作律詩。然終是古格。

挂席幾千里。名山都未逢。泊舟潯陽郭。始見香爐峯。嘗讀遠公傳。永懷塵外蹤。東林精舍近。日暮空聞鐘。

此天籟也。已近遠公精舍。而但聞鐘聲。寫望字意。悠然神遠。

採樵作

採樵入深山。山深樹重疊。橋崩臥槎擁。路險垂藤接。日落伴將稀。山風拂薜衣。長歌負輕策。平野望煙歸。

橋崩十字。寫出奇險之狀。

劉脊虛
脊虛。江東人。夏縣令。與賀知章。包融。張旭。為吳中四友。

暮秋楊子江寄孟浩然

木葉紛紛下。東南日煙霜。林山相晚暮。天海空青蒼。暝色况復久。秋聲亦何長。孤舟兼微月。獨夜仍越鄉。寒笛對京口。故人在襄陽。詠思勞今夕。江漢遙相望。前寫暮秋江景。寄浩然意。于末四語。一點無限深情。

寄閻防

青冥南山口。君與緇錫鄰。深路入古寺。亂花隨暮春。紛紛對寂寞。往往落衣巾。松色照空水。經聲時有人。晚心復南望。山遠情獨親。應以修往業。亦惟立此身。深林度空夜。煙月資清真。莫歎文明日。彌年徒隱淪。時防在終南豐德寺讀書。故詩中所云。皆山寺中景。煙月資清真。言性本清真。而烟月又資之也。清絕高絕。

王昌齡

字少伯。江寧人。第進士。又中宏詞科。官汜水尉。以不矜細行。貶龍標尉。

塞下曲二首

蟬鳴桑樹間。八月蕭關道。出塞入塞寒。處處黃蘆草。從來幽并客。皆共塵沙老。莫學遊俠兒。矜誇紫騮好。飲馬渡秋水。水寒風似刀。平沙日未沒。黯黯見臨洮。昔日長城戰。咸言意氣高。黃塵足今古。白骨亂蓬蒿。

失題

奸雄乃得志。遂使羣心搖。赤風蕩中原。烈火無遺巢。一人計不用。萬里空蕭條。豈指張曲江欲誅安祿山事耶。

少年行

西陵俠少年。送客短長亭。青槐夾兩道。白馬如流星。聞道羽書急。單于寇井陘。氣高輕赴難。誰顧燕山銘。

少伯塞上詩。多能傳出義勇。

秋興

日暮西北堂。涼風洗修竹。著書在南窗。門館常肅肅。苔草延古意。視聽轉幽獨。或問余所營。刈黍就寒谷。

聽彈風入松闕贈楊補闕

商風入我絃。夜竹深有露。絃悲與林寂。清景不可度。寥落幽居心。颺颺青松樹。松風吹草白。溪水寒日暮。聲意去復還。九變待一顧。空山多雨雪。獨立君始悟。絃外之音。味外之旨。可想不可說。

同從弟銷南齋翫月憶山陰崔少府

高臥南齋時。開帷月初吐。清輝淡水木。演漾在窗戶。苒苒幾盈虛。澄澄變今古。美人清江畔。是夜越吟苦。千里其何如。微風吹蘭杜。高人對月時。每有盈虛古今之感。

江上聞笛

橫笛怨江月。扁舟何處尋。聲長楚山外。曲繞胡關深。相去萬餘里。遙傳此夜心。寥寥浦溆寒。響盡唯幽林。不知誰家子。復奏邯鄲音。水客皆擁棹。空霜遂盈襟。羸馬望北走。遷人悲越吟。何當邊草白。旌節隴城陰。

儲光義

光義。兗州人。開元進士。官太祝。轉監察御史。受安祿山僞官。賊平後貶死。○太祝。詩學陶而得其真樸。與王右丞分道揚鑣。

樵父詞

山北饒朽木。山南多枯枝。枯枝作採薪。爨室私自知。詰朝礪斧尋。視暮行歌歸。先雪隱薜荔。迎暄臥茅茨。清澗日濯足。喬林時曝衣。終年登險阻。不復憂安危。蕩漾與神遊。莫知是與非。山中之險阻。異世途之險阻也。故登而不危。

牧童詞

不言牧田遠。不道牧陂深。所念牛馴擾。不亂牧童心。圓笠覆我首。長蓑披我襟。方將憂暑雨。亦以懼寒陰。大牛隱層坂。小牛穿近林。同類相鼓舞。觸物成謳吟。取樂須臾間。寧問聲與音。與無羊之詩同。總言牧童性情。歸於忘機也。

釣魚灣

垂釣綠灣春。春深杏花亂。潭清疑水淺。荷動知魚散。日暮待情人。維舟綠楊岸。待情人。俟同志也。見釣者意不在魚。

題太玄觀

門外車馬喧。門裏宮殿清。行即翳若木。坐即吹玉笙。所喧既非我。真道其冥冥。肅肅穆穆。無游仙凡語。

喫茗粥作

當晝暑氣盛。鳥雀靜不飛。念君高梧陰。復解山中衣。數片遠雲度。曾不蔽炎暉。淹留膳茶粥。共我飯蕨薇。敵廬既不遠。日暮徐徐歸。

使過彈箏峽作

烏雀知天雪。羣飛復羣鳴。原田無餘粟。日暮滿空城。達士憂世務。鄙夫念王程。晨過彈箏峽。馬足凌兢行。雙壁隱靈曜。莫能知晦明。皚皚堅冰白。漫漫陰雲平。始信古人言。苦節不可貞。

田家卽事

蒲葉日已長。杏花日已滋。老農要看此。貴不違天時。迎晨起飯牛。雙駕耕東菑。蚯蚓土中出。田烏隨我飛。羣合亂啄噪。嗷嗷如道飢。我心多惻隱。顧此兩傷悲。撥食與田烏。日暮空筐歸。親戚更相誚。我心終不移。

愛物之心勝於愛己。田父中不易有此人。

田家雜興四首

春至鶻鷓鳴。薄言向田墅。不能自力作。眊勉娶鄰女。旣念生子孫。方思廣田圃。閒時相顧笑。喜悅好禾黍。夜夜登嘯臺。南望洞庭渚。百草被霜露。秋山響砧杵。却羨故年時。中情無所取。所羨者故年之收穫不必別有所取也。

衆人恥貧賤。相與尙膏腴。我情旣浩蕩。所樂在畋漁。山澤時晦冥。歸家整閒居。滿園種葵藿。繞屋樹桑榆。禽雀知我閒。翮集依我廬。所願在優游。州縣莫相呼。日與南山老。兀然傾一壺。

貧士養情性。不復知憂樂。去家行賣畚。留滯南陽郭。秋至黍苗黃。無人可刈穫。孺子朝未飯。把竿逐鳥雀。忽見梁將軍。乘車出宛洛。意氣軼道路。光輝滿墟落。安知負薪者。啜啜笑輕薄。

楚山有高士。梁國有遺老。築室旣相鄰。同田復同道。糗糒常共飯。兒孫每更抱。忘此耕耨勞。愧彼風雨好。

老農極知足。安分語。螻蛄鳴空澤。鷓鴣傷秋草。日夕寒風來。衣裳苦不早。既念生子孫。方思廣園圃。糗糲常共飯。兒孫每更抱。此種真樸。右丞田家詩中。未能

著道
陶翰。潤州人。開元中爲禮部員外郎。○殷璠評翰詩云。既多興象。復備風骨。三百年以前。方可論其體裁。

出蕭關懷古

驅馬擊長劍。行役至蕭關。悠悠五原上。永眺關河前。北虜三十萬。此中常控弦。秦城亘宇宙。漢帝理旌旗。刁斗鳴不息。羽書日夜傳。五軍計莫就。三策議空全。大漠橫萬里。蕭條絕人煙。孤城當瀚海。落日照祁連。愴然苦寒奏。懷哉式微篇。更悲秦樓月。夜夜出胡天。武帝紀。元光二年。韓安國爲護軍將軍。李廣爲驍騎將軍。公孫賀爲輕騎將軍。王恢爲將屯將軍。李息爲材官將軍。屯馬邑谷中。單于覺之。走出。故曰計莫就。○嚴尤曰。匈奴爲害。周秦漢未有得上策者也。周得中策。漢得下策。秦無策焉。○雖屬對偶。尙有氣骨。

宿天竺寺

松柏亂巖口。山西微徑通。天開一峯見。宮闕生虛空。正殿倚霞壁。千樓標石叢。夜來猿鳥靜。鐘梵寒雲中。岑翠映湖月。泉聲亂溪風。心超諸境外。了與懸解同。明發氣候改。起視長崖東。湖色濃蕩漾。海光漸曠曠。葛仙跡葛洪尙在。許氏道許邁猶崇。獨往古來事。幽期懷二公。

邱爲。嘉興人。官右庶子。年八十餘。母尙無恙。給祿之半。以旌異之。

題農廬舍

東風何時至。已綠湖上山。湖上春旣早。田家日不閒。溝塍流水處。耒耜平蕪間。薄暮飯牛罷。歸來還閉關。
山行尋隱者不遇

絕嶺一茆茨。直上三十里。扣關無僮僕。窺室唯案几。旣非巾柴車。應是釣秋水。蹉跎不相見。眈勉空仰止。
草色新雨中。松聲晚窗裏。雖無賓主意。頗得清靜理。興盡方下山。何必待之子。

李

頎東川人開元中
進士官新鄉尉

寄鏡湖朱處士

澄霽晚流闊。微風吹綠蘋。鱗鱗遠峰見。淡淡平湖春。芳草日堪把。白雲心所親。何時可爲樂。夢裏東山人。
送暨道還玉清觀

仙官有名籍。度世吳江濱。大道本無我。青春長與君。中洲俄已到。至理得而聞。明主降黃屋。時人看白雲。
空山何窈窕。三秀日氛氳。遂此留書客。超遙煙駕分。大道二語
渾然元化

題碁母校書所居

常稱挂冠吏。昨日歸滄洲。行客暮帆遠。主人庭樹秋。豈伊問天命。但欲爲山遊。萬物我何有。白雲空自幽。
蕭條江海上。日夕見丹邱。生事本漁釣。賞心隨去留。惜哉曠微月。欲濟無輕舟。倏忽令人老。相思河水流。
登首陽山謁夷齊廟

古人已不見。喬木竟誰過。寂寞首陽山。白雲空復多。蒼苔歸地骨。皓首採薇歌。畢命無怨色。成仁其若何。我來入遺廟。時候微清和。落日弔山鬼。回風吹女蘿。二語中精靈如在石門正西豁。引領望黃河。千里一飛鳥。孤光東逝波。驅車層城路。惆悵此巖阿。講夷齊廟。何容復下讚語。耶。淡淡著筆。風骨最高。

東京寄萬楚

溘落久無用。

自謂

隱身甘采薇。仍聞薄宦者。

楚指萬

還事田家衣。潁水日夜流。故人相見稀。春山不可望。黃鳥

東南飛。濯足豈長往。一尊聊可依。了然潭上月。適我胸中機。在昔同門友。如今出處非。優游白虎殿。偃息

青瑣闈。且有薦君表。當看攜手歸。寄書不待面。蘭茝空芳菲。後半言同門之友。仕於朝者。當薦君而已。出則不能復依蘭茝。空見其芳菲而已。

賈

至字幼鄰。洛陽人。擢明經第。爲單父尉。明皇幸蜀。拜中書舍人。知制誥。撰麟宗冊。文命往奉冊。累封信都縣伯。以散騎常侍卒。諡曰文。

自蜀奉冊命往朔方途中呈韋左相文部房尚書門下崔侍郎

胡羯亂中夏。變輿忽南巡。衣冠陷戎寇。狼狽隨風塵。幽公秉大節。臨難不顧身。激昂白刃前。濺血下沾巾。

尙書抱忠義。房瑄歷險披荆榛。扈從出劍門。登翼岷江濱。時望挹侍郎。公才標縉紳。亭亭崑山玉。皎皎無淄

磷。顧惟乏經濟。扞牧陪從臣。永願雪會稽。仗劍清咸秦。太皇時內禪。神器付嗣君。新命集舊邦。至德被遠

人。捧冊自南服。奉詔趨北軍。奉內禪冊文往朔方覲謁心載馳。遠離難重陳。策馬出蜀山。畏途上緣雲。飲啄叢篁間。

棲息虎豹羣。崎嶇凌危棧。惴慄驚心神。峭壁上嶽岑。大江下沅沅。皇風扇八極。異類懷深仁。元兇誘黠虜。

肘腋生妖氛。明主信英武。威聲赫四鄰。誓師自朔方。旗幟何繽紛。鐵騎照白日。旄頭拂秋旻。將來蕩滄溟。寧止蹴崑崙。古來有屯難。否泰常相因。夏康纘禹跡。代祖復漢勳。以中興望廟宗于役各勤王。驅馳拱紫宸。豈惟太公望。往昔逢周文。呈韋房崔三人誰謂三傑才。功業獨殊倫。感此慰行邁。無爲歌苦辛。直敘時事。煌煌大文。

寓言

春草紛碧色。佳人曠無期。悠哉千里心。欲采商山芝。歎息良會晚。如何桃李時。懷君晴川上。佇立夏雲滋。

常

建開元十五年進士官盱眙尉

塞上曲

翩翩雲中使。來問太原卒。百戰苦不歸。刀頭怨秋月。塞雲隨陣落。望其還而不遂寒日傍城沒。城下有寡妻。哀哀哭枯骨。

昭君墓

漢宮豈不死。異域傷獨沒。萬里馱黃金。蛾眉爲枯骨。迴車夜出塞。立馬皆不發。其恨丹青人。墳上哭明月。弔王將軍墓

嫖姚北伐時。深入強千里。戰餘落日黃。軍敗鼓聲死。嘗聞漢飛將。可奪單于壘。今與山鬼鄰。殘兵哭遼水。

強千里謂過於千里也。木蘭詩。賞賜千百強。可證。○哭枯骨。哭明月。哭遼水。長於寫哭。

宿王昌齡隱居

清溪深不測，隱處惟孤雲。松際露微月，清光猶爲君。茆亭宿花影，藥院滋苔紋。余亦謝時去，西山鸞鶴羣。

清激之筆，中有靈悟。

江上琴興

江上調玉琴，一絃清一心。泠泠七絃遍，萬木澄幽陰。能令江月白，又令江水深。始知枯桐枝，可以徽黃金。

言能使無情者俱有情也。只寫琴理，不形容琴聲。龍標江上聞笛詩亦然。

送李十一尉臨溪

泠泠花下琴，君唱渡江吟。天際一帆影，預懸離別心。以言神仙尉，因致瑤華音。回軫撫商調，越溪澄碧林。

潭州留別

賢達不相識，偶然交已深。宿帆謁郡佐，悵別依禪林。湘水流入海，楚雲千里心。望君松杉夜，山月清猿吟。

西山

一身爲輕舟，落日西山際。當隨去帆影，遠接長天勢。物象歸餘清，林巒分夕麗。亭亭碧流暗，日入孤霞繼。滑日遠陰映，湖雲尙明霽。林昏楚色來，岸遠荆門閉。至夜轉清迥，蕭蕭北風厲。沙邊鴈鷺泊，宿處蒹葭蔽。圓月逗前浦，孤琴又搖曳。泠然夜遂深，白露沾人袂。步驟謝公。○此夜泊西山之作。一身爲輕舟，言獨身泛舟，身猶舟也。

高

適字達夫。滄州人。舉有道科。哥舒翰表為書記。輸兵敗。奔赴行在。遷侍御史。歷遷西川節度使。代宗時封渤海縣侯。卒。諡曰忠。有唐詩人之達者。適一人而已。○適五十學詩。每一篇

出為時稱頌

登隴

隴頭遠行客。隴上分流水。流水無盡期。行人未云已。淺才通一命。孤劍適萬里。豈不思故鄉。從來感知己。

觀淺才通一命句。應是哥舒翰表為參軍。掌書記時作。感知忘家。語簡意足。

薊中作

策馬自沙漠。長驅登塞垣。邊城何蕭條。白日黃雲昏。一到征戰處。每愁胡虜翻。豈無安邊書。諸將已承恩。

惆悵孫吳事。歸來獨閉門。言諸將不知防邊。雖有策無可陳也。乃不云天子簡賞。而云主將承恩。令人言外思之。可悟立言之體。

岑

參南陽人。天寶中進士。官至監察御史。杜甫薦之。累遷侍御史。出為嘉州刺史。○參詩能作奇語。尤長於邊塞。

灋頭送蔣侯

君住灋水北。我家灋水西。兩村辨喬木。五里聞鳴雞。飲酒溪雨過。彈琴山月低。徒聞蔣生徑。爾去誰相攜。

至大梁却寄匡城主人

一從棄魚釣。十載干明王。無由謁天階。却欲歸滄浪。仲秋至東郡。遂見天雨霜。昨日夢故山。蕙草色已黃。

平明辭鐵邱。薄暮遊大梁。仲秋蕭條景。拔刺飛鵝鷓。四郊陰風閉。萬里無晶光。長風吹白茆。野火燒枯桑。

故人南燕吏。籍籍名流芳。聊以玉壺贈。置之君子堂。長風吹白茆。二語殷璠稱爲逸才。又馬走碎石中。四蹄皆血流。亦爲警絕。

暮秋山行

疲馬臥長坂。夕陽下通津。山風吹空林。颯颯如有人。蒼旻霽涼雨。石路無飛塵。千念集暮節。萬籟悲蕭晨。鷓鴣昨夜鳴。蕙草色已陳。况在遠行客。自然多苦辛。

因假歸白閣草堂

雷聲傍太白。雨在八九峯。東望白閣雲。半入紫閣松。勝概紛滿目。衡門趣彌濃。幸有數畝田。得延二仲蹤。早聞達士語。偶與心相通。誤狗一微官。還山媿塵容。釣竿不復把。野碓無人舂。惆悵飛鳥盡。南溪聞夜鐘。

與高適薛據同登慈恩寺浮圖

塢勢如湧出。突兀孤高聳天宮。登臨出世界。磴道盤虛空。突兀壓神州。崢嶸如鬼工。四角礙白日。七層摩蒼穹。下窺指高鳥。俯聽聞驚風。連山若波濤。奔走似朝東。青松夾馳道。宮觀何玲瓏。秋色從西來。蒼然滿關中。五陵北原上。萬古青濛濛。淨理了可悟。勝因夙所宗。誓將挂冠去。覺道猶言資無窮。登慈恩塢詩。少陵下應推此作。高適夫儲太祝皆不及也。薛據詩失傳。無可考。

送祁樂歸河東

祁樂後來秀。挺身出河東。往年詣驪山。獻賦溫泉宮。天子不召見。揮鞭遂從戎。前月還長安。囊中金已空。

有時忽乘興。畫出江上峰。牀頭蒼梧雲。簾下天台松。忽如高堂上。颯颯生清風。五月火雲屯。氣燒天地紅。鳥且不敢飛。子行如轉蓬。少華與首陽。黃河流於二山。隔河勢爭雄。新月河上出。清光滿關中。置酒灑亭別。高歌披心胸。君到故山時。爲我謝老翁。

崔

曙曙宋州人開元二十六年進士以試明堂火珠詩得名詩云曙後一星孤

山下晚晴

寥寥遠天靜。谿路何空濛。斜光照疎雨。秋氣生白虹。雲盡山色暝。蕭條西北風。故林歸宿處。一葉下梧桐。

潁陽東谿懷古

在河南登封縣

靈谿氛霧歇。皎鏡清心顏。空色不映水。秋聲多在山。世人久疎曠。萬物皆自閒。白鷺寒更浴。孤雲晴未還。昔時讓王者。此地閉玄關。無以躡高步。淒涼岑壑間。讓王指許由莊子有讓王篇

早發交崖山還太室作

太室在嵩山與少室相望

東林氣微白。寒鳥急高翔。吾亦自茲去。北山歸草堂。杪冬正三五。日月遙相望。肅肅過潁上。矐矐辨夕陽。川冰生積雪。野火出枯桑。獨往路難盡。窮陰人易傷。傷此無衣客。如何蒙雪霜。

包融

送國子張主簿

湖岸纜初解。鶯啼別離處。遙見舟中人。時時一迴顧。坐悲芳歲晚。花落青軒樹。春夢隨我心。悠揚逐君去。

薛

據荆南人官太
子思議耶。

冬夜寓居寄儲太祝

自爲雒陽客。夫子吾知音。愛義能下士。感激時人無此心。奈何離居夜。巢鳥飛空林。愁坐至月上。復聞南鄰砧。

卷二

五言古詩

李

白字太白。梁武昭王九世孫。蜀人。亦云山東人。天才奇特。遊長安。寶知章見其文。曰：謫仙人也。言于明皇。召對金鑾殿。詔供奉翰林。帝在沉香亭賞名花。召賦清平調二章。帝愛其才。因醉命高力士脫靴。力士恥之。擗詩中語。激楊貴妃。妃譖於帝。賜金放還。安祿山反。永王璘辟爲府僚佐。璘起兵。白逃回。璘敗。當誅。先是警救郭子儀。至是子儀請解官。以贖詔長流。夜郎。赦還。客當塗。令李陽冰所代。宗立。以左拾遺召。而白已卒矣。葬當塗之青山。○太白詩。縱橫馳驟。獨古風。二卷。不矜才。不使氣。原本阮公。風格俊上。伯玉感遇詩。後有嗣音矣。

古風十五首

大雅久不作。吾衰竟誰陳。王風委蔓艸。戰國多荆榛。龍虎相啖食。兵戈逮狂秦。正聲何微茫。哀怨起騷人。揚馬激頽波。開流蕩無垠。廢興雖萬變。憲章亦已淪。自從建安來。綺麗不足珍。聖代復元古。垂衣貴清真。

羣才屬休明。乘運共躡鱗。文質相炳煥。衆星羅秋旻。我志在刪述。垂輝映千春。希聖如有立。絕筆於獲麟。
昌黎云。齊梁及陳隋。衆作等蟬噪。太白則云。自從建安來。綺麗不足珍。是從來作。豪傑語。○不足珍。謂建安以後也。謝朓樓餞別云。蓬萊文章建安骨。一語可證。

蟾蜍薄太清。蝕此瑤臺月。圓光虧中天。金魄遂淪沒。蟬竦入紫微。大明夷朝暉。浮雲隔兩曜。萬象昏陰霏。蕭蕭長門宮。昔是今已非。桂蠹花不實。天霜下嚴威。沈歎終永夕。感我涕沾衣。
意指武惠妃有寵。王皇后見廢而作通體。皆作隱語。

而蕭蕭長門宮二句。若晦若顯。布置最佳。

秦皇掃六合。虎視何雄哉。飛劍決浮雲。諸侯盡西來。明斷自天啓。大略駕羣才。收兵鑄金人。函谷正東開。銘功會稽嶺。騁望瑯琊臺。刑徒七十萬。起土驪山隈。尙采不死藥。茫然使心哀。連弩射海魚。長鯨正崔嵬。額鼻象五岳。揚波噴雲雷。鬢鬣蔽青天。何由覩蓬萊。徐市載秦女。樓船幾時迴。但見三泉下。金棺葬寒灰。

既期不死而又築高陵。自相矛盾矣。

莊周夢蝴蝶。蝴蝶爲莊周。一體更變易。萬事良悠悠。乃知蓬萊水。復作清淺流。
與下青門二句。青門種瓜人。舊日

東陵侯。富貴固如此。營營何所求。
言一體尙有變易。而富貴能長保耶。

齊有侷儻生。魯連特高妙。明月出海底。一朝開光曜。卻秦振英聲。後世仰末照。意輕千金贈。顧向平原笑。吾亦澹蕩人。拂衣可同調。

松栢本孤直。難爲桃李顏。昭昭嚴子陵。垂釣滄波間。身將客星隱。心與白雲閒。長揖萬乘君。還歸富春山。

清風灑六合。邈然不可攀。使我長歎息。冥棲巖石間。

不著議論。詠古一體。

君平既棄世。世亦棄君平。觀變窮太易。探元化羣生。寂寞綴道論。空籬閉幽情。騶虞不虛來。鸞鷟有時鳴。安知天漢上。白日懸高名。海客去已久。誰人測沈溟。

意。

言人之不混。如騶虞鸞鷟必然見知。即世人不知。天漢二句。用海客乘槎至織女官。

天津三月時。千門桃與李。朝爲斷腸花。暮逐東流水。前水復後水。古今相續流。新人非舊人。年年橋上遊。鷄鳴海色動。謁帝羅公侯。月落西上陽。餘輝半城樓。衣冠照雲日。朝下散皇州。鞍馬如飛龍。黃金絡馬頭。行人皆辟易。志氣橫嵩丘。入門上高堂。列鼎錯珍羞。香風引趙舞。清管隨齊謳。七十紫鴛鴦。雙雙戲庭幽。行樂爭晝夜。自言度千秋。功成身不退。自古多愆尤。黃犬空歎息。綠珠成覺讎。何如鴟夷子。散髮棹扁舟。

歷言權貴豪侈。沉溺不返。而有李斯石崇之禍。不如范蠡扁舟歸去之爲得也。前用興起。

鄭客西入關。行行未能已。白馬華山君。相逢平原里。壁遺鎬池君。明年祖龍死。秦人相謂曰。吾屬可去矣。一往桃花源。千春隔流水。

羽檄如流星。虎符合專城。喧呼救邊急。羣鳥皆夜鳴。白日耀紫微。三公運權衡。天地皆得一。澹然四海清。借問此何爲。言天下清平。不應有答言楚徵兵。渡瀘及五月。將赴雲南征。炎月出師。而又當怯卒非戰士。炎方難遠行。長號別嚴親。日月慘光晶。泣盡繼以血。心摧兩無聲。困獸當猛虎。窮魚餌奔鯨。千去不一回。

投軀豈全生。如何舞干戚。

如何作何如解。古人每有之。○千羽改干戚。本淵明刑天舞干戚句。○時徵兵雲南而大敗。楊國忠掩敗爲功。詩應作於是時。

胡關饒風沙。蕭索竟終古。木落秋草黃。登高望戎虜。荒城空大漠。邊邑無遺堵。白骨橫千霜。嵯峨蔽榛莽。

借問誰凌虐。天驕毒威武。赫怒我聖皇。勞師事擊鼓。陽和變殺氣。發卒騷中土。三十六萬人。哀哀淚如雨。

且悲就行役。安得營農圃。不見征戍兒。豈知關山苦。李牧今不在。邊人飼豺虎。天寶中。上使王忠嗣攻吐蕃石堡城。忠嗣言堅守難

攻。董延光白請攻之。不克。復命哥舒翰攻而拔之。獲吐蕃四百人。而唐兵死已略盡。其後世爲讐敵矣。詩爲開邊重戒。與前一首同。

登高望四海。天地何漫漫。霜被羣物秋。風飄大荒寒。榮華東流水。萬事皆波瀾。白日掩徂輝。浮雲無定端。

梧桐巢燕雀。枳棘棲鷓鴣。且復歸去來。劔歌行路難。白日一語。喻讒邪惑主。梧桐二語。喻小人得志。君子失所。

醜女來效顰。還家驚四鄰。壽陵失故步。笑殺邯鄲人。一曲斐然子。雕蟲喪天真。棘刺造沐猴。三年費精神。

功成無所用。楚楚且華身。大雅思文王。頌聲久崩淪。安得郢中質。成風一運斤。譏世之文章。無補風教。而因追思大雅也。

八荒馳驚飈。萬物盡凋落。浮雲蔽頽陽。洪波振大壑。龍鳳脫網罟。飄飄將安托。去去乘白駒。空山詠場藿。

浮雲二語。隱指亂世景象。

桃花開東園。含笑誇白日。偶蒙東風榮。生此豔陽質。豈無佳人色。但恐花不實。宛轉龍火著。龍房心火爲。

飛零落早相失。詎知南山松。獨立自蕭瑟。

擬古四首

長繩難繫日。自古共悲辛。黃金高北斗。不惜買陽春。石火無留光。還如世中人。言時光與人命同一短促。卽事已如夢。後來我誰身。提壺莫辭貧。取酒會四鄰。仙人殊恍惚。未若酒中真。

月色不可掃。客愁不可道。玉露生秋衣。流螢飛百草。日月終銷毀。天地同枯槁。蟪蛄啼青松。安見此樹老。金丹寧誤俗。昧者難精討。爾非千歲翁。多恨去世早。飲酒入玉壺。藏身以爲寶。言天地終歸枯槁。况乎人生正當及時行樂。

涉江弄秋水。愛此荷花鮮。攀荷弄其珠。蕩漾不成圓。佳期彩雲重。欲贈隔遠天。相思無由見。悵望涼風前。去去復去去。辭君還憶君。漢水旣殊流。楚山亦此分。人生難稱意。豈得長爲羣。越燕喜海日。燕鴻思朔雲。別久容華晚。琅玕不能飯。日落知天昏。夢長覺道遠。望夫登高山。化石竟不返。詞微旨遠。怨而不怒。

沐浴子 樂府不另分一格。雜人五言。七言中。長短句入七言。

沐芳莫彈冠。浴蘭莫振衣。處世忌太潔。至人貴藏輝。滄浪有釣叟。吾與爾同歸。言立身忌太潔。不如老氏之和光同塵也。暗用楚辭意。

子夜吳歌 子夜音。女子名。

長安一片月。萬戶擣衣聲。秋風吹不盡。總是玉關情。何日平胡虜。良人罷遠征。不言朝家之黷武。而言胡虜之未平。立言溫厚。

關山月

明月出天山。蒼茫雲海間。長風幾萬里。吹度玉門關。漢下白登道。胡窺青海灣。由來征戰地。不見有人還。

戍客望邊邑。思歸多苦顏。高樓當此夜。歎息未應閒。

短歌行

白日何短短。百年苦易滿。蒼穹浩茫茫。萬劫太極長。麻姑垂兩鬢。一半已成霜。天公見玉女。大笑億千場。吾欲攬六龍。迴車挂扶桑。北斗酌美酒。勸龍各一觴。富貴非所願。與人駐顏光。

妾薄命

漢帝寵阿嬌。貯之黃金屋。咳唾落九天。隨風生珠玉。形容盡態。妙于語言。寵極愛還歇。妒深情却疎。長門一步地。不肯暫迴車。雨落不上天。水覆難再收。君情與妾意。各自東西流。昔日芙蓉花。今成斷根草。以色事他人。能得幾時好。

古朗月行

小時不識月。呼作白玉盤。又疑瑤臺鏡。飛在青雲端。仙人垂兩足。桂樹作團團。白兔擣藥成。問言誰與餐。蟾蜍蝕圓影。大明夜已殘。暗指貴妃。能惑主。嗟。羿昔落九烏。天人清且安。陰精此淪惑。去去不足觀。憂來其如何。悽愴摧心肝。與古風中蟾蜍薄太清篇同意。但古風指武惠妃。此指楊貴妃。各有主意也。

長干行

妾髮初覆額。折花門前劇。郎騎竹馬來。遶牀弄青梅。同居長千里。兩小無嫌猜。十四爲君婦。羞顏未嘗開。

低頭向暗壁。千喚不一回。十五始展眉。願同塵與灰。常存抱柱信。豈上望夫臺。十六君遠行。瞿塘滪灘堆。五月不可觸。猿聲天上哀。門前遲行跡。一一生綠苔。苔深不能掃。落葉秋風早。八月蝴蝶黃。雙飛西園艸。感此傷妾心。蝴蝶一句。卽所見以感興。坐愁紅顏老。早晚下三巴。預將書報家。相迎不道遠。直至長風沙。長風沙在舒州。七百餘里。言相迎之遠也。

贈盧司戶

秋色無遠近。出門盡寒山。白雲遙相識。待我蒼梧間。借問盧耽鶴。西飛幾時還。

沙邱城下寄杜甫

我來竟何事。高臥沙邱城。城邊有古樹。日夕連秋聲。魯酒不可醉。齊歌空復情。思君若汶水。浩蕩寄南征。沙邱在萊州。汶水出沂水。在青州。境地相接。故欲因水以寄清也。

送楊山人歸嵩山

我有萬古宅。嵩陽玉女峯。長留一片月。挂在東溪松。爾去掇仙草。菖蒲花紫茸。歲晚或相訪。青天騎白龍。

金鄉送韋八之西京

客自長安來。還歸長安去。狂風吹我心。西挂咸陽樹。此情不可道。此別何時遇。望望不見君。連山起煙霧。卽瞻望弗及。實勞我心。意說來自遠。

下終南山過斛斯山人宿置酒

暮從碧山下。山月隨人歸。卻顧所來徑。蒼蒼橫翠微。相攜及田家。童稚開荆扉。綠竹入幽徑。青蘿拂行衣。歡言得所憩。美酒聊共揮。長歌吟松風。曲盡河星稀。我醉君復樂。陶然共忘機。太白山水詩亦帶仙氣

寄東魯二子

吳地桑葉綠。吳蠶已三眠。我家寄東魯。誰種龜陰田。春事已不及。江行復茫然。南風吹歸心。飛墮酒樓前。樓東一株桃。枝葉拂青煙。此樹我所種。別我向三年。家常語瑣瑣層層。見其真得東山詩意。桃今與樓齊。我行尚未旋。嬌女字平陽。折花倚桃邊。折花不見我。淚下如流泉。小兒名伯禽。與姊亦齊肩。雙行桃樹下。撫背復誰憐。念此失次第。肝腸日憂煎。裂素寫遠意。因之汶陽川。

秋日魯郡堯祠亭上宴別杜補闕范侍御

我覺秋興逸。誰云秋興悲。山將落日去。水與晴空宜。魯酒白玉壺。送行駐金羈。歇鞍憩古木。解帶挂橫枝。歌鼓川上亭。曲度神飈吹。雲歸碧海夕。鴈沒青天時。相失各萬里。茫然空爾思。

經下邳圯橋懷張子房

子房未虎嘯。破產不爲家。滄海得壯士。椎秦博浪沙。報韓雖不成。天地皆振動。潛匿遊下邳。豈曰非智勇。我來圯橋上。懷古欽英風。唯見碧流水。曾無黃石公。歎息此人去。蕭條徐泗空。爲子房生色。智勇二字。可補世家贊語。

望鸚鵡洲懷禰衡

魏帝營八極。蟻觀一禰衡。黃祖斗筲人。殺之受惡名。吳江賦鸚鵡。落筆超羣英。鏘鏘振金玉。句句欲飛鳴。鸞鵝啄孤鳳。千春傷我情。五岳起方寸。隱然詎可平。才高竟何施。寡識冒天刑。至今芳洲上。蘭蕙不忍生。

曹操送之劉表。劉表送之黃祖。祖乃殺之。固三人之不能容物。而衡之恃才。漫罵有以自取也。嚴儀卿云。才高識寡。與太白意同。

月下獨酌

花間一壺酒。獨酌無相親。舉杯邀明月。對影成三人。月既不解飲。影徒隨我身。暫伴月將影。行樂須及春。我歌月裴回。我舞影零亂。醒時同交歡。醉後各分散。永結無情遊。相期邈雲漢。

脫口而去。純乎天籟。此種詩人不易學。

春日醉起言志

處世若大夢。胡爲勞其生。所以終日醉。頽然臥前楹。覺來盼庭前。一鳥花間鳴。借問此何時。春風語流鶯。感之欲歎息。對酒還自傾。浩歌待明月。曲盡已忘情。

望終南山寄紫閣隱者

出門見南山。引領意無限。秀色難爲名。蒼翠日在眼。有時白雲起。天際自舒卷。心中與之然。託興每不淺。何當造幽人。滅跡棲絕巘。

因白雲舒卷。念及幽人。借隱之思。與之俱遠。

送裴十八圖南歸嵩山

君思潁水綠。忽復歸嵩岑。歸時莫洗耳。爲我洗其心。洗心得真情。洗耳徒買名。謝公終一起。相與濟蒼生。

言眞能洗心。則出處皆宜。不專以忘世爲高也。借洗耳引洗心。無貶巢父意。

登黃山凌歊臺送族弟溧陽尉濟充泛舟赴華陰得齊字

鸞乃鳳之族。翺翔紫雲霓。文章輝五色。雙在瓊樹棲。一朝各飛去。鳳與鸞俱啼。炎赫五月中。朱曦爍河隄。爾從泛舟役。使我心魂悽。秦地無碧草。南雲喧鼓鼙。君王減玉膳。早起思鳴雞。漕引救關輔。疲人免塗泥。宰相作霖雨。農夫得耕犁。靜者伏艸間。羣才滿金閨。空手無壯士。窮居使人低。送君登黃山。長嘯倚天梯。小舟若鳧鴈。大舟若鯨鯢。開帆散長風。舒卷與雲齊。日入牛渚晦。蒼然夕煙迷。相思定何許。杳在洛陽西。

說轉漕處見關係單國此一篇主意未寫送行亦不艸草

上三峽巫峽西陵峽歸峽並稱三峽

巫山夾青天。巴水流若茲。巴水忽可盡。青天無到時。三朝上黃牛。三暮行太遲。三朝又三暮。不覺鬢成絲。

古語云朝見黃牛暮見黃牛三朝三暮黃牛如故亦峽名

聽蜀僧濬彈琴

蜀僧抱綠綺。西下蛾眉峰。爲我一揮手。如聽萬壑松。客心洗流水。餘響入霜鐘。不覺碧山暮。秋雲暗幾重。

杜甫字子美襄陽人審言之孫并之子舉進士不第天寶末獻三大禮賦授京兆府兵曹參軍

杜祿山亂蕭宗即位靈武甫自京師西謁行在拜右拾遺房瑄兵敗貶官甫救之出爲華州

司功參軍客秦州。流落劍南。殿武表為參謀。工部員外郎。武卒。遊東蜀。往依高適。適旅卒。自是數遭寇亂。以舟為居。未陽。聶令迎歸。署中。一夕而卒。年五十九。孫嗣業。自未陽迎。柩歸葬於僊師縣。首陽山之前。○聖人言詩自與觀軍。怨歸本於事。父事君。少陵身際亂離。負薪拾橡。而忠愛之意。惓惓不忘。得聖人之旨矣。○前人論少陵詩者多矣。至嚴滄浪。則云。憲章漢魏。而取材於六朝。至其自得之妙。先輩所謂集大成者也。孫器之比之周公禮樂。後世莫能擬議。斯為論。○少陵詩。陽開陰闔。雷動風飛。任舉一句。一節。無不見此。老面目。在盛唐中。允推大家。○少陵五言。長篇。意本連屬。而學問博。力量大。轉接無痕。莫測端倪。轉似不連。屬者千古以來。讓渠獨步。○唐人詩。原本離騷。文選。老杜獨能驅策。經史不第以詩人目之。

奉贈韋左丞丈二十二韻

紈袴不餓死。儒冠多誤身。丈人試靜聽。賤子請具陳。甫昔少年日。早充觀國賓。讀書破萬卷。下筆如有神。賦料揚雄敵。詩看子建親。二句李邕求識面。王翰願卜鄰。二句自謂頗挺出。立登要路津。致君堯舜上。再使風俗淳。少年此意竟蕭條。行歌非隱淪。騎驢三十載。旅食京華春。朝扣富兒門。暮隨肥馬塵。殘杯與冷炙。到處潛悲辛。主上頃見徵。欻然欲求伸。青冥卻垂翅。蹭蹬無縱鱗。天寶二年。詔天下有一藝者。詣數下。李林甫謂野無遺賢。皆下之。甚媿丈人厚。甚知丈人真。每於百寮上。猥誦佳句新。竊效貢公喜。難甘原憲貧。焉能心快快。祇是走踈踈。今欲東入海。即將西去秦。尚憐終南山。回首清渭濱。有三宿出畫意。常擬報一飯。况懷辭大臣。感知與潔身。白鷗沒浩蕩。萬里誰能馴。抱負如此。終遭阻抑。然其去也。無怨懟之詞。有遲遲我行之意。可謂溫柔敦厚矣。

遊龍門奉先寺

已從招提遊。更宿招提境。陰壑生虛籟。月林散清影。天闕象緯逼。雲臥衣裳冷。欲覺聞晨鐘。令人發深省。

伊闕名龍門。非導河積石所至之龍門也。本有天闕。不應改天闕。

望嶽

岱宗夫如何。齊魯青未了。造化鍾神秀。陰陽割昏曉。盪胸生層雲。決眚入歸鳥。會當凌絕頂。一覽衆山小。

齊魯青未了五字已盡太山。

贈衛八處士

人生不相見。動如參與商。今夕復何夕。共此燈燭光。少壯能幾時。鬢髮各已蒼。訪舊半爲鬼。驚呼熱中腸。焉知二十載。重上君子堂。昔別君未婚。兒女忽成行。怡然敬父執。問我來何方。問答未及已。兒女羅酒漿。夜雨剪春韭。新炊間黃粱。主稱會面難。一舉累十觴。十觴亦不醉。感子故意長。明日隔山岳。世事兩茫茫。

同諸公登慈恩寺塔原注時高適薛據先有作

高標跨蒼穹。烈風無時休。自非曠士懷。登茲翻百憂。伏後方知象教力。足可追冥搜。仰穿龍蛇窟。始出枝

撐幽。七星在北戶。河漢聲西流。羲和鞭白日。少昊行清秋。四句秦山忽破碎。涇渭不可求。俯視但一氣。焉

能辨皇州。四句俯視迴首叫虞舜。蒼梧雲正愁。惜哉瑤池飲。日晏崑崙丘。黃鵠去不息。哀鳴何所投。君看隨陽

鴈。各有稻粱謀。後半回首以下胸中鬱鬱。律律不敢顯言。故托隱語出之。

前出塞九首朱長孺云。明皇季年。哥舒翰食功於吐蕃。安祿山構禍於丹。於是徵調半天下。前出塞爲哥舒發。後出塞爲祿山發。今按詩前九章多從軍愁苦之詞。後五章防

強臣跋扈之漸。長孺所分也。

戚戚去故里。悠悠赴交河。公家有程期。亡命嬰禍羅。君已富土境。開邊一何多。棄絕父母恩。吞聲行負戈。出門日已遠。不受徒旅欺。骨肉恩豈斷。男兒死無時。走馬脫轡頭。手中挑青絲。捷下萬仞岡。俯身試搃旗。磨刀鳴咽水。水赤刃傷手。欲輕腸斷聲。心緒亂已久。丈夫誓許國。憤惋復何有。功名圖麒麟。戰骨當速朽。

嗚咽水卽
嘯頭流水。

送徒既有長。遠戍亦有身。生死向前去。不勞吏怒嗔。路逢相識人。附書與六親。哀哉兩決絕。不復同苦辛。迢迢萬餘里。領我赴三軍。軍中異苦樂。主將寧盡聞。隔河見胡騎。倏忽數百羣。我始爲奴僕。幾時樹功勳。挽弓當挽強。用箭當用長。射人先射馬。擒賊先擒王。前四語卽寓不多殺傷意。所謂節制之師。殺人亦無限。立國自有疆。苟能制侵陵。豈在多殺傷。諸本殺人亦有限。惟文待詔作無限。以開合語出之。較有味。文云。古本皆然。從之。

驅馬天雨雪。軍行入高山。逕危抱塞石。指落曾冰間。已去漢月遠。何時築城還。浮雲暮南征。可望不可攀。單于寇我壘。百里風塵昏。雄劍四五動。彼軍爲我奔。擄其名王歸。繫頸授轅門。潛身備行列。一勝何足論。末二語有大樹將軍意度。

從軍十年餘。能無分寸功。衆人貴苟得。欲語羞雷同。中原有鬪爭。况在狄與戎。丈夫四方志。安可辭固窮。不願苟得。不辭固窮。軍伍中有此節概。合九章成一章法。

後出塞五首

男兒生世間。及壯當封侯。戰伐有功業。焉能守舊丘。召募赴薊門。軍動不可留。千金買馬鞍。百金裝刀頭。閩里送我行。親戚擁道周。斑白居上列。酒酣進庶羞。少年別有贈。含笑看吳鉤。

朝進東門營。暮上河陽橋。落日照大旗。馬鳴風蕭蕭。平沙列萬幕。部伍各見招。中天懸明月。令嚴夜寂寥。

悲筋數聲動。壯士慘不驕。借問大將誰。恐是霍嫖姚。寫軍容之盛。軍令之嚴。如干莫出匣。寒光相向。霍去病勤遠開邊。故以為比。

古人重守邊。今人重高勳。豈知英雄主。出師亘長雲。六合已一家。四夷且孤軍。遂使貔虎士。奮身勇所聞。

拔劍擊大荒。日收胡馬羣。誓開玄冥北。持以奉吾君。玄冥北。豈可開乎。重高勳之侈心。必至於此。

獻凱日繼踵。兩蕃奚契丹吐蕃為西蕃靜無虞。漁陽豪俠地。擊鼓吹笙竽。雲帆轉遼海。粳稻來東吳。越羅與楚練。照

耀與臺軀。主將位益崇。氣驕凌上都。邊人不敢議。議者死路衢。溢賞以結軍心。嚴刑以箝衆口。雖欲不亂。其可得乎。連下章祿山叛逆隱露言下。

我本良家子。出師亦多門。將驕益愁思。身貴不足論。躍馬二十年。恐孤明主恩。坐見幽州騎。長驅河洛昏。

中夜問道歸。故里但空村。惡名幸脫免。窮老無兒孫。此章顯晉。

自京赴奉先縣詠懷五百字。天寶十四載十月。上幸華清宮。十一月。祿山反。詩應作于將反時。

杜陵有布衣。老大意轉拙。許身一何愚。竊比稷與契。居然成濩落。白首甘契闊。蓋棺事則已。此志常覬豁。

窮年憂黎元。歎息腸內熱。取笑同學翁。浩歌彌激烈。憂黎元至放歌愁絕。反反覆覆。淋漓顛倒。正古人不可及處。非無江海志。蕭灑送

日月生逢堯舜君。不忍便永訣。當今廊廟具。構厦豈云缺。葵藿傾太陽。物性固莫奪。顧惟螻螻輩。但自求其穴。胡爲慕大鯨。輒擬偃溟渤。以茲悟生理。獨恥事干謁。兀兀遂至今。忍爲塵埃沒。終愧巢與由。未能易其節。沉飲聊自適。放歌破愁絕。歲暮百草零。疾風高岡裂。以下自京赴奉先途中所見天衢陰崢嶸。客子中夜發。霜嚴衣帶斷。指直不得結。凌晨過驪山。御榻在巒岬。時明皇在華清宮蚩尤塞寒空。蹴踏崖谷滑。瑤池氣鬱律。羽林相摩戛。君臣留歡娛。樂動殷膠嶠。賜浴皆長纓。與宴非短褐。儀衛之盛。賜予之濫。內戚之奢。交行路所經。傳出胸中。鬱結言外。隱憂。彤廷所分帛。本自寒女出。鞭撻其夫家。聚斂貢城闕。周禮出夫家之征聖人筐篚恩。實欲邦國活。臣如忽至理。君豈棄此物。多士盈朝廷。仁者宜戰慄。况聞內金盤。盡在衛霍室。中堂舞神仙。煙霧散玉質。煖客貂鼠裘。悲管逐清瑟。勸客踟躕羹。霜橙壓香橘。朱門酒肉臭。路有凍死骨。榮枯咫尺異。惆悵難再述。北轅就涇渭。官渡又改轍。此敘途次遇冰之險。將至奉先。羣冰從西下。極目高崒兀。疑是崆峒來。恐觸天柱折。河梁幸未坼。枝撐聲窸窣。行旅相攀援。川廣不可越。老妻寄異縣。十口隔風雪。誰能久不顧。庶往共饑渴。潘岳云。誰與同歲寒。此云。庶往共飢渴。千古情至語。入門聞號咷。幼子飢已卒。吾寧捨一哀。里巷亦嗚咽。所愧爲人父。無食致夭折。豈知秋禾登。貧窶有倉卒。卽年豐生常免租稅。名不隸征伐。撫迹猶酸辛。平人固騷屑。默思失業徒。因念遠戍卒。憂端齊終南。瀕洞不可掇。與

述懷

許稷契憂黎元意相應。首敘抱負。次述道途所經。末述到家情事。身際困窮。心憂天下。自是希稷契人語。○此詩及北征。因長篇畫分段落。

去年潼關破。妻子隔絕久。今夏艸木長。脫身得西走。麻鞋見天子。衣袖露兩肘。朝廷慙生還。親故傷老醜。涕淚授拾遺。流離主恩厚。柴門雖得去。未忍卽開口。寄書問三川。不知家在否。比聞同罹禍。殺戮到雞狗。山中漏茆屋。誰復依戶牖。摧頽蒼松根。地冷骨未朽。幾人全性命。盡室豈相偶。嶽岑猛虎場。鬱結迴我首。自寄一封書。今已十月後。反畏消息來。妙在反接若云不見消息來。意淺薄矣。寸心亦何有。漢運初中興。生平老耽酒。沉思歡會處。恐作窮獨叟。

彭衙行

憶昔通篇道敘故用憶昔二字領起避賊初。北走經險艱。夜深彭衙道。月照白水山。盡室久徒步。逢人多厚顏。參差谷鳥

吟。不見遊子還。癡女饑咬我。啼畏虎狼聞。懷中掩其口。反側聲愈噴。小兒強解事。故索苦李餐。一旬半雷雨。泥濘相牽攀。既無禦雨備。徑滑衣又寒。有時經契闊。竟日數里間。野果充糗糧。卑枝成屋椽。早行石上水。暮宿天邊煙。少留同家窪。欲出蘆子關。故人有孫宰。高義薄曾雲。延客已曛黑。張燈啓重門。煖湯濯我足。剪紙招我魂。從此出妻孥。相視涕闌干。衆雛爛熳睡。喚起沾盤餐。誓將與夫子。永結爲弟昆。遂空所坐堂。安居奉我懽。誰肯艱難際。豁達露心肝。別來歲月周。胡羯仍構患。何當有翅翎。飛去墮爾前。末四句叙出本意。

北征

公時家鄭州。在鳳翔東北。故云北征。

皇帝二載秋。閏八月初吉。杜子將北征。蒼茫問家室。維時遭艱虞。朝野少暇日。顧慙恩私被。詔許歸蓬華。

拜辭詣闕下。怵惕久未出。雖乏諫諍姿。恐君有遺失。君誠中興主。經緯固密勿。東胡反未已。臣甫憤所切。

揮涕戀行在。道途猶恍惚。乾坤含瘡痍。憂虞何時畢。靡靡踰阡陌。下敘途中所經人煙眇蕭瑟。所遇多被傷。呻吟

更流血。迴首鳳翔縣。旌旗晚明滅。前登塞山重。屢得飲馬窟。邪郊入地底。涇水中蕩瀆。猛虎立我前。蒼崖

吼時裂。菊垂今秋花。以下所見佳景石戴古車轍。青雲動高興。幽事亦可悅。山果多瑣細。羅生雜橡栗。或紅如丹

砂。或黑如點漆。雨露之所濡。甘苦齊結實。緬想桃源內。益歎身世拙。坡陀望鄜岐。巖谷互出沒。我行已水

濱。我僕猶木末。一幅旅行名畫。以下所見慘景鷓鴣鳴黃桑。野鼠拱亂穴。夜深經戰場。寒月照白骨。潼關百萬師。往者散

何卒。遂令半秦民。殘害爲異物。况我墮胡塵。及歸盡華髮。敘到家經年至朔屋。妻子衣百結。慟哭松聲迴。悲

泉共幽咽。平生所嬌兒。顏色白勝雪。見耶背面啼。垢膩脚不襪。牀前兩小女。補綻才過膝。海圖拆波濤。舊

繡移曲折。天吳及紫鳳。顛倒在短褐。老夫情懷惡。嘔泄臥數日。到家後敘瑣屑事。從東山詩。有敦瓜苦。蒸在栗薪。悟出。那無囊中帛。

救汝寒凜慄。粉黛亦解苞。衾裯稍羅列。瘦妻面復光。癡女頭自櫛。學母無不爲。曉粧隨手抹。移時施朱鉛。

狼藉畫眉闊。生還對童稚。似欲忘飢渴。問事競挽鬚。誰能卽噴喝。翻思在賊愁。甘受雜亂聒。新歸且慰意。

生理焉能說。至尊尙蒙塵。幾日休練卒。敘到家後悲喜交集。詞尙未了。忽又仰觀天色改。坐覺祿氛豁。陰

風西北來。慘澹隨回鶻。其王願助順。其俗善馳突。送兵五千人。驅馬一萬匹。此輩少爲貴。四方服勇決。所

用皆鷹騰。破敵過箭疾。言借兵回紇。後有隱憂。聖心頗虛佇。時議氣欲奪。虛佇。謂帝望回紇。氣奪。謂羣議沮喪。伊洛指掌收。西京不足

拔官軍請深入。蓄銳伺俱發。此舉開青徐。旋瞻略恒碣。時李泌請建寧與李光弼犄角。直取范陽。惜不能用。公所見畧同。昊天積霜露。正

氣有肅殺。禍轉亡胡歲。勢成擒胡月。胡命其能久。皇綱未宜絕。憶昨狼狽初。事與古先別。姦臣竟蒞醢。同

惡隨蕩析。不聞夏殷衰。中自誅褒妲。周漢獲再興。宣光果明哲。歸美於君。立嘗得體。褒妲應妹妲。偶然誤筆耳。桓桓陳將軍。元禮仗

鉞奮忠烈。微爾人盡非。于今國猶活。淒涼大同殿。寂寞白獸闕。都人望翠華。佳氣向金闕。園陵固有神。掃

灑數不缺。煌煌太宗業。皇帝起太宗。結收得正大。樹立甚宏達。漢魏以來。未有此體。少陵特爲開出。是詩家第一篇大文。公之忠愛謀略。亦於此見。

玉華宮貞觀時建

溪迴松風長。蒼鼠竄古瓦。不知何王殿。遺構絕壁下。陰房鬼火青。壞道哀湍瀉。萬籟真笙竽。秋色正蕭灑。

美人爲黃土。况乃粉黛假。當時侍金輿。故物獨石馬。憂來藉艸坐。浩歌淚盈把。冉冉征途間。誰是長年者。

淒涼如見。唐初所建。而曰不知何王殿。妙於語言。

九成宮本隋仁壽宮。太宗修之以避暑。

蒼山入百里。崖斷如杵臼。曾宮憑風迴。岌巖土囊口。立神扶棟梁。鑿翠開戶牖。其陽產靈芝。其陰宿牛斗。

紛披長松倒。揭嶮怪石走。哀猿啼一聲。客淚迸林藪。荒哉隋家帝。製此今頽朽。向使國不亡。焉爲巨唐有。

有殷鑒不遠意。雖無新增修。尙置官居守。巡非瑤水遠。跡是雕牆後。我行屬時危。仰望嗟歎久。天王守太白。駐馬

更搔首。鳳翔有太白山。謂肅宗次鳳翔也。

羌村三首

崢嶸赤雲西。日脚下平地。柴門鳥雀噪。歸客千里至。妻孥怪我在。驚定還拭淚。先驚後悲真極世亂遭飄蕩。生還

偶然逢。鄰人滿牆頭。感歎亦歔歔。不再添一語高絕夜闌更秉燭。相對如夢寐。字字鏗出肺肝。又似尋常人所不能道者。變風之義與漢京之音與。

晚歲迫偷生。還家少歡趣。嬌兒不離鄰。畏我復卻去。憶昔好追涼。與昔我往矣楊柳依依四語同意故繞池邊樹。蕭蕭北

風勁。撫事煎百慮。賴知禾黍收。已覺糟牀注。如今足斟酌。且用慰遲暮。

羣雞正亂叫。客至雞鬪爭。驅雞上樹木。始聞扣柴荆。父老四五人。問問也我久遠行。手中各有攜。傾榼濁

復清。莫辭酒味薄。黍地無人耕。兵革既未息。兒童盡東征。荒亂景從父老語中傳出請為父老歌。艱難媿深情。歌罷仰

天歎。四座淚縱橫。酒味薄四句以父老語入詩艱難句少陵歌也

示從孫濟

平明跨驢出。未知適誰門。權門多噂沓。且復尋諸孫。諸孫貧無事。宅舍如荒村。堂前自生竹。堂後自生萱。

萱草秋已死。竹枝霜不蕃。淘米少汲水。汲多井水渾。刈葵莫放手。放手傷葵根。淘米四句有水源木本意。隨事比興古樂府往往有之。

阿翁癩惰久。覺兒行步奔。所來為宗族。亦不為盤飧。小人利口實。薄俗難具論。勿受外嫌猜。同姓古所

敦

義鶻行

陰崖有蒼鷹。養子黑柏顛。白蛇登其巢。吞噬恣朝餐。雄飛遠求食。雌者鳴辛酸。力強不可制。黃口無半存。其父從西歸。翻身入長煙。斯須領健鶻。痛憤寄所宣。斗上捩孤影。噉哮來九天。修鱗脫遠枝。巨額坼老拳。高空得蹭蹬。短草辭蜿蜒。折尾能一掉。飽腸皆已穿。生雖滅衆難。死亦垂千年。言蛇雖滅衆難而旋死於義鶻可垂千年之戒物情有報復。快意貴目前。茲實鷲鳥最。急難心炯然。魯仲連呼之欲出功成失所往。用舍何其賢。近經滴水涓。此事樵夫傳。飄蕭覺素髮。凜欲衝儒冠。人生許與分。只在顧盼間。森政流亞聊爲義鶻行。用激壯士肝。

新安吏

以下六詩皆舊相州師潰後事

客行新安道。喧呼聞點兵。借問新安吏。縣小更無丁。猶言幾無丁府帖昨夜下。次選中男行。中男絕短小。何以守王城。肥男有母送。瘦男獨伶俜。白水暮東流。者行青山猶哭聲。者送莫自使眼枯。收汝淚縱橫。眼枯即見骨。天地終無情。我軍取相州。日夕望其平。豈意賊難料。歸軍星散營。就糧近故壘。練卒依舊京。掘壕不到水。牧馬役亦輕。况乃王師順。撫養甚分明。送行勿泣血。僕射如父兄。謂郭子儀諸咏身所見聞事運以古樂府神理驚心動魄疑鬼疑神千古而下

何人能措手

潼關吏

士卒何草艸。築城潼關道。大城鐵不如。小城萬丈餘。借問潼關吏。修關還備胡。要我下馬行。爲我指山隅。連雲列戰格。卽戰柵飛鳥不能踰。胡來但自守。豈復憂西都。丈人視要處。窄狹容單車。艱難奮長戟。千古用

一夫哀哉桃林戰。百萬化爲魚。請囑防關將。慎勿學哥舒。見宜守不宜輕敵。潼關之敗。由哥舒之出戰。實由楊國忠之促戰。少陵戒後之守關者。故云非專歸罪哥舒也。

石壕吏

暮投石壕村。有吏夜捉人。村人看係元真寒古韻非叶也。老翁踰牆走。老婦出門看。吏呼一何怒。婦啼一何苦。聽婦前致詞。三男鄴城戍。一男附書至。二男新戰死。存者且偷生。死者長已矣。室中更無人。惟有乳下孫。孫有母未去。出入無完裙。老嫗力雖衰。請從吏夜歸。急應河陽役。時兵潰後守河陽。猶得備晨炊。夜久語聲絕。如聞泣幽咽。天明登前途。獨與老翁別。婦隨吏去。老翁自歸少陵與之別也。

新婚別

兔絲附蓬麻。起結皆興。引蔓故不長。嫁女與征夫。不如棄路旁。結髮爲君妻。席不煖君牀。暮婚晨告別。無乃太匆忙。君行雖不遠。守邊赴河陽。妾身未分明。何以拜姑嫜。父母養我時。日夜令我藏。生女有所歸。雞狗亦得將。君今往死地。君今往死地以下。層層轉換。發乎情。止乎禮義。得國風之旨矣。沉痛迫中腸。誓欲隨君去。形勢反蒼黃。勿爲新婚念。努力事戎行。婦人在軍中。兵氣恐不揚。用李陵傳中意。自嗟貧家女。久致羅襦裳。羅襦不復施。對君洗紅粧。卽誰適爲容意。仰視百鳥飛。大小必雙翔。人事多錯迕。與君永相望。與東山零雨之詩並讀。時之盛衰可知矣。○文中子欲刪漢以後續經。此種詩何不可續。

垂老別

四郊未寧靜。垂老不得安。子孫陣亡盡。焉用身獨完。投杖出門去。同行爲辛酸。幸有牙齒存。所悲骨髓乾。男兒既介冑。長揖別上官。老妻臥路啼。歲暮衣裳單。孰知是死別。且復傷其寒。此去必不歸。還聞勸加餐。孰知四語。互相慰藉。實皆永訣之詞。而又減去問答痕迹。土門壁甚堅。杏園度亦難。勢異鄴城下。縱死時猶寬。人生有離合。豈擇衰老端。憶昔少壯日。遲迴竟長歎。萬國盡征戍。烽火被岡巒。積屍草木腥。流血川原丹。何鄉爲樂土。安敢尙盤桓。棄絕蓬室居。塌然摧肺肝。結有敵愾勤王意。孰知卽然知古同用。○魏公子救趙。令獨子無兄弟者歸養。今子孫亡盡。垂老從戎。時事亦可傷已。

無家別

寂寞天寶後。園廬但蒿藜。我里百餘家。世亂各東西。存者無消息。死者爲塵泥。賤子因陣敗。歸來尋舊蹊。久行見空巷。日瘦氣慘悽。但對狐與狸。豎毛怒我啼。四鄰何所有一二。老寡妻宿鳥戀本枝。比安辭且窮棲。方春獨荷鋤。日暮還灌畦。縣吏知我至。召令習鼓鞞。雖從本州役。內顧無所攜。無近行止一身。遠去終轉迷。家鄉旣盪盡。遠近理亦齊。轉作曠達語。彌見沉痛。永痛長病母。無五年委溝谿。生我不得力。終身兩酸嘶。人生無家別。何以爲蒸藜。上章以忠結。此章以孝結。想見老杜胸次。

佳人

絕代有佳人。幽居在空谷。自云良家子。零落依艸木。關中昔喪亂。兄弟遭殺戮。官高何足論。不得收骨肉。世情惡衰歇。萬事隨轉燭。夫婿輕薄兒。新人美如玉。合昏尙知時。鴛鴦不獨宿。但見新人笑。那聞舊人哭。

在山泉水清。出山泉水濁。侍婢賣珠迴。牽蘿補茆屋。摘花不插髮。采柏動盈掬。天寒翠袖薄。日暮倚修竹。
在山二句。自寫貞潔也。或以在山比新人。出山比舊人。終覺未安。○結句不着議論。而清潔貞正意。隱然言外。是爲詩品。

夢李白二首

此白從夜耶放還。在匡山江夏之間。

死別已吞聲。生別常惻惻。江南瘴癘地。逐客無消息。故人入我夢。我長相憶。恐非平生魂。路遠不可測。魂來楓林青。魂返關塞黑。君今在羅網。何以有羽翼。點綴楚詞。恍恍惚惚。使讀者罔然如夢。落月滿屋梁。猶疑照顏色。水深波浪闊。無使蛟龍得。結出魑魅。喜人過意。

浮雲終日行。遊子久不至。三夜頻夢君。情親見君意。告歸常局促。苦道來不易。江湖多風波。舟楫恐失墜。四句如聞夢中之言。出門搔白首。苦負平生志。冠蓋滿京華。斯人獨顛顛。孰云網恢恢。將老身反累。千秋萬歲名。寂寞身後事。

萬丈潭

青溪合冥寞。神物有顯晦。龍依積水蟠。窟壓萬丈內。五仄。跼步凌垠堦。側身下煙靄。前臨洪濤寬。五平。卻立蒼石大。山危一徑盡。崖絕兩壁對。削成根虛無。倒影垂澹瀨。皆冥不測。幽險可畏。黑如灣潭底。清見光炯碎。孤雲倒來深。飛鳥不在外。極形潭之深廣。高蘿成帷幄。寒木累旌旆。遠川曲通流。嵌竇潛洩瀨。造幽無人境。發興自我輩。告歸遺恨多。將老斯遊最。閉藏修鱗蟄。出入巨石礙。五仄。何當暑天過。快意風雨會。

鐵堂峽

一路自秦州赴同谷縣紀行

山風吹遊子。縹緲乘險絕。峽形藏堂隍。壁色立積鐵。徑摩穹蒼蟠。石與厚地裂。修織無根竹。嵌空太始雪。倭遲哀壑底。徒旅慘不悅。水寒長冰橫。我馬骨正折。生涯抵弧矢。盜賊殊未滅。飄蓬踰三年。迴首肝肺熱。

青陽峽

塞外苦厭山。南行道彌惡。岡巒相經亘。雲水氣參錯。林迴硤角來。天窄壁面削。磧西五里石。奮怒向我落。仰看日車側。俯恐坤軸弱。魑魅嘯有風。霜霰浩漠漠。昨憶踰隴坂。高秋視吳岳。東笑蓮華卑。借他山以形其突兀北知崆峒薄。超然倅壯觀。已謂殷寥廓。突兀猶趁人。及茲歎冥寞。朱子語錄云杜詩初年甚精細晚年曠逸不可當如自秦州入蜀詩分明如畫乃其

少年作也

寒硤

行邁日悄悄。山谷勢多端。雲門轉絕岸。積阻霾天寒。寒硤不可度。我實衣裳單。况當仲冬交。泝沿增波瀾。野人尋烟語。行子傍水餐。此生免荷殳。未敢辭路難。

石龕

熊羆咆我東。虎豹號我西。我後鬼長嘯。我前狻又啼。起勢突兀若移在中間只鋪排常語句法本魏武北上天寒昏無日。山遠道路迷。驅車石龕下。仲冬見虹蜺。非時伐竹者誰子。悲歌上雲梯。為官采美箭。五歲供梁齊。苦云直簞盡。無以充

提攜。奈何漁陽騎。史思明餘黨。颯颯驚蒸藜。

飛仙閣道卽棧

土門山行窄。微徑緣秋毫。棧雲闌干峻。梯石結構牢。萬壑欹疎林。積陰帶奔濤。寒日外澹泊。長風中怒號。歇鞍在地底。始覺所歷高。往來雜坐臥。人馬同疲勞。浮生有定分。饑飽豈可逃。歎息謂妻子。我何隨汝曹。

桔柏渡

青冥寒江渡。架竹爲長橋。竿濕煙漠漠。江永風蕭蕭。連竿動嫋娜。征衣颯飄飄。急流鴛鷺散。絕岸鼉鼉驕。西轅自茲異。東逝不可要。高通荆門路。闊會滄海潮。孤光隱顧盼。游子悵寂寥。無以洗心胸。前登但山椒。

水會渡

山行有常程。中夜尙未安。微月沒已久。崖傾路何難。大江動我前。洶若溟渤寬。篙師暗理楫。歌笑輕波瀾。霜濃木石滑。風急手足寒。入舟已千憂。陟巘仍萬盤。迴眺積水外。始知衆星乾。眺水外之星。下乾字險。遠遊令人瘦。衰疾暫加餐。

龍門關

清江下龍門。絕壁無尺土。長風駕高浪。浩浩自太古。危途中縈盤。仰望垂綫縷。滑石欹誰鑿。浮梁鼻相拄。目眩隕雜花。頭風吹過雨。百年不敢料。一墜那得取。飽聞經瞿塘。足見度大庾。終身歷艱險。恐懼從此數。

從此數起。

劍門

惟天有設險。劍門天下壯。連山抱西南。石角皆北向。兩崖崇墉倚。刻畫城郭狀。一夫怒臨關。百萬未可傍。珠玉走中原。岷峨氣悽愴。三皇五帝前。雞犬各相放。後王尚柔遠。職貢道已喪。至今英雄人。高視見霸王。并吞與割據。公孫述之類極力不相讓。吾將罪真宰。意欲鏺疊嶂。恐此復偶然。恐後此復有纒續臨風默惆悵。自秦都至成都

諸詩。奧險清削。雄奇荒幻。無所不備。山川詩人。兩相觸發。所以獨絕古今也。以後五言俱橫厲頹墮。故所收從略。

遭田父泥飲美嚴中丞武為京兆尹兼御史中丞。故詩中稱尹史。

步履隨春風。邛邛自花柳。田翁逼社日。邀我嘗春酒。酒酣誇新尹。畜眼未見有。迴頭指大男。渠是弓弩手。名在飛騎籍。長番歲時久。前日放營農。辛苦救衰朽。差科死則已。誓不舉家走。今年大作社。拾遺能住否。叫婦開大瓶。盆中為吾取。感此氣揚揚。須知風化首。語多雖雜亂。說尹終在口。朝來偶然出自卯。將及酉。久客惜人情。如何拒鄰叟。高聲索果栗。欲起時被肘。指揮過無禮。未覺村野醜。月出遮我留。仍嘆問升斗。

傳出豐厚村林景象。而美中丞意自見。若專美鄭公。便是後人應酬之作。

述古

市人日中集。於利競錐刀。置膏烈火上。哀哀自煎熬。農人望歲稔。相率除蓬蒿。所務穀為本。邪贏無乃勞。

舜舉十六相。身尊道何高。秦時任商鞅。法令如牛毛。東坡謂此希稷契人語。

望嶽

南嶽配朱鳥。秩禮自百王。歛吸領地靈。鴻洞半炎方。邦家用祀典。在德非馨香。巡狩何寂寥。有虞今則亡。洎吾隘世網。行邁越瀟湘。渴日絕壁出。漾舟清光旁。祝融五峯尊。峯峯次低昂。紫蓋獨不朝。爭長嶺相望。恭聞魏夫人。羣仙夾翱翔。有時五峯氣。散風如飛霜。牽迫限修途。未暇杖崇岡。歸來覬命駕。沐浴休玉堂。三歎問府主。曷以贊我皇。牲璧忍衰俗。神其思降祥。南嶽亦名岵。嶽山。○渴日如渴。虹渴雨之渴。○衡山最大者五芙蓉。紫蓋石廩天柱。祝融為最也。○魏夫人即紫虛元君南岳夫人。○府主洞府之主。謂岳神也。○靈光縹緲。氣象蕭穆。漢人練時日帝臨諸章。是此詩原本。

送重表姪王砮評事使南海

我之曾老姑。爾之高祖母。傳誌體作詩。真大手筆。爾祖未顯時。歸為尚書婦。隋朝大業末。房杜俱交友。長者來在門。

荒年自餬口。家貧無供給。客位但箕帚。俄頃羞頗珍。寂寥人散後。入怪鬢髮空。吁嗟為之久。自陳剪髻髮。

市鬻充杯酒。上云天下亂。宜與英俊厚。向竊窺數公。經綸亦俱有。次問最少年。虬髯十八九。子等成大名。

皆因此人手。下云風雲合。龍虎一吟吼。願展丈夫雄。得辭兒女醜。風雲龍虎從婦眼中看出。秦王時在坐。真氣驚戶

牖。倒補秦王二句。史公能有此筆法。及乎貞觀初。尚書踐台斗。夫人常肩輿。上殿稱萬壽。六宮師柔順。法則化妃后。至尊

均叔嫂。盛事垂不朽。鳳雛無凡毛。五色非爾曹。鳳雛句接入評事。非爾曹猶言得非也。往者胡作逆。乾坤沸嗷嗷。吾客左馮

翊爾家同遁逃。爭奪至徒步。塊獨委蓬蒿。逗留熱爾腸。十里卻呼號。自下所騎馬。右持腰間刀。左牽紫游

韁。左右字參飛走使我高。苟活到今日。寸心銘佩牢。亂離又聚散。宿昔恨滔滔。水花笑白首。春草亂青袍。

廷評近要津。下敘使節制收英髦。北驅漢陽傳。南泛上瀧舫。家聲肯墜地。利器當秋毫。番禺親賢領。籌運

神功操。大夫出盧宋。寶貝休脂膏。洞主降接武。海胡舶萬艘。我欲就丹砂。跋涉覺身勞。安能陷糞土。有志

乘鯨鯨。或騰鸞騰天。聊作鶴鳴皇。因交趾有丹砂。故以游仙意作結。亦送人一體。盧奐。宋璣為廣府節度

善政。耆老以為可繼。盧奐。宋璣。李朝隱之徒。所謂親賢大夫。亦謂勉也。爾祖指王珪。老姑謂珪之妻

非珪母也。注詩家見剪髮。髮句認為珪母。後人因以珪母。李氏非杜駁之。議論紛如而起。看來剪髮

事詩中活用。母可剪。婦亦可剪也。定為珪妻。則尚書踐台斗以下。初無齟齬矣。惟珪始事建成。建成亡

後。太宗始召用之。初非舊時相識。起手一段。似乎不合。不知人情好為夸大。或王氏子孫諱事建成。一

節。飾為此言。而少陵

遂因之耶。闕疑可也。

卷三 五言古詩

張謂 字正言。河南人。天寶二年進士。大歷中至禮部侍郎。

讀後漢逸人傳

子陵沒已久。讀史思其賢。誰謂潁陽人。千秋如比肩。嘗聞漢皇帝。曾是曠周旋。名位苟無心。對君猶可眠。

東過富春渚。樂此佳山川。夜臥松下月。朝看江上煙。釣時如有待。釣罷應忘筌。生事在林壑。悠悠經暮年。於今七里瀨。遺蹟尚依然。高臺竟寂寞。流水空潺湲。心存名位。便爲勢所壓。必不能視天子。猶故人也。巢由隨光。不爲名位所縛。

王季友

季友鄆城人。家貧。賣履。李勉引爲賓客。杜少陵詩。鄆城客子王季友。卽其人。

山中贈十四秘書兄

出山秋雲曙。山木已再春。食我山中藥。不憶中山人。山中誰余密。白髮日相親。雀鼠晝夜無。知我廚廩貧。依依舍北松。不厭吾南鄰。有情盡捐棄。土石爲同身。夫子質千尋。天澤枝葉新。余以不材壽。非智免斧斤。

元道州云。忘情學艸木。二公詩每有契合處。

元

結字次山。漢州人。天寶十二年進士。肅宗朝官水部郎。佐荊州節度使。又參山南東道。代宗立。巧侍親。樊上授道州刺史。進容管經略使。所至立教愛民。著有元子十篇。○次山詩自寫詞次。不欲規撫古人。而奇謔逸趣。在唐人中。另闢門仞。前人譬諸古鐘磬。不諧里耳。信然。

春陵行有序

癸卯歲。漫叟授道州刺史。道州舊四萬餘戶。經賊以來。不滿四千。大半不勝賦稅。到官未五十日。承諸使徵求符牒二百餘封。皆曰。失其限者。罪至貶削。於戲。若悉應其命。則州縣破亂。刺史欲焉逃罪。若不應命。又卽獲罪戾。必不免也。吾將守官。靜以安人。待罪而已。此州是春陵故地。故作春陵行。以達下情。

軍國多所需。切責在有司。有司臨郡縣。刑法競欲施。供給豈不憂。徵斂又可悲。州小經亂亡。遺人實困疲。大鄉無十家。大族命單羸。朝餐是艸根。暮食乃木皮。出言氣欲絕。意速行步遲。追呼尙不忍。仁人况乃鞭撲之。郵亭傳急符。來往跡相追。更無寬大恩。但有迫促期。欲令鬻兒女。言發恐亂隨。悉使索其家。而又無生資。聽彼道路言。怨傷誰復知。去冬山賊來。殺奪幾無遺。所願見長官。撫養以惠慈。奈何重驅逐。不使存活爲。安人天子命。符節我所持。州縣忽亂亡。得罪復是誰。逋緩違詔令。蒙責固其宜。前賢重守分。惡以禍福移。亦云貴守官。不愛能適時。顧惟孱弱者。正直當不虧。何人采國風。吾欲獻此辭。杜老所謂爲萬物吐也。千載以下。讀其詩。想見其爲人。

退賊示官吏有序

癸卯歲。西原賊入道州。焚燒殺掠。幾盡而去。明年賊又攻永破邵。不犯此州。邊鄙而退。豈力能制敵與。憤語以諧出之。蓋蒙其傷憐而已。諸使何爲忍苦徵斂。故作詩一篇。以示官吏。

昔歲逢太平。山林二十年。泉源在庭戶。洞壑當門前。井稅有常期。日晏猶得眠。忽然遭世變。數歲親戎旃。今來典斯郡。山奪又紛然。城小賊不屠。人貧傷可憐。是以陷鄰境。此州獨得全。使臣將王命。豈不如賊焉。痛自切責。不嫌直途。今彼徵斂者。迫之如火煎。誰能絕人命。以作時世賢。思欲委符節。引竿自刺船。將家就魚麥。歸老江湖邊。

招孟武昌有序

漫叟作退谷銘。指曰：干進之客，不能遊之。作杯湖銘。指曰：爲人厭者，勿泛杯湖。孟士源嘗黜官，無情干進。在武昌不爲人厭，可遊退谷。可泛杯湖。故作詩招之。

風霜枯萬物，退谷如春時。窮冬涸江海，杯湖澄清漪。湖盡到谷口，單船近階墀。湖中更何好，坐見大江水。欹石爲水涯，半山在湖裏。谷口更何好，絕壑流寒泉。松桂蔭茆舍，白雲生坐邊。武昌不干進，武昌人不厭。退谷正可遊，杯湖任來泛。湖上有水鳥，見人不飛鳴。谷口有山獸，往往隨人行。莫將車馬來，令我鳥獸驚。

與灤溪鄰里

昔年苦逆亂，舉族來南奔。日行幾十里，愛君此山村。峯谷呀回映，誰家無泉源。修竹多夾路，扁舟皆到門。灤溪中曲濱，其陽有閑園。鄰里昔贈我，許之及子孫。我嘗有匱乏，鄰里能相分。我嘗有不安，鄰里能相存。斯人轉貧弱，力役非無冤。終以灤濱訟，無令天下論。桃花源乃設言，灤溪真太古也，而忽使之貧弱，能無爲之訟冤乎。

喻灤溪鄉舊遊

往年在灤濱，灤人皆忘情。今來遊灤鄉，灤人見我驚。我心與灤人，豈有辱與榮。灤人異其心，應爲我冠纓。昔賢惡如此，所以辭公卿。貧窮老鄉里，自休還力耕。况曾經逆亂，日厭聞戰爭。尤愛一溪水，而能存讓名。終當來其濱，飲啄全此生。何等胸次，惜不令熱官一讀之。

大回中

樊水欲東流。大江又北來。樊山當其南。此中爲大回。回中魚好遊。回中多釣舟。漫欲作漁人。終焉無所求。

賤士吟

南風發天和。和氣天下流。能使萬物榮。不能變羈愁。十字孟郊亦能道之爲愁亦何爾。自請說此由。諂競實多路。苟邪皆共求。嘗聞古君子。指以爲深羞。正方終莫可。江海有滄洲。

農臣怨

農臣何所怨。乃欲干人主。不識天地心。徒然怨風雨。將論艸木患。欲說昆蟲苦。巡迴宮闕傍。其意無由吐。一朝哭都市。淚盡歸田畝。謠頌若採之。此言當可取。

貧婦詞

誰知苦貧夫。家有愁怨妻。請君聽其詞。能不爲酸悽。所憐抱中兒。不如山下麋。空念庭前地。化爲人吏蹊。出門望山澤。回頭心復迷。何時見府主。長跪向之啼。只恐府主不應。啼之何益。

壽翁輿

借問多壽翁。何方自修育。惟云順所然。忘情學艸木。始知世上術。勞苦化金玉。不見充所求。空聞恣耽欲。清和存王母。潛漫無亂黷。誰正好長生。此言堪佩服。順天地之自然。自能多壽。忘情五字。洵爲養生主也。○隱侯公詩。寧爲心好道。直由意無窮。與不見充所。

求二語。可
以互證。

沈千運千運吳興人元次山序其詩謂獨挺於流俗之中強擴於已溺之後推服者深。

感懷弟妹

今日春氣暖。東風杏花坼。筋力久不如。卻羨澗中石。神仙杳難準。中壽稀滿百。近世多天傷。喜見鬢髮白。杖藜竹樹間。宛宛行舊跡。豈知林園主。卻是林園客。達人有此曠懷。千古懷懷無人吐出。兄弟可存半。空爲亡者惜。冥冥無再期。哀哀望松柏。骨肉能幾人。年大自疎隔。性情誰免此。與我不相易。惟念得爾輩。時看慰朝夕。平生茲已矣。此外盡非適。

山中作

棲隱非別事。所願離風塵。不辭城邑遊。禮樂拘束人。邇來歸山林。庶事皆吾身。何者爲形骸。誰是智與仁。寂寞了閒事。而後知天真。咳吐矜榮華。極狀拘束意。迂俯相屈伸。何如巢與由。天子不得臣。

贈史修文

故人阻千里。會面非別期。握手於此地。當歡反成悲。念離宛猶昨。俄已經數期。疇昔皆少年。別來鬢如絲。不道舊姓名。相逢知是誰。曩遊盡騫翥。與君仍布衣。豈曰無其才。命理應有時。別路漸欲少。不覺生涕洟。

孟雲卿

雲卿平昌人。第進士。爲校書郎少陵詩。孟子論文更不疑。卽指雲卿。

古樂府輓歌

草艸閭巷喧。塗車儼成位。冥冥何所須。盡我生人意。北邙路非遙。此別終天地。臨穴頻撫棺。至哀反無淚。
入骨語爾形未衰老。爾息猶童稚。骨肉安可離。皇天若容易。房帷卽靈帳。庭宇爲哀次。薤露歌若斯。人生盡如寄。

傷情

爲長心易憂。早孤意常傷。出門先躊躇。入戶亦徬徨。此生一何苦。前事安可忘。兄弟先我沒。孤幼盈我傍。舊居近東南。河水新爲梁。松柏今在茲。安忍思故鄉。四時與日月。萬物各有常。秋風已一起。草木無不霜。行行當自勉。不忍再思量。

趙徵明

見篋中集。名與里居未詳。○沈千運以下諸詩。生趣獨造。與元次山相近。故次山收入篋中集。

輓歌詞

寒日蒿上明。淒淒郭東路。素車誰家子。丹旆引將去。原下荆棘叢。叢邊有新墓。人間痛傷別。此是長別處。曠野多蕭條。青松白楊樹。

思歸

爲別未幾日。去日如三秋。猶疑望可見。日日上高樓。惟見分手處。白蘋滿芳洲。寸心寧死別。不忍生離憂。

回軍跋者

既老又不全，始得離邊城。一枝假枯木，步步向南行。去時日一百，來時月一程。常恐道路旁，掩棄狐兔塋。
少陵每如此用筆，反長消息來一種是也。

吳

筠字真節舉進士不第，爲道士，明皇徵至京，待詔翰林，後堅求還山，卒於越中。

遊廬山五老峯

彭蠡隱深翠，滄波照芙蓉。日初金光滿，景落黛色濃。雲外聽猿鳥，煙中見杉松。自然符幽情，瀟灑愜所從。
整策務探討，嬉遊任從容。玉膏正滴瀝，瑤草多芊茸。羽人栖層崖，道合乃一逢。揮手欲輕舉，爲爾扣瓊鐘。
空香清人心，正氣信有宗。永用謝物累，吾將乘鸞龍。

劉長卿

字文房，河間人。開元末進士，至德中官鄂岳觀察使。吳仲孺奏貶，後終隨州刺史。○中唐詩漸秀漸平，近體句意日新，而古體頓減渾厚之氣矣。權德輿推文房爲五言長城，亦謂

其近體也。

從軍行二首

黃沙一萬里，白首無人憐。報國劍已折，歸鄉身幸全。單于古臺下，邊色寒蒼然。
草枯秋塞上，望見漁陽郭。胡馬嘶一聲，漢兵淚雙落。誰爲吮瘡者，此事今人薄。

送丘爲赴上都

帝鄉何處是。歧路空垂泣。楚思暮愁多。川程帶潮入。潮歸人不歸。獨向空塘立。工於用短。

浮石瀨

秋月照瀟湘。月明聞盪槳。石橫晚瀨急。水落寒沙廣。衆嶺猿嘯重。空江人語響。清暉朝復暮。如待扁舟賞。

初至洞庭懷瀟陵別業

長安邈千里。日夕懷雙闕。已是洞庭人。猶看瀟陵月。誰堪去鄉意。親戚想天末。昨夜夢中歸。煙波覺來闊。江臯見芳草。孤客心欲絕。豈訝青春來。但傷經時別。長天不可望。鳥與浮雲沒。此貶官巴蜀尉時有懷故鄉也。

宿懷仁縣南湖寄東海荀處士

向夕斂微雨。晴開湖上天。離人正惆悵。新月照嬋娟。佇立白沙曲。相思滄海邊。浮雲自來去。此意誰能傳。一水不相見。千峯隨客船。寒塘起孤鴈。夜色分藍田。時復一迴首。憶君如眼前。

錢

起字仲文吳興人天寶十年賜進士第一人授秘書郎終考功郎中○時與韓翃李端輩十人號十才子形於圖畫又與郎士元齊名人爲之語曰前有沈宋後有錢郎○仲文五言古彷彿右丞而清秀纒甚然右丞所以高出者能冲和能渾厚也

酬王維春夜竹亭贈別

山月隨客來。主人興不淺。今宵竹林下。誰覺花源遠。惆悵曙鶯啼。孤雲還絕巘。

早渡伊川見舊作

鷓鴣鳴曙霜。秋水寒旅涉。漁人昔鄰舍。相見具舟楫。出浦興未盡。向山心更愜。村落通白雲。茆茨隱紅葉。東臯滿時稼。歸客欣復業。

東臯早春寄郎四校書

祿微賴學稼。歲起歸衡茆。窮達戀明主。耕桑亦近郊。夜來霽山雪。陽氣動林梢。萌蕙暖初吐。春鳩鳴欲巢。蓬萊時入夢。知子憶貧交。耕桑近于窮矣。而亦近郊。見中心不忘君也。語厚而不腐。

藍田溪與漁者宿

獨遊屢忘歸。况此隱淪處。濯髮清冷泉。月明不能去。更憐垂綸叟。靜若沙上鷺。一論白雲心。千里滄洲趣。蘆中野火盡。浦口秋山曙。歎息分枝禽。何時更相遇。

杪秋南山西峯題準上人蘭若

向山看霽色。步步豁幽性。反照亂流明。寒空千嶂淨。石門有餘好。霞殘月欲映。上詣遠公廬。孤峯懸一徑。雲裏隔窗火。松間下山磬。客到兩忘言。猿心與禪定。

遊輞川至南山寄谷口王十六

山色不厭遠。我行隨趣深。尋山之趣。盡此十字。蹟幽青蘿逕。思絕孤霞岑。獨鶴引過浦。鳴猿呼入林。褰裳百泉裏。一步一清心。王子在何處。隔雲雞犬音。折麻定延佇。乘月期招尋。

劉 灣未詳。

出塞曲

將軍在重圍。音信絕不通。羽書如流星。飛入甘泉宮。倚是并州兒。少年心膽雄。一朝隨召募。百戰爭王公。去年桑乾北。今年桑乾東。死是征人死。功是將軍功。汗馬牧秋月。疲卒臥霜風。仍聞左賢王。更欲圍雲中。

韋應物

應物京兆長安人。少以三衛郎事明皇。後折節讀書。屢仕為滁州刺史。改江州內推左司。中復出為蘇州刺史。貞元中尚存。按其年百餘歲矣。為郎時似近豪俠。至後鮮食寡欲。焚香掃地而坐。詩品高潔。朱子謂其無一字造作。氣象近道。真可傳人也。而新舊唐書俱不為之立傳。何耶。

擬古七首

辭君遠行邁。飲此長恨端。已謂道里遠。如何中險艱。流水赴大壑。孤雲還暮山。無情尚有歸。行子何獨難。驅車背鄉國。朔風卷行迹。嚴冬霜斷肌。日入不遑息。憂歡客髮變。寒暑人事易。中心君詎知。冰玉徒貞白。綺樓何氛氳。朝日正杲杲。四壁含清風。丹霞射其牖。王顏上哀嚙。絕耳非世有。但感離恨情。不知誰家婦。孤雲忽無色。歌擊於感也。邊馬為迴首。曲絕碧天高。餘聲散秋草。徘徊帷中意。獨夜不堪守。思逐朔風翔。一去千里道。連上首。疑是逐臣戀主之詞。

此懷友之詞。

嘉樹藹初綠。靡蕪吐幽芳。君子不在賞。寄之雲路長。路長信難越。惜此芳時歇。孤鳥去不還。緘情向天末。

月滿秋夜長。驚鳥號北林。天河橫未落。斗柄向西南。寒蛩悲洞房。好鳥無遺音。商飈一夕至。獨宿懷同衾。舊交目千里。隔我浮與沉。人生豈艸木。寒暑移此心。侵覃同韻。本燕燕及株林之詩。

春至林木變。洞房夕含清。單居誰能裁。好鳥對我鳴。良人久燕趙。新愛移平生。別時雙鴛綺。留此千恨情。

碧艸生舊迹。綠琴歇芳聲。思將魂夢歡。反側寐不成。攬衣迷所次。起望空前庭。孤影中自惻。不知雙涕零。

疑其得新忘故。欲夢魂以相就。而夢既不成。則又披衣顧影。不覺淚之沾衣也。應亦寄託之詞。

有客天一方。寄我孤桐琴。迢迢萬里隔。託此傳幽音。冰霜中自結。龍鳳相與吟。絃以明直道。漆以固交深。白日淇上沒。空閨生遠愁。寸心不可限。淇水長悠悠。芳樹正妍鬱。春禽自相求。徘徊東西廂。孤妾誰與儔。年華逐絲淚。一落俱不收。與前意寄託相同。○諸詠胎源於古詩十九首。須領取意言之外。

與友生野飲效陶體

攜酒花林下。前有千載墳。於時不共酌。奈此泉下人。始自玩芳物。行當念徂春。聊舒遠世蹤。坐望還山雲。且遂一歡笑。焉知賤與貧。

南塘泛舟會元六昆季

端居倦時燠。輕舟泛迴塘。微風飄襟散。橫吹繞林長。雲淡水容夕。雨微荷氣涼。一寫愔勤意。寧用訢華觴。

郡齋雨中與諸文士燕集

兵衛森畫戟。燕寢凝清香。海上風雨至。逍遙池閣涼。煩疴近消散。嘉賓復滿堂。自慙居處崇。未覩斯民康。理會是非遣。性達形迹忘。鮮肥屬時禁。蔬果幸見嘗。俯飲一杯酒。仰聆金玉章。神歡體自輕。意欲凌風翔。吳中盛文史。羣彥今汪洋。方知大藩地。豈曰財賦彊。

初發揚子寄元校書

悽悽去親愛。泛泛入煙霧。歸棹洛陽人。殘鐘廣陵樹。今朝此爲別。何處還相遇。世事波上舟。沿洄安得住。

寫離情不可過於悽惋。含蓄不盡。愈見情深。此種可以爲法。

淮上卽事寄廣陵親故

前舟已渺渺。欲渡誰相待。秋山起暮鐘。楚雨連滄海。風波離思滿。宿息容鬢改。獨鳥下東南。廣陵何處在。

聽嘉陵江水聲寄深上人

鑿崖泄奔湍。稱古神禹跡。夜喧山門店。獨宿不安席。水性自云靜。石中本無聲。如何兩相激。雷轉空山驚。貽之道門舊。了此物我情。

兩靜相遇。則動生。天地化機。忽然寫出。

同德寺雨後寄元侍御李博士

川上風雨來。須臾滿城闕。岌嶷青蓮界。蕭條孤興發。前山遽已淨。陰靄夜來歇。喬木生夏涼。流雲吐華月。巖城自有限。一水非難越。相望曙河遠。高齋坐超忽。

寺居獨夜寄崔主簿

幽人寂不寐。木葉紛紛落。寒雨暗深更。流螢度高閣。坐使青燈曉。還傷夏衣薄。寧知歲方晏。雖居更蕭索。

園林晏起寄昭應明府盧主簿

田家已耕作。井屋起晨煙。園林鳴好鳥。閒居猶獨眠。不覺朝已晏。起來望青天。真朴處最四體一舒散。情性亦忻然。還復茆簷下。對酒思數賢。束帶理官府。簡牘盈目前。當念中林賞。覽物遍山川。上非遇明世。庶以道自全。

新秋夜寄諸弟

兩地俱秋夕。相望共星河。高梧一葉下。空齋歸思多。方用憂人瘼。况自抱微痾。無將別來近。顏鬢已蹉跎。

寄恆璨

心絕去來緣。跡順人間事。獨尋秋艸徑。夜宿寒山寺。今日郡齋閒。思問楞伽字。

寄全椒山中道士

今朝郡齋冷。忽念山中客。澗底束荆薪。歸來煮白石。欲持一瓢酒。遠慰風雨夕。落葉滿空山。何處尋行跡。

化工筆與淵明采菊東籬下悠
然見南山妙處不關語言意思

示全真元帝

余辭郡符去。爾爲外事牽。寧知風雪夜。復此對牀眠。始話南池飲。更詠西樓篇。無將一會易。歲月坐推遷。
贈上方僧

見月出東山。上方高處禪。空林無宿火。獨夜汲寒泉。不下藍溪寺。今年三十年。

送李十四山東遊

即李太白

聖朝有遺逸。披膽謁至尊。豈是質榮寵。誓將救元元。權豪非所便。書奏寢禁門。高歌長安酒。忠憤不可吞。
歛來客河洛。日與靜者論。濟世翻小事。已學道。濟世又小事矣。太白學仙。原在不遇之後。丹砂駐精魂。東遊無復繫。梁楚多大藩。
高論動侯伯。疎懷脫塵喧。送君都門野。飲我林中尊。立馬望東道。白雲滿梁園。踟躕欲何贈。空是平生言。
左司在開元時。已爲侍衛。至德宗時猶存。而集中有送太白詩。無與少陵贈答。豈兩人本不相識耶。

送令狐岫宰恩陽

大雪天地閉。羣山夜來晴。居家猶苦寒。子有千里行。行行安得辭。荷此蒲壁榮。賢豪爭追攀。飲饒出西京。
樽酒豈不歡。暮春自有程。離人起視日。僕御促前征。透遲歲已窮。當造巴子城。和氣被草木。江水日夜清。
從來知善政。離別慰友生。

答暢校書當

偶然棄官去。投跡在田中。日出照茆屋。園林養愚蒙。雖云無一資。樽酌會不空。且欣百穀成。仰嘆造化功。

出入與民伍。作事靡不同。時伐南澗竹。夜還澧水東。貧蹇自成退。豈爲高人蹤。覽君金玉篇。彩色發我容。日月欲爲報。方春已徂冬。

寄裴處士

春風駐遊騎。晚景澹山暉。一問清冷子。獨掩荒園扉。草木雨餘長。里閭人到稀。方從廣陵晏。花落未言歸。有所思

借問隄上柳。青青爲誰春。空遊昨日地。不見昨日人。黯然消魂繚繞萬家井。往來車馬塵。莫道無相識。要非心所親。

暮相思

朝出自不還。暮歸花盡發。豈無終日會。惜此花間月。空館忽相思。微鐘坐未歇。

夕次盱眙縣

落帆逗淮鎮。停舫臨孤驛。浩浩風起波。冥冥日沉夕。人歸山郭暗。鴈下蘆洲白。獨夜憶秦關。聽鐘未眠客。出還

昔出喜還家。今還獨傷意。入室掩無光。銜哀寫虛位。悽悽動幽幔。寂寂驚寒吹。幼女復何知。時來庭下戲。因幼女之戲。而咨嗟日復老。錯莫身如寄。家人勸我餐。對案空垂淚。比安仁悼亡較真。

對芳樹亦悼亡作

迢迢芳園樹。列映清池曲。對此傷人心。還如故時綠。風條灑餘靄。露葉承新旭。佳人不可攀。下有往來躅。

月夜亦悼亡作

皓月流春城。華露積芳草。坐念綺窗空。翻傷清景好。清景終若斯。傷多人自老。

龍門遊眺

鑿山導伊流。中斷若天關。都門遙相望。佳氣生朝夕。素懷出塵意。適有攜手客。精舍透層阿。千龕鄰峭壁。緣雲路猶緬。憩澗鐘已寂。花樹發煙華。淙流散石脈。長嘯招遠風。臨潭漱金碧。日落望都城。人間何役役。

觀田家

微雨衆卉新。一雷驚蟄始。田家幾日閑。耕種從此起。丁壯俱在野。場圃亦就理。歸來景常晏。飲犢西澗水。飢飭不自苦。膏澤且爲喜。倉廩無宿儲。徭役猶未已。方慚不耕者。祿食出閭里。韋詩至處每在溪然無意所謂天籟也

春遊南亭

川明氣已變。巖寒雲尙擁。南亭草心綠。春塘泉脈動。景煦聽禽響。雨餘看柳重。逍遙池館華。益媿專城寵。

人知作詩在句中鍊字而不知鍊在韻。塘篇中擁字。動字。重字。妙處全在韻脚也。他詩可以類推。

游溪

野水煙鶴唳。楚天雲雨空。翫舟清景晚。垂釣綠蒲中。落花飄旅衣。歸流澹清風。緣源不可極。遠樹但青蔥。
遊開元精舍

夏衣始輕體。游步愛僧居。果園新雨後。香臺照日初。綠陰生晝靜。孤花表春餘。符竹方爲累。形跡一來疎。

綠陰二語。寫初夏景。入神。表字尤見作意。

東郊

吏舍踞終年。出郊曠清曙。楊柳散和風。青山澹吾慮。依叢適自憩。緣澗還復去。微雨靄芳原。春鳩鳴何處。
樂幽心屢止。遵事跡猶遽。終罷斯結廬。慕陶真可庶。

神靜師院

青苔幽巷徧。新林露氣微。經聲在深竹。高齋獨掩扉。憩樹愛嵐嶺。聽禽悅朝暉。方耽靜中趣。自與塵事違。

藍嶺精舍

石壁精舍高。排雲聊直上。佳游愜始願。忘險得前賞。厓傾景方晦。谷轉川如掌。綠林含蕭條。飛閣起弘敞。
道人上方至。深夜還獨往。日落羣山陰。天秋百泉響。所嗟累已成。安得長偃仰。
人謂左司學陶而風格時近小謝。

澄秀上座院

繚繞西南隅。鳥聲轉幽靜。秀公今不在。獨禮高僧影。林下器未收。何人適煮茗。

幽居

貴賤雖異等。出門皆有營。獨無外物牽。遂此幽居情。微雨夜來過。不知春草生。中有元化青山忽已曙。烏雀遶舍鳴。時與道人偶。或隨樵者行。自當安蹇劣。誰謂薄世榮。每過闔閭門時誦首二句爲之啞然

秋夜

暗窗涼葉動。秋天寢席單。憂人半夜起。明月在林端。一與清景遇。每憶平生歡。情深人知之如何方惻愴。披衣露更寒。

種藥

好讀神農書。多識藥艸名。持縑購山客。移蒔羅衆英。不改幽澗色。宛如此地生。汲井旣蒙澤。插援亦扶傾。陰穎夕房斂。陽條夏花明。悅翫從茲始。日夕繞庭行。州民自寡訟。養閒非政成。

采玉行

官府徵白丁。言採蘭谿玉。絕嶺夜無家。深榛雨中宿。獨婦餉糧還。哀哀舍南哭。苦語卻以簡出之

李

端趙州人。大歷中進士。官杭州司馬。

古離別

水國葉黃時。洞庭霜落夜。行舟問商賈。宿在楓林下。此地送君還。茫茫似夢間。後期知幾日。前路轉多山。

巫峽通湘浦。迢迢隔雲雨。天晴見海橋。日落聞津鼓。人老自多愁。水深難急流。清宵歌一曲。白首對汀洲。

蕪城

昔人登此地。丘壘已前悲。今日又非昔。春風能幾時。風吹城上樹。草沒城邊路。城裏月明時。精靈自來去。

明遠賦意能以數言該括

留別柳仲庸

惆悵流水時。蕭條背城路。離人出古亭。嘶馬入寒樹。江海正風波。相逢在何處。

劉禹錫

字夢得。彭城人。始附王叔文。擢度支員外郎。憲宗立。叔文敗。夢得貶連州。後召還。出刺播州。易連州。易夔州。和州。入爲主客郎。進集賢學士。又出刺蘇州。會昌時。檢校禮部尙書。

客有爲余話登天壇遇雨之狀因以賦之

清晨登天壇。半路逢陰晦。疾行穿雨過。卻立視雲背。白日照其上。風雷走於內。滉漾雪海翻。槎牙玉山碎。蛟龍露鬢鬣。神鬼含變態。萬狀互生滅。百音以繁會。俯觀羣動靜。始覺天宇大。山嶺自晶明。人間已霽霈。豁然重昏斂。渙若春冰潰。反照入松門。瀑流飛縞帶。遙光泛物色。餘韻吟天籟。洞府撞仙鐘。村墟起夕靄。卻見山下侶。已知迷世代。問我何處來。我來雲雨外。

插田歌并序

連州城下。俯接村墟。偶登郡樓。適有所感。遂書其事。爲俚歌以俟采詩者。

岡頭花艸齊。燕子東西飛。田塍望如線。白水光參差。農婦白紵裙。農夫綠簔衣。齊唱田中歌。嚶嚶如竹枝。但聞怨響音。不辨俚語辭。時時一大笑。此必相嘲嗤。水平苗漠漠。煙火生墟落。黃犬往復還。赤雞鳴且啄。路旁誰家郎。烏帽衫袖長。自言上計吏。年幼離帝鄉。田夫語計吏。君家儂定記。一來長安道。眼大不相覩。計吏笑致詞。長安真大處。省門高軻峨。儂入無度數。昨來補衛士。唯用筒竹布。君看二三年。我作官人去。

前狀插田唱歌如聞其聲。後狀計吏問答如肖其形。

白居易

字樂天。下邳人。貞元中擢進士。拔萃官集賢校理。入為翰林學士。遷左拾遺。母沒歸。還拜立。召遷刑部侍郎。太和中以朝多黨禍。移病還。開成中起。改太子少傅。會昌初。以刑部尚書致仕。卒年七十五歲。○樂天晚稱香山居士。與胡杲等九人讌集。有年至百三十餘者。人為繪圖。

稱香山九老。○樂天忠君愛國。遇事託諷。與少陵相同。特以平易近人。變少陵之沉雄渾厚。不襲其貌。而得其神也。集中可采者多。茲取其大有關係者。外間廼解之說。不可為據。

賀雨詩

皇帝嗣寶歷。元和三年冬。自冬及春暮。不雨旱熯熯。上心念下民。懼歲成灾凶。遂下罪己詔。殷勤告萬邦。帝曰予一人。繼天承祖宗。憂勤不遑寧。夙夜心忡忡。元年誅劉闢。一舉靖巴邛。二年戮李錡。不戰安江東。願惟眇眇德。遠有巍巍功。或者天降沴。無乃儆予躬。上思答天戒。下思致時邕。莫如率其身。慈和與儉恭。乃命罷進獻。乃命賑饑窮。宥死降五刑。己責寬三農。宮女出宣徽。廐馬減飛龍。謂山道也。庶政靡不舉。皆出自宸衷。奔騰道路人。傴僂田野翁。懽呼相告報。感泣涕霑胸。順人人心悅。先天天意從。詔下纔七日。和氣生。

冲融凝爲油油雲。散作習習風。晝夜三日雨。淒淒復濛濛。萬心春熙熙。百穀青芄芃。人變愁爲喜。歲易儉爲豐。乃知王者心。憂樂與衆同。皇天及后土。所感無不通。冠珮何鏘鏘。將相及王公。蹈舞呼萬歲。列賀明庭中。小臣誠愚陋。職忝金鑾宮。稽首再三拜。一言獻天聰。君以明爲聖。臣以直爲忠。敢賀有其始。亦願有其終。先叙遇災修省次寫天人感應而以箴規保治作結忠愛之意油然而霽然

寄唐生名衢

賈誼哭時事。阮籍哭路歧。唐生今亦哭。異代同其悲。唐生者何人。五十寒且飢。不悲口無食。不悲身無衣。所悲忠與義。悲甚則哭之。太尉擊賊日。段太尉以笏擊朱泚尙書叱盜時。顏尙書叱李希烈大夫死兇寇。陸大夫爲亂兵所害諫議謫蠻夷。陽諫議左遷道州每見如此事。聲發涕輒隨。往往聞其風。俗士猶或非。憐君頭半白。其志竟不衰。我亦君之徒。鬱鬱何所爲。不能發聲哭。轉作樂府詩。篇篇無空文。句句必盡規。功高虞人箴。痛甚騷人詞。非求宮律高。不務文字奇。白傳作詩總是此音惟歌生民病。願得天子知。未得天子知。甘受時人嗤。藥良氣味苦。琴淡音聲希。不懼權豪怒。亦任親明譏。人竟無奈何。呼作狂男兒。每逢羣動息。或遇雲霧披。但自高聲歌。庶幾天聽卑。歌哭雖異名。所感則同歸。寄君三十章。與君爲哭詞。歌以代哭一篇本旨

李都尉古劍

古劍寒黯黯。鑄來幾千秋。白光納日月。紫氣排斗牛。有客借一觀。愛之不敢求。湛然玉匣中。秋水澄不流。

至寶有本性。精剛無與儔。可使寸寸折。不能繞指柔。願快直士心。將斷佞人頭。不願報小怨。夜半刺私讎。勸君慎所用。無作神兵羞。

秦中吟十首

貞元元和之際。予在長安。聞見之間。有足悲者。因直歌其事。命爲秦中吟。

議婚

天下無正聲。悅耳卽爲娛。人間無正色。悅目卽爲姝。顏色非相遠。貧富則有殊。貧爲時所棄。富爲時所趨。紅樓富家女。金縷繡羅襦。見人不斂手。嬌癡二八初。母兄未開口。言嫁不須臾。綠窗貧家女。寂寞二十餘。荆釵不直錢。衣上無真珠。幾迴人欲聘。臨日又躊躇。主人會良媒。置酒滿玉壺。四座且勿飲。聽余歌兩途。富家女易嫁。嫁早輕其夫。貧家女難嫁。嫁晚孝於姑。聞君欲娶婦。娶婦意何如。

重賦

厚地植桑麻。所用濟生民。生民理布帛。所求活一身。身外充征賦。上以奉君親。國家定兩稅。本意在愛人。厥初防其淫。明敕內外臣。稅外加一物。皆以枉法論。奈何歲月久。貪吏得因循。役我以求寵。斂索無冬春。織絹未成疋。繰絲未盈斤。里胥逼我納。不許暫逡巡。歲暮天地閉。陰風生破村。夜深煙火盡。霰雪白紛紛。幼者形不蔽。老者體無溫。悲啼與寒氣。併入鼻中辛。昨日輸殘稅。因窺官庫門。繒帛如山積。絲絮如雲屯。

號爲羨餘物。隨月獻至尊。奪我身上暖。買爾眼前恩。進入瓊林庫。歲久化爲塵。唐時已有進羨餘者。言下慨然。

傷宅

誰家起甲第。朱門大道邊。豐屋中櫛比。高牆外迴環。桑桑六七堂。簷宇相連延。一堂費百萬。鬱鬱起青煙。洞房溫且清。寒暑不能干。高堂虛且迴。坐臥見南山。繞廊紫藤架。夾砌紅藥闌。攀枝摘櫻桃。帶花移牡丹。主人此中坐。十載爲大官。廚有臭敗肉。庫有貫朽錢。誰能將我語。問爾骨肉間。豈無貧賤者。忍不救飢寒。如何奉一身。直欲保千年。不見馬家宅。今作奉誠園。北平王子暢。暢子繼祖。暢爲宦官。竇文場所讒。暢懼進安邑里宅。改爲文誠園。此德宗之寡恩。而白傳借

以警驕侈者。

傷友

陋巷孤寒士。出門甚棲棲。雖云志氣高。豈免顏色低。平生同袍友。通籍在金閨。曩者膠漆契。邇來雲雨睽。正逢下朝歸。軒騎五門西。是時天久陰。三日雨淒淒。蹇驢避路立。肥馬當風嘶。迴頭忘相識。占道上沙堤。昔年洛陽社。貧賤相提攜。今日長安道。對面隔雲泥。近日多如此。非君獨慘悽。死生不變者。惟聞任與黎。自注。任公叔黎逢。○是時天久陰。六語一經點染。便覺不堪。

合致仕

七十而致仕。禮法有明文。何乃貪榮貴。斯言如不聞。可憐八九十。齒墮雙眸昏。朝露貪名利。夕陽憂子孫。

挂冠顧翠纓。懸車惜朱輪。金章腰不勝。偃僂入君門。誰不愛富貴。誰不戀君恩。年高須告老。名遂合退身。少時共嗤笑。晚歲多因循。賢哉漢二疏。彼獨是何人。寂寞東門路。無人繼去塵。朝露二語。耐人尋味。豈淺易人所能。

立碑

助德既下衰。文章亦陵夷。但見山中石。立作路旁碑。銘助悉太公。敘德皆仲尼。復以多爲貴。千言直萬資。爲文彼何人。想見下筆時。但欲愚者悅。不思賢者嗤。豈獨賢者嗤。仍傳後代疑。古石蒼苔字。安知是媿詞。我聞望江縣。勸令撫孤嫠。自注。勸令名信陵。在官有仁政。名不聞京師。身歿欲歸葬。百姓遮路岐。攀轅不得去。留葬此江湄。至今道其名。男女皆涕垂。無人立碑碣。惟有邑人知。勸信陵。吳縣西洞庭山人。

輕肥

意氣驕滿路。鞍馬光照塵。借問何爲者。人稱是內臣。朱紱皆大夫。紫綬悉將軍。誇赴中軍宴。走馬疾如雲。罽罽溢九醞。水陸羅八珍。果擘洞庭橘。鱠切天池鱗。食飽心自若。酒酣氣益振。是歲江南旱。衢州人食人。

五絃

清歌且停唱。紅袂亦停舞。趙叟抱五絃。宛轉當胸撫。大聲粗若散。颯颯風和雨。小聲細欲絕。切切鬼神語。又如鵲報喜。轉作猿啼苦。十指無定音。顛倒宮商羽。坐客聞此聲。形神若無主。行客聞此聲。駐足不能舉。嗟嗟俗人耳。好今不好古。所以北窗琴。日日生塵土。

歌舞

秦中歲云暮。大雪滿皇洲。雪中退朝者。朱紫盡公侯。貴有風雪興。富無飢寒憂。所營惟第宅。所務在追遊。朱門車馬客。紅燭歌舞樓。歡酣促密坐。醉煖脫重裘。秋官爲主人。廷尉居上頭。日中爲樂飲。夜半不能休。豈知閹鄉獄。中有凍死囚。

買花

帝城春欲暮。喧喧車馬度。共道牡丹時。相隨買花去。貴賤無常價。詎直看花數。灼灼百朵紅。萋萋五束素。上張帷幄庇。旁織笆籬護。水灑復泥封。遷來色如故。家家習爲俗。人人迷不悟。有一田舍翁。偶來買花處。低頭獨長歎。此歎無人喻。一叢深色花。十戶中人賦。連上三章。諷意俱於末二語結出。○樂天和答微之。蓋理太周則詞繁。意太切則言激。與足下爲文所長在此。所病亦在此。玩此數言。白傳已自定其詩。杜牧之譏之。直是隔壁語耳。

感鶴

鶴有不羣者。飛飛在野田。饑不啄腐鼠。渴不飲盜泉。貞姿自耿介。雜鳥何翩翾。同遊不同志。如此十餘年。一興嗜慾念。遂爲嬾繳牽。委質小池內。爭食羣雞前。不唯懷稻粱。兼亦競腥羶。不唯戀主人。兼亦狎烏鳶。物心不可知。天性有時遷。一飽尙如此。况乘大夫軒。有以峻潔持身。而一念之誤。遂喪生平者。故此詩諷之。○元微之晚節亦蹈此患。

慈烏夜啼

慈烏失其母。啞啞吐哀音。晝夜不飛去。經年守故林。夜夜夜半啼。聞者爲沾襟。聲中如告訴。未盡反哺心。百鳥豈無母。爾獨哀怨深。應是母慈重。使爾悲不任。昔有吳起者。母歿喪不臨。嗟哉斯徒輩。其心不如禽。慈烏復慈烏。鳥中之曾參。仁孝之人。其言藹然。

和大觜烏

烏者種有二名。同性不同。觜小者慈孝。觜大者貪庸。觜大命又長。生來十餘冬。物老顏色變。頭毛白茸茸。飛來庭樹上。初但驚兒童。老巫生奸計。與烏意潛通。云是非凡鳥。遙見起敬恭。千歲乃一出。喜賀主人翁。祥瑞來白日。神靈占知風。陰作北斗使。能爲人吉凶。此鳥所止家。家產日夜豐。上以致壽考。下可宜田農。主人富家子。身老心童蒙。隨巫拜復祝。婦姑亦相從。殺雞薦其肉。敬若禋六宗。烏喜張大觜。飛接在虛空。烏旣飽羶腥。巫亦饜甘醲。烏巫互相利。不復兩西東。日日營巢窟。稍稍近房櫳。雖生八九子。誰辨其雌雄。羣雛又長成。衆觜逞殘兇。探巢吞燕卵。入簇啄蠶蟲。豈無乘秋隼。羈絆委高墉。但食烏殘肉。無施搏擊功。此比諫官。亦不言者。亦有能言鸚。翅碧觜距紅。暫曾說烏罪。囚閉在深籠。此比言而。被罪者。青青窗前柳。鬱鬱井上桐。貪烏占棲息。慈烏獨不容。慈烏爾奚爲。來往何憧憧。曉去先晨鼓。暮歸後昏鐘。辛苦塵土閒。飛啄禾黍叢。得食將母哺。飢腸不自充。主人憎慈烏。命子削彈弓。絃續會稽竹。丸鑄荆山銅。慈烏求母食。飛下爾庭中。數粒未食口。一丸已中胸。仰天號一聲。似欲訴蒼穹。反哺日未足。非是惜微躬。誰能持此冤。一爲問化工。胡然

大鵞烏。竟得天年終。烏之殘惡。巫之奸計。主人之昏愚。三者合而慈烏自不能容身矣。大鵞烏何代無之。要在主人之明。分別種類。

凶宅

長安多大宅。列在街西東。往往朱門內。房廊相對空。梟鳴松桂枝。狐藏蘭菊叢。蒼苔黃葉地。日暮多旋風。前主爲將相。得罪竄巴庸。後主爲公卿。寢疾歿其中。連延四五主。殃禍疊相重。自從十年來。不利主人翁。風雨壞簷隙。蛇鼠穿牆墉。人疑不敢買。日毀土木功。嗟嗟俗人心。甚矣其愚蒙。但恐災將至。不思禍所從。我今題此詩。欲悟迷者胸。凡爲大官人。年祿多高崇。權重持難久。位高勢易窮。驕者物之盈。老者數之終。四者如寇盜。日夜來相攻。假使居吉土。孰能保其躬。因小以明大。借家可諭邦。周秦宅嶠函。其宅非不同。一興八百年。一死望夷宮。寄語家與國人。凶宅不凶。大聲疾呼。可破讐瞞。集中惜未議及葬師。

唐詩別裁

卷四

五言古詩

韓愈

字退之昌黎人三歲而孤兄會嫂鄭鞠之長擢進士第歷官監察御史上疏極論宮市德宗怒貶陽山令元和中歷官太子右庶子裴度宣慰淮西奏愈行軍司馬淮西平遷刑部

侍郎憲宗迎佛骨入禁內上表力諫帝怒將抵以死大臣皆為愈言乃貶潮州刺史尋改袁州召拜國子祭酒轉兵部侍郎王廷湊亂召愈宣諭極論順逆利害廷湊畏服之歸轉吏部侍郎卒年五十七贈禮部尚書諡曰文○善使才者當留其不盡昌黎詩不免好盡要之意歸於正規模宏潤骨格整頓原本雅頌而不規規於風人也品為大家誰曰不宜○昌黎四言唐人中

無與儼者平淮西碑尤為立極因碑以文為主乘之以詩恐體例不合故祇錄元和聖德詩

元和聖德詩井序○唐人四言絕少佳者不能另立一體故附五言體中

臣愈頓首再拜言臣伏見皇帝陛下即位以來誅流姦臣朝廷清明無有欺蔽外斬楊惠琳劉闢以收夏蜀東定青徐積年之叛海內怖駭不敢違越郊天告廟神靈歡喜風雨晦明無不從順太平之期適當今日臣蒙被恩澤日與羣臣序立紫宸殿下親望穆穆之光而供職業又在以經籍教導國子誠宜率先作歌詩以稱道盛德不可以詞語淺薄不足以自效為解輒依古作四言元和聖德詩一篇凡千有二十四字指事實錄具載明天子文武神聖以警動百姓耳目傳示無極其詩曰

皇帝卽降物無違拒曰暘而暘曰雨而雨維是元年有盜在夏楊惠琳據城叛欲覆其州以踵近武皇帝

曰嘻豈不在我負鄙爲姦縱則不可出師征之其衆十旅軍其城下告以福禍腹敗枝披不敢保聚擲首

陣外夏州兵馬使張承全斬惠琳傳首以獻入本軍降幡夜豎疆外之險莫過蜀土章臯去鎮劉闢守後血入于牙不肯吐口開

庫啗士誘啗士卒之詞曰隨所取汝張汝弓汝伐汝鼓汝爲表書求我帥汝事始上聞在列咸怒皇帝曰然嗟遠

士女苟附而安則且付與憲宗欲以恩撫之命爲劍南西川節度使讀命於庭出節少府朝發京師夕至其部闢喜謂黨汝振

而伍蜀可全有此不當受萬牛鬻禽萬甕行酒以錦纏股以紅帕首有恆其兇有餌其誘其出穰穰隊以

萬數遂刼東川遂據城阻皇帝曰嗟其又可許爰命崇文此豈可許命高崇文使討分卒禁籟有安其驅無暴我野日

行三十徐壁其右闢黨聚謀鹿頭是守崇文奉詔進退規矩戰不貪殺擒不濫數四方節度整兵頓馬上

章乞討俟命起坐皇帝曰嘻無汝煩苦荆并泊梁在國門戶出師三千各選爾醜四軍齊作殷其如阜謂不

必四方之兵惟荆南節度使裴均河東節度使嚴綬山南節度使嚴纘足以誅之也或拔其角或脫其距長驅洋洋無有齟齬八月壬午闢棄城走

載妻與妾包裹稚乳是日崇文入處其宇分散逐捕搜原剔藪闕窮見窮無地自處俯視大江不見洲渚

遂自顛倒若杵投曰取之江中枷脰械手婦女疊疊啼哭拜叩來獻闕下以告廟社周示城市咸使觀覩

解脫攀索夾以砧斧婉婉弱子亦立偃僂牽頭曳足先斷腰膂次及其徒一段危言其詞借以悚惕藩鎮也體骸撐拄未

乃取闢駭汗如瀉揮刀紛紜爭刳膾脯優賞將吏扶珪綴組帛堆其家粟塞其庾哀憐陣沒廩給孤寡贈

官封墓。周匝宏溥。經戰伐地。寬免租簿。施令酬功。急疾如火。天地中間。莫不順序。幽恆青魏。東盡海浦。南

至徐蔡。區外雜虜。怛威赧德。此言一時藩鎮無不畏威懷德。踉蹌蹈舞。掉棄兵革。私習篋篋。來請來覲。十百其耦。皇帝曰

吁。伯父叔舅。各安爾位。訓厥眈晦。正月元日。初見宗祖。一段祭告天地祖宗。躬執百禮。登降拜俯。薦于新宮。祠宗之言。視

瞻梁栝。戚見容色。淚落入俎。侍祠之臣。助我惻楚。乃以上辛。於郊用牡。除於國南。鱗笱毛簾。廬幕周施。開

揭磊砢。獸盾騰拏。圓壇帖妥。天兵四羅。旂常婀娜。駕龍十二。魚魚雅雅。宵昇于邱。邱。圓。奠璧獻罍。衆樂驚作。

轟隧融冶。紫焰嘘呵。高靈下墮。羣星從坐。錯落侈侈。日君月妃。煥赫嫋嫋。瀆鬼濛鴻。嶽祇藥莪。飮沃羶薺。

產祥降嘏。鳳皇應奏。舒翼自拊。赤麟黃龍。透陀結糾。卿士庶人。黃童白叟。踴躍歡呀。失喜噎歐。乾清坤夷。

境落襄舉。帝車迴來。日正當午。幸丹鳳門。大赦天下。一段大赦施惠。滌濯剗礪。磨滅瑕垢。續功臣嗣。拔賢任耆。孩

養無告。仁滂施厚。皇帝神聖。以下頌揚聖德。通達今古。聽聰視明。一似堯禹。生知法式。動得理所。天錫皇帝。爲天

下主。并包蓄養。無異細鉅。億載萬年。敢有違者。皇帝儉勤。盥濯陶瓦。斥遣浮華。好此綿紵。敕戒四方。侈則

有咎。天錫皇帝。多麥與黍。無召水旱。耗于雀鼠。億載萬年。有富無窶。皇帝正直。別白善否。擅命而狂。旣翦

旣去。盡逐羣姦。靡有遺侶。天錫皇帝。龐臣碩輔。博問遐觀。以置左右。億載萬年。無敢予侮。皇帝大孝。慈祥

悌友。怡怡愉愉。奉太皇后。浹于族親。濡及九有。天錫皇帝。與天齊壽。登茲太平。無意永久。頌繼。億載萬年。

爲父爲母。博士臣愈。職是訓詁。作爲歌詩。以配吉甫。典重峭奧。體則二雅三頌。辭則古賦秦碑。盛唐中。昌黎獨擅。

秋懷詩二首

離離挂空悲，感感抱虛警。露泫秋樹高，蟲弔寒夜永。斂退就新懦，趨營悼前猛。歸愚識夷塗，汲古得修綆。

名浮猶有恥，味薄真自幸。庶幾遺悔尤，卽此是幽屏。此卽今是昨非之意。連下章頗近謝公。

今晨不成起，端坐盡日景。蟲鳴室幽幽，月吐窗罔罔。喪懷若迷方，浮念劇含梗。塵埃慵伺候，文字浪馳騁。

尚須勉其頑，王事有朝請。前漢書吳王濞使人爲秋請春曰朝秋曰請。

齷齪

齷齪當世士，所憂在飢寒。但見賤者悲，不聞貴者歎。大賢事業異，遠抱非俗觀。報國心皎潔，念時涕洟瀾。

妖姬坐左右，柔指發哀彈。酒肴雖日陳，感激寧爲歡。秋陰欺白日，泥潦不少乾。河堤決東郡，老弱隨驚湍。

天意固有屬，誰能詰其端。願辱太守薦，得充諫諍官。排雲叫闔闔，披腹呈琅玕。致君豈無術，自進誠獨難。

時張建封居公於符離沮上及秋將辭去建封奏爲節度推官此猶未薦時詩故有望于太守之薦也。

縣齋讀書

出宰山水縣，讀書松桂林。蕭條捐末事，邂逅得初心。哀狖醒俗耳，清泉潔塵襟。詩成有共賦，酒熟無孤斟。

青竹時默釣，白雲日幽尋。南方本多毒，北客恆懼侵。謫譴甘自守，滯留媿難任。投書類縞帶，佇答逾兼金。

應是令陽山時作末二句似答贈詩之客。

送石處士赴河陽幕

處士呂洪

長把種樹書人云避世士。忽騎將軍馬。自號報恩子。風雲入壯懷。泉石別幽耳。鉅鹿師欲老。時寇聚於恆常山險猶恃。王承宗負固豈惟彼相憂。固是吾徒恥。去去事方急。酒行可以起。即序中所云不告于妻子不謀于朋友也中帶諷意合看寄盧同詩愈見

送湖南李正字歸

正字名礎

長沙入楚深。洞庭值秋晚。人隨鴻鴈少。江共蒹葭遠。歷歷余所經。悠悠子當返。孤遊懷耿介。旅宿夢婉婉。風土稍殊音。魚蝦日異飯。親交俱在此。誰與同息偃。

瀧吏

南行逾六旬。始下樂昌瀧。險惡不可狀。船石相舂撞。往問瀧頭吏。潮州尙幾里。行當何時至。土風復何似。瀧吏垂手笑。官何問之愚。譬官居京邑。何由知東吳。東吳游宦鄉。官知自有由。潮州底處所。有罪乃竄流。儂幸無負犯。何由到而知。官今行自到。那遽妄問爲。不虞卒見困。汗出媿且駭。吏曰聊戲官。儂嘗使往罷。嶺南大抵同。官去道苦遼。下此三千里。有州始名潮。惡溪瘴毒聚。雷電常洶洶。鱷魚大于船。牙眼怖殺儂。州南數十里。有海無天地。颶風有時作。掀簸眞差同。事聖人於天下。于物無不容。比聞此州囚。亦有生還儂。官無嫌此州。固罪人所徙。官當明時來。事不待說委。官不自謹慎。宜卽引分往。胡爲此水邊。神色久懔懔。竊大瓶罌小。所任自有宜。官胡不自量。滿溢以取斯。工農雖小人。事業各有守。不知官在朝。有益國家

不得無虱其間。

商君二十六篇以仁義禮樂爲虱官曰六虱成俗兵必大敗

不武亦不文。仁義飾其躬。巧姦敗羣倫。叩頭謝吏言。始慚

今更羞。歷官二十餘。國恩並未酬。凡吏之所訶。嗟實頗有之。不卽金木誅。敢不識恩私。潮州雖云遠。雖惡

不可過于身實已多。敢不持自賀。

借吏言以規諷。自嘲亦自寬解也。從古樂府得來。韓詩中之別調。

岳陽樓別竇司直

原注竇序時以武昌幕擢岳州。

洞庭九州間。厥大誰與讓。南匯羣崖水。北注何奔放。瀦爲七百里。吞吐各殊狀。自古澄不清。環混無歸向。

炎風日搜攪。幽恠多冗長。軒然大波起。宇宙隘而妨。巍峨拔嵩華。騰踔較健壯。聲音一何宏。轟轆車萬兩。

猶疑帝軒轅。張樂就空曠。蛟螭露筍簾。縞練吹組帳。鬼神非人世。節奏頗跌踴。陽施見誇麗。二句分上陰

閉感悽愴。朝過宜春口。極北缺堤障。夜纜巴陵洲。叢芮芮水纔可傍。星河盡涵泳。俯仰迷下上。餘瀾怒不

已。喧聒鳴甕盎。明登岳陽樓。輝煥朝日亮。飛廉戢其威。清晏息纖纒。泓澄湛凝綠。物影巧相况。江豚時出

戲。驚波忽蕩漾。時當冬之孟。隙竅縮寒漲。前臨指近岸。側坐渺難望。滌濯神魂醒。幽懷舒以暢。主人孩童

舊。握手乍忻悵。憐我竄逐歸。相見得無恙。開筵交履舄。爛漫倒家釀。杯行無留停。高柱送清唱。中盤進橙

栗。投擲傾脯醬。歡窮悲心生。婉孌不能忘。念昔始讀書。志欲干霸王。屠龍本莊破千金。爲藝亦云亢。愛才

不擇行。觸事得讒謗。前年出官由。此禍最无妄。公卿採虛名。擢拜識天仗。姦猜畏彈射。斥逐恣欺誑。新恩

移府庭。逼側廁諸將。吁嗟苦鶩緩。但懼失宜當。追思南渡時。魚腹甘所葬。嚴程迫風帆。劈箭入高浪。顛沈

在須臾。忠鯁誰復諒。生還真可喜。克己自懲創。庶從今日後。麤識得與喪。事多改前好。趣有獲新尚。誓耕十畝田。不取萬乘相。細君知蠶織。稚子已能餉。行當挂其冠。生死君一訪。前兩段陽開陰闔。入實司直後。見忠直被謗。而以追思南渡數

語挽轉前半。筆力矯然。

薦士

周詩三百篇。雅麗理訓誥。曾經聖人手。議論安敢到。五言出漢時。蘇李首更號。東都漸瀾漫。派別百川導。建安能者七。卓犖變風操。逶迤抵晉宋。氣象日凋耗。中間數鮑謝。失卻陶公性。所不近也。比近最清奧。齊梁及陳隋。衆作等蟬噪。搜春摘花卉。沿襲傷剽盜。國朝盛文章。卓見子昂始。高蹈勃興得。李杜萬類困。陵暴後來繼。生亦各臻闔。奧有窮者孟。郊受材實雄。驚冥觀洞古今。象外逐幽好。橫空盤硬語。妥帖力排奡。二語昌黎自狀其詩。敷柔肆紆餘。奮猛卷海潦。榮華肖天秀。捷疾逾響報。行身踐規矩。甘辱恥媚竈。孟軻分邪正。眸子看瞭眊。杳然粹而清。可以鎮浮躁。酸寒溧陽尉。五十幾何耄。言去耄幾何。孜孜營甘旨。辛苦久所冒。俗流知者誰。指注競嘲傲。聖皇索遺逸。髦士日登造。廟堂有賢相。謂鄭餘慶。愛遇均覆燾。况承歸與張。歸登張建封。二公迭嗟悼。青冥送吹噓。強箭射魯縞。胡爲久無成。知而不舉也。使以歸期告。霜風破佳菊。嘉節迫吹帽。念將決焉去。感物增戀繆。彼微水中荇。以下皆用比例。尚煩左右芼。魯侯國至小。廟鼎猶納部。幸當擇珉玉。寧有棄珪瑁。悠悠我之思。擾擾風中纛。上言愧無路。日夜惟心禱。鶴翎不天生。變化在啄菹。通波非難圖。尺地易可漕。水轉曰漕。善善不及

汲後時徒悔懊。救死具八珍。不如一簞犒。微詩公勿誚。愷悌神所勞。此薦孟東野于鄭餘慶也。盛稱東野之詩。謂可上承李杜。東野不足以當。

而公愛才之心。幾比于吐哺握髮矣。

驚驢

驚駘誠醒齷。市者何其稠。力小若易制。價微良易酬。渴飲一斗水。飢食一束芻。嘶鳴當大路。志氣若有餘。騏驎生絕域。自矜無匹儔。牽驅入市門。行者不為留。借問價幾何。黃金比嵩丘。借問行幾何。咫尺視九州。飢食玉山禾。渴飲醴泉流。問誰能為御。曠世不可求。惟昔穆天子。乘之極遐遊。王良執其轡。造父挾其軻。因言天外事。即借穆天子見西王母事。荒惚使人愁。驚駘謂騏驎。餓死余爾羞。有能必見用。有德必見收。猶淳于髡譏孟子意。孰云時與命。通塞皆自由。騏驎不敢言。低徊但垂頭。人皆劣騏驎。共以驚駘優。嗚余獨興嘆。才命不同謀。寄詩同心子。為我商聲謳。唐本有贈歐陽詹字詹集有答韓十入驚驎吟。知此詩為歐陽作也。小才得志。傲視高賢。古今一人。豈獨歐陽詹耶。

調張籍

李杜文章在。光焰萬丈長。不知羣兒愚。那用故謗傷。蚍蜉撼大樹。可笑不自量。伊我生其後。舉頸遙相望。夜夢多見之。晝思反微茫。徒觀斧鑿痕。言未見其源。不矚治水航。想當施手時。巨刃磨天揚。垠崖劃崩豁。乾坤擺雷硠。惟此兩夫子。家居率荒涼。帝欲長吟哦。故遣起且僵。翦翎送籠中。使看百鳥翔。平生千萬篇。金薤垂琳琅。仙官勅六丁。雷電下取將。流落人間者。太山一毫芒。我願生兩翅。捕逐出八荒。精誠忽交通。百怪

入我腸。東坡所云出逐李杜者于此見之。刺手拔鯨牙。舉瓢酌天漿。騰身跨汗漫。不著織女襄。顧語地上友。經營無太忙。

乞君飛霞珮。與我高頡頏。言生平欲學者惟在李杜。故夢寐見之。更冀生羽翼以追逐之。見籍有志于古地。至謂羣兒愚指微之。魏道輔之言。未可援引。亦當以此爲正宗。無用歧趨也。元徽之尊杜而抑李。昌黎則李杜並尊。各有見

地。至謂羣兒愚指微之。魏道輔之言。未可援引。

柳宗元。字子厚。河東人。貞元初中。博學宏詞。科官監察御史。襄行。順宗即位。王叔文。韋執誼。引入計事。擢禮部員外郎。叔文敗。貶永州司馬。放浪山水間。以詩文自娛。元和。中。授柳州刺史。

時。劉禹錫。守播州。宗元謂播州非人所居。而夢得親在堂。無母子俱往理。如不往。便爲母子永訣。願請於朝。以柳易播。會大臣爲禹錫奏。改刺連州。宗元在柳州。有善政。年四十七卒。於官。柳人以神事之。○柳州詩。長於哀怨。得驢之餘意。東坡謂在章蘇州上。而王阮亭謂不及蘇州。各自成家。兩存其說可也。

初秋夜坐贈吳武陵

稍稍雨侵竹。翻翻鵲驚叢。美人隔湘浦。風神。一夕生秋風。積霧杳難極。滄波浩無窮。相思豈云遠。卽席莫與

同。若人抱奇音。朱絲絃枯桐。清商激西顛。泛灩凌長空。千古文神境。自得本無作。天成諒非功。希聲闕大樸。鬻

俗何由聰。下半借琴以喻文才。董庭蘭一輩人。未能知也。

晨詣超師院讀禪經

汲井漱寒齒。清心拂塵服。閒持貝葉書。步出東齋讀。真源了無取。妄跡世所逐。遺言冀可冥。繕性何由熟。

道人庭宇靜。苔色連深竹。日出霧露餘。青松如膏沐。澹然離言說。悟悅心自足。

贈江華長老

老僧道機熟。默語心皆寂。去歲別春陵。沿流此投跡。室空無侍者。巾屨唯挂壁。一飯不願餘。跣趺便終夕。風窗疎竹響。露井寒松滴。偶地即安居。滿庭芳草積。

南澗中題

即柳記中石澗

秋氣集南澗。獨遊亭午時。迴風一蕭瑟。林影久參差。始至若有得。稍深遂忘疲。爲學仕宦亦如是觀羈禽響幽谷。寒藻舞淪漪。去國魂已遠。懷人淚空垂。孤生易爲感。失路少所宜。索寞竟何事。徘徊祇自知。誰爲後來者。當與此心期。語語是獨遊。東坡謂柳儀曹南澗詩。憂中有樂。妙絕古今。得其旨矣。

與崔策登西山

鶴鳴楚山靜。露白秋江曉。連袂渡危橋。縈迴出林杪。西岑極遠目。毫末皆可了。重疊九疑高。微茫洞庭小。迴窮兩儀際。高出萬象表。馳景泛頰波。遙風遞寒篠。謫居安所習。稍厭從紛擾。生同胥靡遺。壽等彭鏗夭。蹇連困顛踣。愚蒙怯幽眇。非令親愛疎。誰使心神悄。偶茲遁山水。得以觀魚鳥。吾子幸淹留。緩我愁腸繞。莊子胥靡登而不遺。言被罪之人。輕生身也。次語即齊物論意。

且攜謝山人至愚池

新沐換輕幘。曉池風露清。自諧塵外意。况與幽人行。霞散衆山迴。天高數鴈鳴。機心付當路。聊適羲皇情。

獨覺

覺來牕牖空。寥落雨聲曉。良遊怨遲暮。末事驚紛擾。爲問經世心。古人誰盡了。

溪居

久爲簪紉累。幸此南夷謫。閒依農圃鄰。偶似山林客。曉耕翻露草。夜榜響溪石。來往不逢人。長歌楚天碧。
愚溪諸詠處連蹇困厄之境發清夷淡泊之音不怨而怨怨而不怨行間言外時或遇之。

夏初雨後尋愚溪

悠悠雨初霽。獨繞清溪曲。引杖試荒泉。解帶圍新竹。沉吟亦何事。寂寞固所欲。幸此息營營。嘯歌靜炎燠。

首春逢耕者

南楚春候早。餘寒已滋榮。土膏釋原野。百蟄競所營。綴景未及郊。穉人先耦耕。園林幽鳥囀。渚澤新泉清。農事誠素務。羈囚阻平生。故池想蕪沒。遺畝當榛荆。慕隱既有繫。圖功遂無成。聊從田父言。款曲陳此情。眷然撫耒耜。回首煙雲橫。
因逢耕者而念及田園之蕪羈人心事不勝黯然。

秋曉行南谷經荒村

杪秋霜露重。晨起行幽谷。黃葉覆溪橋。荒村惟古木。寒花疏寂歷。幽泉微斷續。機心久已忘。何事驚麋鹿。

雨后曉行獨至愚溪北池

宿雲散洲渚。曉日明村塢。高樹臨清池。風驚夜來雨。予心適無事。偶此成賓主。

中夜起望西園值月上

覺來繁露墜。開戶臨西園。寒月上東嶺。泠泠疎竹根。石泉遠逾響。山鳥時一喧。倚楹遂至旦。寂寞將何言。

湘岸移木芙蓉植龍興精舍

有美不自蔽。安能守孤根。遷籟後盈盈湘西岸。秋至風露繁。麗影別寒水。穠芳委前軒。芰荷諒難雜。反此

生高原。

禪堂

發地結菁茆。團團抱虛白。山花落幽戶。中有忘機客。涉有本非取。照空不待析。萬籟俱緣生。窅然喧中寂。心境本同如。鳥飛無遺跡。

苦竹橋

危橋屬幽徑。繚繞穿疎林。迸籜分苦節。輕筠抱虛心。俯瞰涓涓流。仰聆蕭蕭吟。差池下煙日。嘲啗鳴山禽。諒無要津用。棲息有餘陰。

田家三首

藜食狗所務。驅牛向東阡。鷄鳴村巷白。夜色歸墓田。軋軋耒耜聲。飛飛來烏鳶。竭茲筋力事。持用窮歲年。盡輸助徭役。聊就空自眠。子孫日已長。世世還復然。

籬落隔煙火。農談四鄰夕。庭際秋蟲鳴。疎麻方寂歷。蠶絲盡輸稅。機杼空倚壁。里胥夜經過。雞黍事筵席。各言官長峻。文字多督責。東鄰後租期。東穀陷泥澤。公門少推恕。鞭扑恣狼籍。里胥恐嚇田家之言如聞其聲努力慎經營。肌膚真可惜。迎新在此歲。唯恐踵前跡。

古道饒蕪藜。縈迴古城曲。蓼花被隄岸。陂水寒更綠。是時收穫竟。落日多樵牧。風高榆柳疎。霜重梨棗熟。行人迷去住。野鳥競棲宿。田翁笑相念。昏黑慎原陸。今年幸小豐。無厭饘與粥。

掩役夫張進骸

生死悠悠爾。一氣聚散之。偶來紛喜怒。奄忽已復辭。爲役孰賤辱。爲貴非神奇。一朝續息定。枯朽無妍媸。生時勤皂櫪。剝秣不告疲。旣死給椁槨。葬之東山基。奈何值崩湍。蕩析臨路垂。饒然暴百骸。散亂不復支。從者幸告予。眈之漕然悲。猫虎獲迎祭。犬馬有蓋帷。佇立唁爾魂。豈復識此爲。舂鍤載埋瘞。溝瀆護其危。我心得所安。仁人之言不謂爾有知掩骼著春令茲焉適其時及物非吾輩聊且顧爾私一朝續息定二語見貴賤賢愚古今同盡

此達人之言也。我心得所安二語見求安側隱非以示恩此仁人之言也。

韋道安

道安本儒士。頗擅弓劍名。二十遊太行。暮聞號哭聲。疾驅前致問。有叟垂華纓。言我故刺史。失職還西京。偶爲羣盜得。毫縷無餘贏。貨財足非恪。二女皆娉婷。蒼黃見驅逐。誰識死與生。便當此殞命。休復事晨征。

一聞激高義。背裂肝膽橫。挂弓問所往。趨捷超崢嶸。見盜寒礪陰。羅列方忿爭。一矢斃酋帥。餘黨號且驚。麾令遞束縛。纏索相拄撐。彼姝久褫魄。刃下俟誅刑。卻立不親授。諭以從父行。摺收自擔肩。轉道趨前程。夜發敲石火。山林如晝明。父子更抱持。涕血紛交零。頓首願歸貨。納女稱舅甥。道安奮衣去。義重利固輕。師婚古所病。合姓非用兵。竭來事儒術。十載所能逞。慷慨張徐州。朱邱揚前旌。投軀獲所願。前馬出王城。轅門立奇士。淮水秋風生。君侯既卽世。麾下相欽傾。立孤抗王命。鐘鼓四野鳴。橫潰非所壘。逆節非所嬰。舉頭自引刃。顧義誰顧形。烈士不忘死。所死在忠貞。咄嗟狗權子。翕習猶趨榮。我歌非悼死。所悼時世情。

斃羣盜為勇士。辭師婚為義士。後傾義引刃。又為忠貞之士矣。非柳州表揚之道安幾于湮沒。

孟

字東野。武康人。年五十始成進士。為溧陽尉。韓昌黎極重之。薦于鄧餘慶。奏為參謀。未幾卒。東坡曰。為郊寒島瘦。島瘦固然。郊之寒過求高深。鄰于刻削。其實從真性情流出。未

可與鳥並論也。而元遺山云。東野窮愁死不休。高天厚地一詩囚。毋乃太過乎。

列女操

梧桐相待老。鴛鴦會雙死。貞婦貴狗夫。捨生亦如此。波瀾誓不起。妾心古井水。寫真心下語窮絕。

遊子吟

慈母手中線。遊子身上衣。臨行密密縫。意恐遲遲歸。誰言寸草心。報得三春暉。即欲報之德。昊天罔極意。與昌黎之臣罪當誅。天王

聖明。同有千古。

靜女吟

豔女皆妒色。靜女獨檢蹤。任禮耻任粧。嫁德不嫁容。君子易求聘。小人難自從。此志誰與諒。琴絃幽韻重。
長安羈旅行

十日一理髮。每梳飛旅塵。三旬九過飲。每食唯舊貧。萬物皆及時。一人不覺春。失名誰肯訪。得意爭相親。
直木有恬翼。靜流無躁鱗。始知喧競場。莫處君子身。野策藤竹輕。山蔬薇蕨新。潛歌歸去來。事外風景真。
直木一聯。傳出君子之品。

古怨別

颯颯秋風生。愁人怨離別。含情兩相向。欲語氣先咽。心曲千萬端。悲來卻難說。別後唯所思。天涯共明月。
聞砧

杜鵑聲不哀。斷猿啼不切。月下誰家砧。一聲腸一絕。杵聲不爲客。客聞髮自白。杵聲不爲衣。欲令遊子歸。
竟是古樂府。

遊終南山

南山塞天地。日月石上生。高峯夜留景。深谷晝未明。山中人自正。路險心亦平。長風驅松柏。聲拂萬壑清。
即此悔讀書。朝朝近浮名。
盤空出險語。○出峽詩有上天下水。出地入地舟句。同一奇險。

趙記室倅在職無事

卑靜身後老。高動物先摧。方圓水任器。剛勁木成灰。大道母羣物。達人腹衆才。似子書中名語時吟堯舜篇。心向無爲開。彼隱山萬曲。我隱酒一杯。公庭何所有。日日清風來。

上河陽李大夫

上將秉神略。至兵無猛威。三軍當嚴冬。一撫勝重衣。霜劍奪衆景。夜星失長輝。蒼鷹獨立時。惡鳥不敢飛。武牢鎖天關。河橋紐地機。大軍奚以安。守此稱者稀。言無人知大夫之功也。下接是詩意。貧士少顏色。貴門多輕肥。試登山岳高。方見草木微。山岳恩旣廣。草木心皆歸。

送豆盧策歸別墅

短松鶴不巢。高石雲始棲。君今瀟湘去。意與雲鶴齊。力買奇險地。手開清淺溪。身披薜荔衣。山陟莓苔梯。一卷冰雪文。避俗常自攜。

送蕭鍊師入四明山

閒於獨鶴心。大於高松年。迥出萬物表。高棲四明巔。千尋直裂峯。百尺倒瀉泉。絳雪爲我飯。白雲爲我田。靜言不語俗。靈蹤時步天。工于發端。與前一首同。

送李觀韓愈別兼獻張徐州

卽張建封

富別愁在顏。貧別愁銷骨。懶磨舊銅鏡。畏見新白髮。古樹春無花。子規啼有血。離絃不堪聽。一聽三四絕。世途非一險。俗慮各千結。有客步大方。驅車獨迷轍。故人韓與李。逸翰雙皎潔。哀哉摧折歸。贈詞縱橫設。徐方國號在。元戎天下傑。禰生投刺遊。王粲吟詩謁。高情無遺照。朗抱開曉月。有土不埋冤。有讐皆爲雪。願爲直草木。永向君地列。願爲古琴瑟。永向君前發。欲識丈夫心。曾將孤劍說。貞元元和以降詩家尊尙近體于古風漸薄五言古尤入淺率沿及宋元勢遽正軌復古轉在明代也茲於柳子厚孟東野後所采寥寥惟恐歧途紛出學詩者靡所適從耳。

寄遠

賈島

字閻仙范陽人初爲浮屠名無本來東都韓昌黎奇其詩令反初服累舉不第文宗時爲長江主簿。

別腸長鬱紆。豈能肥肌膚。始知相結密。不及相結疎。疎別恨應少。密別恨難祛。門前南去水。中有北飛魚。魚飛向北海。可以寄遠書。不惜寄遠書。故人今在無。華山峩峩形。遙望齊平蕪。況此數尺身。阻彼萬里途。自非日月光。難以知子軀。

李益

字君虞姑臧人成進士官不達劉濟辟爲從事呈詩有不上望京樓句憲宗召還官集賢殿學士貢才凌衆諫官暴其在濟時詩貶官散秩後仍屢遷以禮部尙書終○君虞邊塞詩最佳征人歌早行等篇好事者畫爲屏障。

觀回軍

行行上隴頭。隴月暗悠悠。萬里將軍沒。回旌隴戍秋。誰令嗚咽水。重入故營流。

入南山至全師蘭若

木隕水歸壑。寂然無念心。枯禪語南行有真子。被褐息山陰。石路瑤草散。松門寒景深。吾師亦何授。自起定中吟。

長干行 亦作太白詩

憶妾深閨裏。烟塵不曾識。嫁與長干人。沙頭候風色。五月南風興。思君下巴陵。八月西風起。想君發揚子。去來悲如何。見少離別多。湘潭幾日到。妾夢越風波。昨夜狂風度。吹折江頭樹。渺渺暗無邊。行人在何處。好乘浮雲驄。佳期蘭渚東。鴛鴦綠浦上。翡翠錦屏中。自憐十五餘。顏色桃花紅。那作商人婦。愁水又愁風。

設色綴詞。宛然太白。

權德輿 字載之。略陽人。第進士。德字朝歷。官禮部侍郎。三典貢舉。元和中。以尙書同平章事。卒。諡文。

月夜江行

扣舷不能寐。浩露清衣襟。彌傷孤舟夜。遠結萬里心。幽興惜瑤草。素懷寄鳴琴。三奏月初上。寂寥寒江深。

嚴子陵釣臺下作

絕頂聳蒼翠。清湍石磷磷。先生晦其中。天子不得臣。心靈棲顛元。纓冕猶緇塵。不樂禁中臥。却歸江上春。潛驅東漢風。日使薄者醇。焉用佐天子。特此報故人。則知大賢心。不獨私其身。弛張有深致。耕釣陶天真。

奈何清風後。擾擾論屈伸。交情同市道。利欲相紛綸。我行訪遺臺。仰古懷逸民。矰繳鴻鵠遠。雪霜松桂新。江流去不窮。山色凌秋旻。人世自今古。清暉照無垠。東漢節義嚴陵潛驅之不止高其隱逸而已議論正大獨著此篇

與沈十九拾遺同遊棲霞寺上方夜於亮上人院會宿

攝山標勝絕。暇日諧相矚。縈紆松路深。繚繞雲巖曲。重樓回樹杪。古像鑿山腹。人遠水木清。地深蘭桂馥。層臺聳金碧。絕頂摩淨綠。下界誠可悲。南朝紛在日。焚香入古殿。待月出深竹。稍覺天籟清。自傷人世促。宗雷此相遇。偃放隨所欲。清論月輪低。閒吟茗花熟。一生如土梗。萬慮相桎梏。永願事潛師。窮年此棲宿。

詩品高潔在語言外領取

張

籍字文昌和州人貞元中第進士爲太常太祝昌黎薦之官水部員外以國子司業終○文昌長於新樂府雖古意漸失而婉麗可誦五古亦不入卑靡

西州詩

羌胡據西州。近甸無邊城。山東收稅租。養我防塞兵。胡騎來無時。居人常震驚。嗟我五陵間。農者罷耘耕。邊頭多殺傷。士卒難全形。郡縣發丁役。丈夫各征行。生男不能養。懼身有姓名。良馬不念秣。烈士不苟營。所願除國難。再逢天下平。西州屬隴古道天寶末陷于吐蕃此願中朝恢復於烈士有厚望焉

惜花

濛濛庭樹花。墜地無顏色。日暮東風起。飄揚玉階側。殘葉在猶稀。青條聳復直。爲君結芳實。令君勿歎息。

翻出一意淺人不能道

離怨

切切重切切。秋風桂枝折。人當少年嫁。我當少年別。念君非征行。年年長遠途。妾身甘獨歿。高堂有舅姑。山川豈遙遠。行人自不返。貴以高堂有老姑。怨之正也。與泛作閨房之語有別。

溫庭筠本名岐。字飛卿。并州人。工側詞。艷曲。累舉不第。大中末。以上書授方山尉。仍失意歸。與令狐綯不協。薄為有才無行。徐商知政事。用為國子助教。商罷。尋廢相。傳庭筠入試。時押官韻。八叉手而賦成。名溫八。又與李商隱齊名。不虛也。

俠客行

欲出鴻都門。陰雲蔽城闕。寶劍黯如水。微紅溼餘血。白馬夜頻驚。三更霸陵雪。溫詩風秀工整。俱在七言。此篇獨見警絕。

趙嘏字承祐。山陽人。會昌中進士。大政間授渭南尉。終。

汾上宴別

雲物如故鄉。山川知異路。年來未歸客。馬上春欲暮。一尊花下酒。殘日水西樹。不待管絃終。搖鞭背花去。

曹鄴字鄴之。桂州人。大中時登進士。鄴官太常博士。以洋州刺史終。

四望樓

背山見樓影。應合與山齊。座上日已出。城中未鳴雞。形樓之高。無限燕趙女。吹笙上金梯。風起洛陽東。香過洛

陽西公子長夜醉，不聞子規啼。

李羣玉

字文山，澧州人。赴舉一上而止，宰相裴休薦之，授一文學官，因授弘文館校書郎，旋乞歸卒。

江樓獨酌懷從叔

水國發爽氣，川光靜高秋。酣歌金尊醪，送此青風愁。楚色忽滿目，灘聲落西樓。雲翻天邊葉，月弄波上鉤。芳意長搖落，蘅蘭謝汀洲。長吟碧雲合，悵望江之幽。

送進士苗縱歸紫邏山居

汝上多奇山，高懷愜清境。強來干名地，冠帶不能整。嘗言夢歸處，泉石寒更靜。鶴聲夜無人，空月隨松影。今朝別我去，春物傷明景。悵望相送還，微陽在東嶺。近王右丞。

劉

字司南，江東人。大中六年進士，官國子博士，以古詩鳴於時。

早行

馬上續殘夢，馬嘶時復驚。心孤多所虞，僮僕近我行。棲禽未分散，落月照孤城。莫羨居者閒，谿邊人已耕。

棄婦

回車在門前，欲上心更悲。路傍見花發，似妾初嫁時。養蠶已成繭，織素猶在機。新人應笑此，何如畫蛾眉。
見婦之不當棄也，怨而不怒，高於顧况之作。

陸龜蒙字魯望蘇州人舉進士不第退居松江甫里稱天隨子亦稱江湖散人以高士召不至李蔚盧摠素當國召拜左拾遺詔下已卒光化中贈右補闕○龜蒙與皮日休倡和另開僻澁一體不能多採

美人

美人抱瑤瑟哀彈別鶴雌雄南北飛一旦異棲託諒非金石性安得宛如昨生爲並蒂花亦有先後落秋林對斜日光景自相薄猶欲悟君心朝朝佩蘭若結語濃厚

聶夷中字坦之河東人咸通中中進士官華陰尉

田家

父耕原上田子劬山下荒六月禾未秀官家已修倉二月賣新絲五月糶新穀醫得眼前瘡剜却心頭肉我願君王心化作光明燭不照綺羅筵只照逃亡屋唐時尚有采詩之役故詩家每陳下民苦情如柳州捕蛇者說亦其一也此詩言簡意足可匹柳文

卷五

七言古詩

王勃字子安絳州人麟德初對策授朝散郎年未及冠也沛王召署府修撰作騷雞檄文高宗怒斥出府客劍南父福峙坐勃左遷交趾令勃往省渡海溺死年二十九與楊炯盧照鄰駱賓王齊名號四傑

滕王閣

滕王元嬰建閣於豫章郡城西章江門外。○閣都督宴客於閣先命其婿作序。出紙筆請諸客莫敢當勃不辭都督遽吏伺其文一再報語益奇公曰天才也。

滕王高閣臨江渚。珮玉鳴鸞罷歌舞。畫棟朝飛南浦雲。珠簾暮捲西山雨。閒雲潭影日悠悠。物換星移幾度秋。閣中帝子今何在。檻外長江空自流。

盧照鄰

字昇之。范陽人。授鄧王府典籤。後居太白山。餌方士藥疾轉篤。徙具茨山。愈甚。投潁水卒。

長安古意

長安大道連狹斜。青牛白馬七香車。玉輦縱橫過主地。金鞭絡繹向侯家。龍銜寶蓋承朝日。鳳吐流蘇帶晚霞。百丈遊絲爭遶樹。一羣嬌鳥共啼花。遊蜂戲蝶千門側。碧樹銀臺萬種色。複道交窗作合歡。雙闕連

蔓垂鳳翼。梁家畫閣天中起。

梁冀窮極土木。

漢帝武

金莖雲外直。樓前相望不相知。陌上相逢詎相識。

甚不相識。甚形其多。

借問吹簫向紫烟。曾經學舞度芳年。得成比目何辭死。願作鴛鴦不羨仙。比目鴛鴦真可羨。雙去雙來君不見。生憎帳額繡孤鸞。好取門簾帖雙燕。雙燕雙飛繞畫梁。羅幃翠被鬱金香。片片行雲著蟬鬢。纖纖初月上鴉黃。額裝也。鴉黃粉白車中出。含嬌含態情非一。妖童寶馬鐵連錢。娼婦盤龍金屈膝。御史府中烏夜啼。廷尉門前雀欲棲。隱隱朱城臨玉道。遙遙翠幃沒金隄。挾彈飛鷹杜陵北。探丸借客渭橋西。俱邀俠客菜芙蓉。共宿娼家桃李蹊。娼家日暮紫羅裙。清歌一轉口氛氳。北堂夜夜人如月。南陌朝朝騎似雲。南陌北堂連北里。五劇三條控三市。弱柳青槐拂地垂。佳氣紅塵暗天起。漢代金吾千騎來。翡翠屠蘇鸚鵡杯。

羅襦寶帶爲君解。燕歌趙舞爲君開。別有豪華稱將相。轉日回天不相讓。意氣由來排灌夫。專權判不容。蕭相專權意氣本。英雄青虬紫燕坐春風。自言歌舞長千載。自謂驕奢凌五公。節物風光不相待。桑田碧海須臾改。昔時金階白玉堂。卽今惟見青松在。以墓田言寂寂寥寥揚子居。年年歲歲一牀書。獨有南山桂花發。飛來飛去襲人裾。長安大道豪貴驕奢狹邪。艷冶無所不有。自璧龍而俠客而金吾而權臣。皆向娼家遊宿。自謂可永保富貴矣。然轉瞬滄桑。徒存墟墓。不如讀書自守者之爲得也。借言

子雲卽以自况云爾。

駱賓王寶王義烏人。武后時授臨海丞。棄官去。徐敬業舉兵。署爲府屬。傳檄天下。后讀至一坏之土未乾。六尺之孤安在。矍然曰。宰相安得失此人。及徐敗。賓王亡命。不知所終。

帝京篇

山河千里國。城闕九重門。不覩皇居壯。安知天子尊。皇居帝里峻。函谷鶉野龍。山侯甸服。五緯連影。集星躔。八水分流。橫地軸。秦塞重關。一百二。結上形勢漢家離宮三十六。起下宮闕桂殿欽崑對玉樓。椒房窈窕連金屋。三條九陌麗城隈。萬戶千門一旦開。複道斜通鶉鶩觀。交衢直指鳳凰臺。劍履南宮入。簪纓北闕來。聲明冠寰宇。文物象昭回。鈎陳肅蘭。阨壁沼浮槐。市銅羽應風迴。金莖承露起。校文天祿閣。習戰昆明水。朱邸抗平臺。黃扉通戚里。平臺戚里帶崇墉。炊金饌玉待鳴鐘。小堂綺帳三千戶。大道青樓十二重。寶蓋雕鞍金絡馬。蘭窗繡柱玉盤龍。繡柱璇題粉壁影。鏘金鳴玉王侯盛。王侯貴人多近臣。朝遊北里暮南鄰。陸賈分金將讌喜。陳遵投轄正留賓。趙李經過密。蕭朱交結親。丹鳳朱城白日暮。青牛紺轡紅塵度。俠客珠彈

垂楊道。倡婦銀鈎采桑路。倡家桃李自芳菲。京華遊俠盛輕肥。延年女弟雙飛入。羅敷使君千騎歸。同心結縷帶。連理織成衣。春朝桂樽樽百味。秋夜蘭燈燈九微。翠幌珠簾不獨映。清歌寶瑟自相依。且論三萬六千是。寧知四十九年非。古來榮利若浮雲。以下見倏忽變人生倚伏信難分。始見田竇相傾奪。俄聞衛霍有功勳。聲入未厭金陵氣。先開石槲文。莊子載衛靈公事朱門無復張公子。灞亭誰畏李將軍。相顧百齡皆有待。居然萬化咸應改。桂枝芳氣已銷亡。柏梁高宴今何在。春去春來苦自馳。爭名爭利徒爾爲。久留郎署終難遇。空掃相門誰見知。當時一旦擅豪華。自言千載常驕奢。倏忽搏風生羽翼。賤者須臾失浪賤泥沙。賤者黃雀徒巢桂。青門遂種瓜。黃金銷鑠素絲變。一貴一賤交情見。紅顏夙昔白頭新。脫粟布衣輕故人。故人有湮淪。新知無意氣。灰死韓安國。羅傷翟廷尉。已矣哉。歸去來。馬卿辭蜀多文藻。揚雄仕漢乏良媒。以下

俱指己

之三冬自矜誠足用。十年不調幾遭迴。汲黯薪逾積。孫弘閣未開。誰惜長沙傅。獨負洛陽才。作帝京

冠冕堂皇。敷陳主德。此因己之不遇而言。故始盛而以衰。夙終也。首敘形勢之雄。宮闕之壯。次述王侯貴戚。游俠倡家之奢。僭無度。至古來以下。概世道之變遷。已矣哉。以下。傷一己之湮滯。此非詩之正聲也。向來推重此篇。故采之以備一體。

劉希夷

一名庭芝。汝州人。善爲從軍閨情之詩。爲時所重。○唐新語載宋之間爲此詩有佳句。因殺害希夷。而以此詩爲己作。此因之問品居下流。而以惡歸之。其實宋之詩高於劉。不足憑。每如此。

攘竊他人也。雜說

代悲白頭翁

洛陽城東桃李花。飛來飛去落誰家。洛陽兒女好顏色。坐見落花長嘆息。今年花落顏色改。明年花開復誰在。已見松柏摧爲薪。更聞桑田變成海。古人無復洛城東。今人還對落花風。年年歲歲花相似。歲歲年年人不同。寄言全盛紅顏子。須憐半死白頭翁。此翁白頭真可憐。伊昔紅顏美少年。公子王孫芳樹下。清歌妙舞落花前。光祿池臺文錦繡。將軍樓閣畫神仙。一朝臥病無相識。三春行樂在誰邊。宛轉娥眉能幾時。須臾鶴髮亂如絲。但看古來歌舞地。惟有黃昏鳥雀悲。少年每輕視老翁。因言老翁當少年時亦嘗與公子王孫遊冶。一朝奄忽。盡付空虛。今之少年能免衰老乎。末又宕開作結。

公子行

天津橋下陽春水。天津橋上繁華子。馬聲迴合青雲外。人影動搖綠波裏。綠波蕩漾玉爲砂。青雲離披錦作霞。可憐楊柳傷心樹。可憐桃李斷腸花。此日遨遊邀美女。此時歌舞入娼家。娼家美女鬱金香。飛去飛來公子旁的的。珠簾白日映娥娥。玉顏紅粉粧。花際徘徊雙蛺蝶。池邊顧步兩鴛鴦。傾國傾城漢武帝。爲雲爲雨楚襄王。古來容光人所羨。况復今日遙相見。願作輕羅著細腰。願爲明鏡分嬌面。與君相約轉相親。與君雙棲共一身。願作貞松千歲古。誰偷芳槿一朝新。百年同謝西山日。千秋萬古北邙塵。公子溺於聲色。而娼家以雜語答之。猶所云同生同死也。絕不說破其誑。令人于言外思之。○隊仗工麗。上下蟬聯。此初唐七古體。少陵所云劣於漢魏近風騷也。明代何景明謂此得風人之正。而以少陵之沉雄頓挫爲變體。因作明月篇以擬之。王漁洋論詩絕句云。接跡風人明月篇。何郎妙悟本從天王楊盧駱當時體。莫逐刀圭誤後賢。得此論而初盛之詩品乃定。

喬知之

綠珠篇

石家金谷重新聲。明珠十斛買娉婷。此日可憐君自許。此時可喜得人情。君家閨閣不會難。常將歌舞借人看。意氣雄豪非分理。驕矜勢力橫相干。辭君去君終不忍。徒勞掩袂傷鉛粉。百年離別在高樓。一代紅顏爲君盡。知之有婢窈窕。美麗善歌舞。爲武承嗣奪去。知之作綠珠篇以寄。窈窕娘。縫詩衣帶中。投井死。承嗣見詩大恨。諷酷吏羅織死之。

李

嶠

字巨山。贊皇人。弱冠舉進士。官鳳閣舍人。聖歷初。遷鸞臺侍郎。神龍中。拜吏部尚書。封趙國公。景龍中。以兵部尚書同中書門下三品。睿宗時。致仕卒。○已事云。嶠於武后時。賦金

樞詩。貶唐之功。頌周之德。人多鄙之。

汾陰行

君不見昔日西京全盛時。汾陰后土親祭祠。齋宮宿寢設廚供。撞鐘鳴鼓樹羽旂。漢家四葉才且雄。寶籙萬靈服九戎。柏梁賦詩高宴罷。詔書法駕幸河東。河東太守親埽除。奉迎至尊導鸞輿。五營將校列容衛。三河縱觀空里閭。回旌駐蹕降靈場。焚香奠醑邀百祥。金鼎發色正焜煌。靈祇煒燁據景光。埋玉陳牲禮神畢。舉麾上馬乘輿出。彼汾之曲嘉可遊。杏蘭爲楫桂爲舟。權歌微吟綵鷁浮。簫鼓哀鳴白雲秋。歡娛宴洽賜羣后。家家復除戶。牛酒聲名動天樂。無有千秋萬歲南山壽。自從天子向秦關。玉輦金輿不復還。帝崩於五柞山。珠簾羽帳長寂寞。鼎湖龍髯安可攀。千齡人事一朝空。四海爲家此路窮。英雄意氣今自在。壇場宮

館盡蒿蓬。路逢故老長嘆息。世事迴還不可測。昔時青樓對歌舞。今日黃埃聚荆棘。山川滿目淚沾衣。富貴榮華能幾時。不見只今汾水上。惟有年年秋鴈飛。明皇封禪泰山後亦祀后土於汾陰宜乎聞此辭於遷播之餘幾乎泣下也○爾時風格乍開故句調未

能全合

沈佺期

字雲卿內黃人第進士長安中預修三教珠英轉考功員外郎坐事配流嶺表神龍中授起居郎後歷太子詹事○佺期與宋之問作詩音韻相和約句準篇號沈宋體

古歌

落葉流風向玉臺。夜寒秋思洞房開。水晶簾外金波下。雲母窗前銀漢回。玉塔陰陰苔蘚色。君王履綦難再得。璇閨窈窕秋夜長。繡戶裏徊秋月光。燕姬綵帳芙蓉色。秦女金鑪蘭麝香。北斗七星橫夜半。清歌一曲斷君腸。

入少密谿

雲峯苔壁透谿斜。江路春風夾岸花。樹密不言通鳥道。鷄鳴始覺有人家。人家更在深巖口。澗水週流宅前後。遊魚瞥瞥雙釣童。伐木丁丁一樵叟。自言避喧非避秦。薜衣耕鑿帝堯人。相留且待鷄黍熟。夕臥深山蘿月春。

宋之問

龍門應制

宿雨霽氛埃。流雲度城闕。河隄柳新翠。苑樹花先發。洛陽花柳此時濃。山水樓臺映幾重。羣公拂霧朝翔鳳。天子乘奏幸鑿龍。鑿龍近出王城外。羽從琳琅擁軒蓋。雲蹕纔臨御水橋。天衣已入香山會。山壁嶄巖斷復連。清流澄澈俯伊川。鴈塔遙遙綠波上。星龕奕奕翠微邊。層巒舊長千尋木。遠壑初飛萬丈泉。綵仗紅旌遶香閣。下輦登高望河洛。東城宮闕擬昭回。南陌溝塍殊綺錯。林下天香七寶臺。山中春酒萬年杯。微風一起祥花落。仙樂初鳴瑞鳥來。鳥來花落紛無已。稱觴獻壽香霞裏。歌舞淹留景欲斜。石關猶駐五雲車。烏旗翼翼留芳草。龍騎駸駸映晚花。千乘萬騎變輿出。水靜山空嚴警蹕。郊外喧喧引看人。傾都南望屬車塵。囂聲引颺聞黃道。王氣周迴入紫宸。先王定鼎山河固。寶命乘周萬物新。吾君不事瑤池樂。時雨來觀農扈春。武后遊龍門命羣臣賦詩先成者賜以錦袍東方虬詩成拜賜坐未安之問詩成文理兼美左右稱善后乃奪錦袍衣之○歸重觀農立言得體

寒食陸渾別業

洛陽城裏花如雪。陸渾山中今始發。旦別河橋楊柳風。夕臥伊川桃李月。伊川桃李正芳新。寒食山中酒復春。野老不知堯舜力。酣歌一曲太平人。

寒食江州滿塘驛

去年上巳洛橋邊。今年寒食廬山曲。遙憐鞏樹花應滿。復見吳洲草新綠。吳洲春草蘭杜芳。感物思歸懷故鄉。驛騎明朝發何處。猿聲今夜斷君腸。

至端州驛。見杜五審言。沈三佺期。闔五朝隱。王二無競。題壁慨然成詠。題中諸人皆與張易之往來者。張敗。諸人貶竄。

方南

逐臣北地承嚴譴。謂到南中每相見。豈意南中岐路多。千山萬水分鄉縣。雲搖雨散各翻飛。海闊天長音信稀。處處山川同瘴癘。自言能得幾人歸。

明河篇

八月涼風天氣清。萬里無雲河漢明。昏見南樓清且淺。曉落西山縱復橫。洛陽城闕天中起。長河夜夜千門裏。複道連蔓共蔽虧。畫堂瓊戶特相宜。雲母帳前初汎濫。水晶簾外轉逶迤。倬欲昭回如練白。復出東城接南陌。南陌征人去不歸。誰家今夜搗寒衣。鴛鴦機上踈螢度。烏鵲橋邊一鴈飛。鴈飛螢度愁難歇。坐見明河漸微沒。已能舒卷任浮雲。不惜光輝讓流月。明河可望不可親。願得乘槎一問津。更將織女支機石。還訪城都賣卜人。

郭振

古劍篇

君不見昆吾鐵冶飛炎煙。紅光紫氣俱赫然。良工鍛鍊凡幾年。鑄得寶劍名龍泉。龍泉顏色如霜雪。良工咨嗟嘆奇絕。琉璃玉匣吐蓮花。錯鏤金環映明月。正逢天下無風塵。幸得周防君子身。精光黯黯青蛇色。

文章片片綠龜鱗。非直結交遊俠子。亦曾親近英雄人。何言中道遭棄捐。零落飄淪古嶽邊。雖復沈埋無所用。猶能夜夜氣衝天。杜詩云。高詠寶劍篇。神交付冥漠。謂此詩也。

張

說字道濟。洛陽人。垂拱中。對賢良方正第一。歷中宗。睿宗。至玄宗朝。爲中書令。封燕國公。卒諡文貞。

鄴都引

君不見魏武草創爭天祿。羣雄睚眦相馳逐。晝攜壯士破堅陣。夜接詞人賦華屋。都邑繚繞西山陽。桑榆汗澆漳河曲。城郭爲墟人代改。但有西園明月在。鄴傍高塚多貴臣。蛾眉曼睩共灰塵。試上銅臺歌舞處。惟有秋風愁殺人。聲調漸響。去王楊盧駱體遠矣。○草創二字。居然史筆。○晝攜壯士二句。敘得簡老。

陳子昂

登幽州臺歌

不另列雜言一體。因附七言古內。

前不見古人。後不見來者。念天地之悠悠。獨愴然而涕下。予于登高時。每有今古茫茫之感。古人先已言之。

張若虛

若虛開元初人。與賀知章張旭齊名。

春江花夜月

春江潮水連海平。海上明月共潮生。滌滌隨波千萬里。何處春江無月明。江流宛轉遶芳甸。月照花林皆似霰。空裏流霜不覺飛。汀上白沙看不見。江天一色無纖塵。皎皎空中孤月輪。江畔何人初見月。江月何

年初照人。人生代代無窮已。江月年年祇相似。不知江月待何人。但見長江送流水。白雲一片去悠悠。青楓浦上不勝愁。誰家今夜扁舟子。何處相思明月樓。可憐樓上月徘徊。應照離人妝鏡臺。玉戶簾中卷不去。擣衣砧上拂還來。此時相望不相聞。願逐月華流照君。鴻鴈長飛光不度。魚龍潛躍水成文。昨夜閑潭夢落花。可憐春半不還家。江水流春去欲盡。江潭落月復西斜。斜月沉沉藏海霧。碣石瀟湘無限路。不知乘月幾人歸。落月搖情滿江樹。前半見人有變易。月明常在。江月不必待人。惟江流與月同無盡也。後半寫思婦悵望之情。曲折三致。題中五字安放自然。猶是王楊盧駱之體。

孫

遜博州人。開元十年舉賢良方正。官至中書舍人。典詔誥。

春日留別

春路逶迤花柳前。孤舟晚泊就人煙。東山白雲不可見。西陵江月夜娟娟。春江夜盡潮聲度。征帆遙從此中去。越國山川看漸無。可憐愁思江南樹。以上諸篇。誌初唐入盛之漸。

高

適李杜外。高岑王李七言古中最矯健者。

邯鄲少年行

邯鄲城南遊俠子。自矜生長邯鄲裏。千場縱博家仍富。幾處報讐身不死。宅中歌笑日紛紛。門外車馬如雲屯。未知肝膽向誰是。豪語。令人卻憶平原君。君不見今人交態薄。黃金用盡還踈索。以茲感嘆辭舊遊。更於時事無所求。且與少年飲美酒。往來射獵西山頭。不憶信陵而憶平原。以邯鄲爲趙地之故。

古大梁行

古城莽蒼饒荆榛。驅馬荒城愁殺人。魏王宮觀盡禾黍。信陵賓客隨灰塵。憶昨雄都舊朝市。軒車照耀歌鐘起。軍容帶甲三十萬。國步連營五千里。全盛須臾那可論。高臺曲池無復存。遺墟但見狐狸迹。古地空餘草木根。暮天搖落傷懷抱。撫劍悲歌對秋草。俠客猶傳朱亥名。行人尙識夷門道。白壁黃金萬戶侯。寶刀駿馬填山丘。年代淒涼不可問。往來惟見水東流。

燕歌行

開元二十六年。客有從元戎出塞而還者。作燕歌行以示適感征戍之事。因而和焉。

漢家煙塵在東北。漢將辭家破殘賊。男兒本自重橫行。天子非常賜顏色。攬金伐鼓下榆關。旌旆逶迤碣石間。校尉羽書飛瀚海。單于獵火照狼山。山川蕭條極邊土。胡騎憑陵雜風雨。戰士軍前半死生。美人帳下猶歌舞。大漠窮秋塞草腓。孤城落日鬪兵稀。身當恩遇常輕敵。力盡關山未解圍。鐵衣遠戍辛勤久。玉筯應啼別離後。源少婦城南欲斷腸。征人薊北空回首。邊庭飄颻那可度。絕域蒼茫何所有。殺氣三時作陣雲。寒聲一夜傳刁斗。相看白及雪紛紛。死節從來豈顧勳。君不見沙場征戰苦。至今猶憶李將軍。李廣愛惜士卒故云。或云李牧亦可。○七言古中時帶整句。局勢方不散漫。若李杜風雨分飛。魚龍百變。又不可以一論。

送田少府貶蒼梧

沉吟對遷客。惆悵西南天。昔爲一官未得意。今向萬里令人憐。念茲斗酒成睽間。停舟嘆君日將晏。遠樹應憐北地春。行人卻羨南歸鴈。丈夫窮達未可知。看君不合長數奇。江山到處堪乘興。楊柳青青那足悲。

贈別晉三處士

有人家住清河源。渡河問我遊梁園。手持道經注已畢。心知內篇口不言。盧門十年見秋草。此心惆悵誰能道。知已從來不易知。慕君爲人與君好。別時九月桑葉疎。出門千里無行車。愛君且欲君先達。今上求賢早上書。

賦得還山吟送沈四山人

還山吟。天高日暮寒山深。送君還山識君心。人生老大須恣意。看君解作一生事。山間偃仰無不至。石泉淙淙若風雨。桂花松子常滿地。賣藥囊中應有錢。還山服藥又長年。白雲勸盡杯中物。明月相隨何處眠。眠時憶問醒時事。夢魂可以相周旋。

人日寄杜二拾遺

人日題詩寄草堂。遙憐故人思故鄉。柳條弄色不忍見。梅花滿枝空斷腸。身在南蕃無所預。時爲蜀彭二州刺史心懷百憂復千慮。今年人日空相憶。明年人日知何處。一臥東山三十春。豈知書劍老風塵。龍鍾還忝二千石。愧爾東西南北人。言羈絆一官萍踪斷梗轉不如遨遊四方之爲樂也

封丘縣

我本漁樵孟諸野。一生自是悠悠者。乍可狂歌草澤中。寧堪作吏風塵下。祇言小邑無所爲。公門百事皆有期。拜迎官長心欲碎。鞭撻黎庶令人悲。悲來向家問妻子。舉家盡笑今如此。生事應須南畝田。世情付與東流水。夢想舊山安在哉。爲銜君命日遲迴。乃知梅福徒爲爾。轉憶陶潛歸去來。

別韋參軍

二十解書劍。西遊長安城。舉頭望君門。屈指取公卿。國風冲融邁三五。朝廷禮樂彌寰宇。白璧皆言賜近臣。布衣不得干明主。歸來洛陽無負郭。東過梁宋非吾土。兔苑爲農歲不登。分承鴈池垂釣心長苦。世人向我同衆人。唯君於我最相親。且喜百年見交態。未嘗一日辭家貧。彈棋擊筑白日晚。縱酒高歌楊柳春。歡娛未盡分散去。使我惆悵驚心神。丈夫不作兒女別。臨岐涕淚沾衣巾。

送渾將軍出塞

此蕃人而爲漢將者。

將軍族貴兵且強。漢家已是渾邪王子孫。相承在朝野。至今部曲燕支下。控弦盡用陰山兒。登陴常騎大宛馬。銀鞍玉勒繡螭弧。每逐嫖姚破骨都。李廣從來先將士。衛青未肯學孫吳。傳有沙場千萬騎。昨日邊庭羽書至。城頭畫角三四聲。匣裏寶刀晝夜鳴。意氣能甘萬里去。辛勤動作一年行。黃雲白草無前後。朝建旌旗夕刁斗。塞下應多俠少年。關西不見春楊柳。從軍借問所從誰。擊劍酣歌當此時。遠別無輕繞朝

策平戎早寄仲宣詩。

岑參

登古鄴城

本戰國時鄴邑屬魏三國時曹氏都於此

下馬登鄴城。城空復何見。東風吹野火。暮入飛雲殿。城隅南對望陵臺。漳水東流不復回。武帝宮中人去盡。年年春色爲誰來。

題匡城周少府廳壁

婦姑城南風雨秋。婦姑城中人獨愁。愁雲遮卻望鄉處。數日不上西南樓。故人薄暮公事閒。玉壺美酒琥珀殷。潁陽秋草今黃盡。醉臥君家猶未還。

梁州館中與諸判官夜集

彎彎月出挂城頭。城頭月出照梁州。梁州七里十萬家。胡人半解彈琵琶。琵琶一曲腸堪斷。風蕭蕭兮夜漫漫。河西幕中多故人。故人別來三五春。花門樓前見秋草。豈能貧賤相看老。一生大嘯能幾回。斗酒相逢須醉倒。

胡笳歌送顏真卿使赴河隴

君不聞胡笳聲最悲。紫髯綠眼胡人吹。吹之一曲猶未了。愁殺樓蘭征戍兒。涼秋八月蕭關道。北風吹斷

天山草崑崙山南月欲斜。胡人向月吹胡笳。胡笳怨兮將送君。秦山已遙望隴山。顏公雲邊城夜夜多愁夢。向月胡笳誰喜聞。只言笳聲之悲見河隴之不堪使而惜別在言外矣。

函谷關歌送劉評事使關西

君不見函谷關崩城毀壁至今在。樹根草蔓遮古道。空谷千年長不改。寂寞無人空舊山。聖朝無事不須關。白馬公孫何處去。青牛老子更不還。蒼苔白骨空滿地。月與古時長相似。野花不省見行人。山鳥何曾識關吏。故人方乘使者車。吾知郭丹卻不如。請君時憶關外客。行到關西多致書。劉向七略公孫龍持白馬之論以度關後漢書

郭丹字少卿買符入函谷關慨然嘆曰丹不乘使者車終不出關更始二年乘高車出關

火山雲歌送別即小頭痛山

火山突兀赤亭口。火山五月火雲厚。火雲滿山凝未開。飛鳥千里不敢來。平明乍逐胡風斷。薄暮渾隨塞雨回。繚繞斜吞鐵關樹。氛氳半掩交河戍。迢迢征路火山東。山上孤雲隨馬去。

走馬川行奉送封大夫出師征西即封常清也參常從常清屯兵輪臺故多邊塞之作

君不見走馬川行雪海邊。平沙莽莽黃入天。輪臺九月風夜吼。一川碎石大如斗。隨風滿地石亂走。匈奴草黃馬正肥。金山西見煙塵飛。漢家大將西出師。將軍金甲夜不脫。半夜軍行戈相撥。風頭如刀面如割。馬毛帶雪汗氣蒸。五花連錢旋作冰。幕中草檄硯水凝。虜騎聞之應膽慄。料知短兵不敢接。車師西門佇

獻捷。勢險節短。○句句用韻。三句一轉。此碑山碑文法也。唐中興頌亦然。

輪臺歌奉送封大夫出師西征

輪臺城頭夜吹角。輪臺城北旄頭落。羽書昨夜過渠黎。單于已在金山西。戍樓西望煙塵黑。漢兵屯在輪臺北。上將擁旄西出征。平明吹笛大軍行。四邊伐鼓雪海涌。三軍大呼陰山動。虜塞兵氣連雲屯。戰場白骨纏草根。劍河風急雪片闊。沙口石凍馬蹄脫。亞相勤王甘苦辛。即指上將誓將報主靜邊塵。古來青史誰不見。今見功名勝古人。

白雪歌送武判官歸

北風捲地白草折。胡天八月即飛雪。忽如一夜春風來。千樹萬樹梨花開。散入珠簾溼羅幕。狐裘不暖錦衾薄。將軍角弓不得控。都護鐵衣冷難著。瀚海闌干。闌干猶言盛也。百丈冰。愁雲慘淡萬里凝。中軍置酒飲歸客。下言送別。胡琴琵琶與羌笛。紛紛暮雪下轅門。風掣紅旗凍不翻。輪臺東門送君去。去時雪滿天山路。山迴路轉不見君。去路不盡。雪上空留馬行處。

衛節度赤驃馬歌

君家赤驃畫不得。一團旋風桃花色。紅纓紫韁珊瑚鞭。玉鞍錦韉黃金勒。請君鞞出看君騎。尾長牽地如紅絲。自矜諸馬皆不及。卻憶百金初買時。香街紫陌鳳城內。滿城見者誰不愛。揚鞭驟急白汗流。弄影行

驕碧蹄碎。紫髯胡兒金剪刀。平明剪出二驄高。櫪上看時獨意氣。衆中牽出偏雄豪。騎將獵向南山口。城南狐兔不復有。草頭一點疾如飛。卻使蒼鷹翻向後。憶昨看君朝未央。鳴珂擁蓋滿路香。始知邊將真富貴。可憐人馬相輝光。男兒稱意得如此。駿馬長鳴北風起。待君東去掃胡塵。爲君一日行千里。

太白胡僧歌并序

太白中峯絕頂有胡僧。不知幾百歲。眉長數寸。身不製繒帛。衣以草葉。恆持伽經。雲壁迴絕。人迹罕到。嘗東峰有鬪虎。弱者將死。僧杖而解之。西湫有毒龍。久而爲患。僧器而貯之。商山趙叟。前年采茯苓。深入太白。偶值此僧。訪我而說。予恆有獨往之意。聞而悅之。乃爲歌曰。

聞有胡僧在太白。蘭若去天三百尺。一持楞伽入中峰。世人難見但聞鐘。窗邊錫杖解兩虎。床下鉢盂藏一龍。草衣不針復不線。兩耳垂肩眉覆面。此僧年幾那得知。手種青松今十圍。心將流水同清淨。身與浮雲無是非。商山老人已曾識。願一見之何由得。山中有僧人不知。城裏看山空黛色。言城裏但知有山也。是上一句意。

西亭子送李司馬

高高亭子郡城西。直上千尺與雲齊。盤崖緣壁試攀躋。羣山向下飛鳥低。使君五馬天半嘶。絲繩玉壺爲君提。坐來一望無端倪。紅花綠柳鶯亂啼。千家萬井連迴溪。酒行未醉聞暮鷄。點筆操紙爲君題。爲君題。惜解攜。草萋萋。沒馬蹄。

與獨孤漸道別長句兼呈嚴八侍御

輪臺客舍春草滿。潁陽歸客腸堪斷。窮荒絕漠鳥不飛。萬嶺千山夢猶懶。憐君白面一書生。讀書千卷未成名。五侯貴門脚不到。數畝山田身自耕。興來浪迹無遠近。及至辭家憶鄉信。無事垂鞭信馬頭。西南幾欲窮天盡。奉使自已三年獨未歸。邊頭詞客舊來稀。借問君來得幾日。到家不覺換春衣。高齋清晝卷羅幕。紗帽接羅慵不著。中酒朝眠日色高。彈棋夜半燈花落。冰片高堆金錯盤。滿堂凜凜五月寒。桂林蒲桃新吐蔓。武城刺蜜未可餐。軍中置酒夜搗鼓。錦筵紅燭月未午。忽入別趣。淋漓盡致。花門將軍善胡歌。葉河蕃王能漢語。知爾園林壓渭濱。夫人堂上泣羅裙。魚龍川北磐谿雨。烏鼠山西洮水雲。臺中嚴公於我厚。別後新詩滿人口。自憐棄置天西頭。因君爲問相思否。此詩硬轉突接。不須蛛絲。馬跡古詩中另是一格。

李

頎東川比高岑多和緩之響

古意

男兒事長征。少小幽燕客。賭勝馬蹄下。由來輕七尺。殺人莫敢前。鬚如蝟毛磔。黃雲隴裏白雪飛。未得報恩不能歸。遼東小婦年十五。慣彈琵琶解歌舞。今爲羌笛出塞聲。使我三軍淚如雨。

古從軍行

白日登山望烽火。黃昏飲馬傍交河。行人刁斗風沙暗。公主琵琶幽怨多。野雲萬里無城郭。雨雪紛紛連

大漠胡鴈哀鳴夜夜飛。胡兒眼淚雙雙落。聞道玉門猶被遮。應將性命逐輕車。年年戰骨埋荒外。空見蒲桃入漢家。以人命換塞外之物。失策甚矣。爲開邊者垂戒。故作此詩。

古行路難

漢家名臣楊德祖。四代五公享茆土。父子兄弟綰銀黃。躍馬鳴珂朝建章。火浣單衣繡方領。茱萸錦帶玉盤囊。賓客填街復滿座。片言出口生輝光。世人逐勢爭奔走。瀝膽隳肝惟恐後。當時一顧登青雲。自謂生死長隨君。一朝謝病還鄉里。窮巷蒼首絕知己。秋風落葉閉重門。昨日論交竟誰是。薄俗嗟嗟難重陳。深山麋鹿可爲鄰。魯連所以蹈東海。古往今來稱達人。此借楊氏發論。爲勢利之徒言之。末言魯連蹈海。正能一空勢利之見耳。

送劉昱

八月寒葦花。秋江浪頭白。北風吹五兩。誰是潯陽客。鷓鴣山頭宿雨晴。揚州郭裏暮潮生。行人夜宿金陵渚。試聽沙邊有鴈聲。郭璞江賦。視五兩之動靜。謂候風雨也。

崔五大圖屏風各賦一物得烏孫佩刀

烏孫腰間佩兩刀。刃可吹毛錦爲帶。握中枕宿穹廬室。此言藏。馬上割飛蠶蟬塞。此言用。執之魍魎誰能前。氣凜清風沙漠邊。磨用陰山一片石。洗將胡地獨流泉。主人屏風寫奇狀。鐵鞞金鑲儼相向。回頭瞪目時一看。使予心在江湖上。晉載紀。慕容皝率請出蠶蟬塞。

愛敬寺古藤歌

古藤池水盤樹根。左攬右拏龍虎蹲。橫空直上相陵突。丰茸離纒若無骨。風雷霹靂連黑枝。人言其下藏妖魘。空庭落葉乍開合。十月苦寒常倒垂。憶昨花飛滿空殿。密葉吹香飯僧遍。南陌雙桐一百尺。相與年年老霜霰。

送劉十

三十不官亦不娶。時人焉識道高下。房中惟有老氏經。櫪上空餘少游馬。往來嵩華與函秦。放歌一曲前山春。西林獨鶴引閒步。南澗飛泉清角巾。前年上書不得意。歸臥東山兀然醉。諸兄相繼掌青史。第五之名齊驃騎。烹葵摘果告我行。落日夏雲縱復橫。聞道謝安掩口笑。知君不免爲蒼生。

別梁鎰

梁生倜儻心不羈。途窮氣蓋長安兒。回頭轉眄似鷗鷺。有志飛鳴人豈知。雖云四十無祿位。曾與大軍掌書記。抗辭請刃誅部曲。作色論兵犯二帥。一言不合龍額侯。擊劍拂衣從此棄。朝朝飲酒黃公壚。脫帽露頂爭叫呼。庭中犢鼻昔常挂。懷裏琅玕今在無。時人見子多落魄。共笑狂歌非遠圖。忽然遺躍紫駟馬。還是昂藏一丈夫。洛陽城頭曉霜白。層冰峨峨滿川澤。但聞行路吟新詩。不嘆舉家無儋石。莫言貧賤長可欺。覆簣成山當有時。莫言富貴長可託。木槿朝看暮還落。不見古時塞上翁。倚伏由來任天作。去去滄波

勿復陳五湖三江愁殺人。結有世路風波意非專言江湖難涉也。

琴歌送別

主人有酒歡今夕。請奏鳴琴廣陵客。月照城頭烏半飛。霜淒萬木風入衣。銅鑪華燭燭增輝。初彈淥水後楚妃。一聲已動物皆靜。四座無言星欲稀。清淮奉使千餘里。敢告雲山從此始。比高堂如空山能使江月白等語更微更遠。

王維

送友人歸山歌二首

山寂寂兮無人。又蒼蒼兮多木。羣龍兮滿朝。君何爲兮空谷。文寡和兮思深。道難知兮行獨。悅石上兮流泉。與松間兮草屋。入雲中兮養雞。上山頭兮抱犢。神與棗兮如瓜。虎賣杏兮收穀。愧不才兮妨賢。嫌既老兮貪祿。誓解印兮相從。何詹尹兮可卜。神仙傳董奉種杏數萬株。買杏者將穀一器置倉中。即自往取一器。若穀少杏多有虎逐之。

山中人兮欲歸。雲冥冥兮雨霏霏。水驚波兮翠菅靡。白鷺忽兮翻飛。君不可兮褰衣。山萬重兮一雲。混天地兮不分。樹曖曖兮氣氳。猿不見兮空聞。忽山西兮夕陽。見東臯兮遠村。平蕪綠兮千里。眇惆悵兮思君。

山萬重兮以下寫去後情事如披畫圖。

隴頭吟

長安少年游俠客。夜上戍樓看太白。隴頭明月迴臨關。隴上行人夜吹笛。關西老將不勝愁。駐馬聽之雙

淚流身經大小百餘戰。麾下偏裨萬戶侯。蘇武纔爲典屬國。節旄空落海西頭。

少年看太白星欲以立邊功自命也。然老將百戰不

侯蘇武祇邀薄賞。邊功豈易立哉。

夷門歌 侯嬴抱關處

七國雄雌猶未分。攻城殺將何紛紛。秦兵益圍邯鄲急。魏王不救平原君。公子爲嬴停駟馬。執轡逾恭意逾下。亥爲屠肆鼓刀人。嬴乃夷門抱關者。非但慷慨獻奇謀。意氣兼將身命酬。向風刎頸送公子。七十老翁何所求。

言老翁之刎頸豈有所求於公子耶。特以意氣相激故耳。

洛陽女兒行

洛陽女兒對門居。纔可容顏十五餘。良人玉勒乘驄馬。侍女金盤脍鯉魚。畫閣朱樓盡相望。紅桃綠柳垂簷向。羅帷送上七香車。寶扇迎歸九華帳。狂夫富貴在青春。意氣驕奢劇季倫。自憐碧玉親教舞。不惜珊瑚持與人。春窗曙滅九微火。九微片片飛花璵。戲罷曾無理曲時。粧成祇是薰香坐。城中相識盡繁華。日夜經過趙李家。誰憐越女顏如玉。貧賤江頭白浣紗。

結意况君子不遇也。與西施咏同一寄托。

老將行

此種詩純以隊仗勝。學詩者不能從。李杜入右丞常侍。自有門逕可尋。

少年十五二十時。步行奪取胡馬騎。射殺山中白額虎。肯數鄴下黃鬚兒。一身轉戰三千里。一劍曾當百萬師。漢兵奮迅如霹靂。虜騎崩騰畏蒺藜。衛青不敗由天幸。李廣無功緣數奇。自從棄置便衰朽。世事蹉

跼成白首。昔時飛箭無全目。今日垂楊生左肘。路旁時賣故侯瓜。門前學種先生柳。蒼茫古木連窮巷。寥落寒山對虛牖。誓令踈勒出飛泉。不似潁川指灌夫空使酒。賀蘭山下陣如雲。羽檄交馳日夕聞。節使三河募年少。詔書五道出將軍。試拂鐵衣如雪色。聊持寶劍動星文。願得燕弓射天將。恥令越甲鳴吾君。莫嫌舊日雲中守。猶堪一戰立功勳。賣瓜種柳極形落寞。後半寫出據鞍顧盼意。不致以衰老自廢棄也。○莊子支離叔與滑介叔觀於冥伯之邱。俄而柳生其左肘。柳癘也。非楊柳之柳。

桃源行

漁舟逐水愛山春。兩岸桃花夾去津。坐看紅樹不知遠。行盡清溪不見人。山口潛行始隈隩。山開曠望旋平陸。遙看一處攢雲樹。近入千家散花竹。樵客初傳漢姓名。居人未改秦衣服。居人共住武陵源。還從物外起田園。月明松下房櫳靜。日出雲中雞犬喧。驚聞俗客爭來集。競引還家問都邑。平明閭巷掃花開。薄暮漁樵乘水入。初因避地去人間。及至成仙遂不還。峽裏誰知有人事。世中遙望空雲山。不疑靈境難聞見。塵心未盡思鄉縣。出洞無論隔山水。辭家終擬長遊衍。自謂經過舊不迷。安知峰壑今來變。當時只記入山深。青谿幾度到雲林。春來遍是桃花水。不辨仙源何處尋。順文敘事。不須自出意見。而夷猶容與。令人味之不盡。

答張五弟

終南有茆屋。前對終南山。終年無客長閉關。終日無心長自閒。不妨飲酒復垂釣。君但能來相往還。

同崔傅答賢弟

洛陽才子姑蘇客。桂苑殊非故鄉陌。九江楓樹幾回青。一片揚州五湖白。揚州時有下江兵。蘭陵鎮前吹笛聲。夜火人歸富春郭。秋風鶴唳石頭城。周郎瑜陸弟遜。為儔侶對舞前谿歌。白紵曲几書留小史家。王羲之草堂碁賭山陰墅。謝安衣冠若話外臺臣。先數夫君席上珍。更聞臺閣求三語。遙想風流第一人。寓疎蕩於

隊仗之中。此盛唐人身分。

崔顥

七夕詞

長安城中月如練。家家此夜持針線。仙裙玉佩空自知。天上人間不相見。長信深陰夜轉幽。玉階金閣數螢流。班姬此夕愁無限。河漢三更看斗牛。言長信。孤居不能如牛女之一年一見也。情深無限。

孟門行

黃雀銜黃花。翩翩傍簷隙。本擬報君恩。如何反彈射。金罍美酒滿座春。平原愛才多衆賓。滿堂盡是忠義士。何意得有讒諛人。諛言反覆那可道。能令君心不自保。北園新栽桃李枝。根株未固何轉移。成陰結實君自取。若問旁人那得知。比體作結。委曲深宛。耐人尋繹。○成陰結實。即報恩之喻。言君宜不惑於讒言也。

孟浩然

夜歸鹿門歌

山寺鳴鐘晝已昏。漁梁渡頭爭渡喧。人隨沙岸向江村。余亦乘舟歸鹿門。鹿門月照開烟樹。忽到龐公棲隱處。巖扉松逕長寂寥。惟有幽人自來去。

丁仙芝

曲阿人開元進士官餘杭尉

餘杭醉歌贈吳山人

曉幕紅襟鷺。春城白項烏。只來梁上語。不向府中趨。四句比山人之高。宛然樂府。城頭坎坎鼓聲曙。滿庭新種櫻桃樹。桃花昨夜撩亂開。當軒發色映樓臺。十千兌得餘杭酒。二月春城長命杯。酒後留君待明月。還將明月送君回。

儲光羲

登戲馬臺作

君不見宋公杖鉞誅燕后。英雄踴躍爭趨走。小會衣冠呂梁壑。大徵甲卒碣磳口。天門神武樹元勳。九日茱萸饗六軍。泛泛樓船遊極浦。搖搖歌吹動浮雲。居人滿目市朝變。霸業猶存齊楚甸。泗水南流桐栢川。沂山北走瑯琊縣。滄海沉沉晨霧開。彭城烈烈秋風來。少年自言未得意。日暮蕭條登古臺。

張謂

贈喬林

去年上策不見收。今年寄食仍淹留。羨君有酒能便醉。羨君無錢能不憂。如今五侯不待客。羨君不入五侯宅。如今七貴方自尊。羨君不過七貴門。丈夫會應有知己。世上悠悠安足論。兀傲之氣如見。

湖中對酒作

夜坐不厭湖上月。晝行不厭湖上山。眼前一樽又常滿。心中萬事如等閒。玉人有黍萬餘石。濁醪數斗應不惜。卽今相對不盡歡。別後相思復何益。茱萸灣頭歸路賒。願君且宿黃公家。風光若此人不醉。參差孤負東園花。

代北州老翁答

負薪老翁往北州。北望鄉關生客愁。自言老翁有三子。兩人已向黃沙死。如今小兒新長成。明年聞道又徵兵。定知此別必零落。不及相隨同死生。盡將田宅借鄰伍。且復伶俜去鄉土。在生本求多子孫。及有誰知更辛苦。近傳天子尊武臣。強兵直欲靜胡塵。安邊自合有長策。何必流離中國人。爲明皇黷武而言。與老杜石壕吏相似。

王昌齡

城傍曲

秋風鳴桑條。草白狐兔驕。邯鄲飲來酒未消。城北原平掣皂鷗。射殺空營兩騰虎。迴身却月佩弓弰。猶齊風子

之還盧令
何等篇

烏棲曲

白馬逐朱車。黃昏入狹斜。柳樹烏爭宿。爭枝未得飛上屋。東房少婦塔從軍。每聽烏啼知夜分。

卷六

七言古詩

李

太白七言古想落天外。局自變生。大江無風。波浪自湧。白雲從空。隨風變滅。此殆天授。非人可及。○集中如笑矣乎。悲來乎。懷素草書歌等作。皆五代凡庸子所擬。後人無識。將此入選。警識者指太白為粗淺。人作俑矣。讀李詩者於雄快之中。得其深遠宕逸之神。纔是謫仙人面目。

遠別離

遠別離。古有英皇之二女。乃在洞庭之南。瀟湘之浦。海水直下萬里深。誰人不言此離苦。日慘慘兮雲冥冥。猩猩啼煙兮鬼嘯雨。我縱言之將何補。皇穹指肅宗竊恐不照余之忠誠。雲憑憑兮欲吼怒。天問曰。康回憑怒。堯舜當之亦禪禹。位禪君失臣兮龍為魚。明皇權歸臣兮鼠變虎。肅宗或言堯幽囚。舜野死。九疑連縣皆相似。重瞳孤墳竟何是。帝子泣兮綠雲間。竹隨風波兮去無還。慟哭兮遠望。見蒼梧之深山。蒼梧山崩湘水絕。言此絕竹上之淚乃可滅。玄宗禪位於肅宗。宜者李輔國謂上皇居興慶宮。交通外人。將不利於陛下。於是徙上皇於西內。怏怏不逾時而崩。詩蓋指此也。太白失位之人。雖言何補。故託甲古以焉。致諷焉。

蜀道難

噫吁噓危乎高哉。蜀道之難難於上青天。蠶叢及魚鳧。蜀王始開國何茫然。爾來四萬八千歲。不與秦塞

通人煙。西當太白有鳥道。可以橫絕峨眉巔。地崩山摧壯士死。五丁開山然後天梯石棧相鈎連。上有六

龍迴日之高標。下有衝波逆折之迴川。黃鶴之飛尚不得過。猿猱欲度愁攀緣。青泥何盤盤。百步九折縈

巖巒。捫參歷井仰脅息。以手撫膺坐長歎。問君西遊何時還。畏途巖巖不可攀。但見悲鳥號古木。雄飛雌

從繞林間。又聞子規啼夜月。愁空山。蜀道之難難於上青天。使人聽此凋朱顏。連峯去天不盈尺。枯松倒

挂倚絕壁。飛湍瀑流爭喧豗。砢崖轉石萬壑雷。其險也若此。嗟爾遠道之人胡為乎來哉。總束三語劍閣

崢嶸而崔嵬。一夫當關。萬夫莫開。所守或非親。化為狼與豺。朝避猛虎。夕避長蛇。磨牙吮血。殺人如麻。錦

城雖云樂。不如早還家。恐蜀地有發難之人。則乘輿危矣。蜀道之難難於上青天。側身西望長咨嗟。諸解紛紛

蕭士贇謂祿山亂華。天子幸蜀而作。為得其解。臣子忠愛之辭。不比尋常穿鑿。○筆陣縱橫。如蚪飛螭。動起雷霆。於指顧之間。右華盧全輩仿之。適得其怪耳。太白所以為仙才也。

烏夜啼

黃雲城邊烏欲棲。歸飛啞啞枝上啼。機中織錦秦川女。碧紗如煙隔窗語。停梭悵然憶遠人。獨宿空房淚

如雨。蘊含深遠。不須語言之煩。賀知章讀烏夜啼。諸樂府。因重太白。薦於明皇。

烏棲曲

姑蘇臺上烏棲時。吳王宮裏醉西施。吳歌楚舞歡未畢。青山欲銜半邊日。銀箭金壺漏水多。起看秋月墜江波。東方漸高奈樂何。末句爲樂難久也。綴一單句格奇。

戰城南

去年戰桑乾源。今年戰葱河道。洗兵條支海上波。放馬天山雪中草。萬里長征戰三軍。盡衰老。匈奴以殺戮爲哂作。奇句。古來惟見白骨黃沙田。秦家築城避胡處。漢家還有烽火然。烽火然不息。征戰無已時。野戰格鬪死。敗馬嘶鳴向天悲。烏鳶啄人腸。銜飛上挂枯樹枝。士卒塗草莽。將軍空爾爲。乃知兵者是凶器。聖人不得已而用之。端莊語以搖曳出之。末句用老子。

飛龍引二首

黃帝鑄鼎於荆山。煉丹砂。丹砂成黃金。騎龍飛上太清家。雲愁海思令人嗟。宮中綵女顏如花。飄然揮手凌紫霞。從風縱體登鑾車。登鑾車。侍軒轅。遨遊青空中。其樂不可言。

鼎湖流水清且閒。軒轅去時有弓劍。古人傳道留其間。後宮嬋娟多花顏。乘鸞飛煙去不還。騎龍攀天造天關。造天關。聞天語。長雲河車載玉女。載玉女。過紫皇。紫皇乃賜白兔所擣之藥方。後天而老。後天而老猶蛾眉蕭颯。則不老者化老矣。學仙何爲哉。凋三光。下視瑤池見王母。蛾眉蕭颯如秋霜。

長相思二首

長相思。在長安。絡緯秋啼金井闌。微霜淒淒簾色寒。孤燈不明思欲絕。卷帷望月空長歎。美人指夫如花隔雲端。上有青冥之長天。下有綠水之波瀾。天長地遠魂飛苦。夢魂不到關山難。長相思。摧心肝。

日色欲盡花含煙。月明欲素愁不眠。趙瑟初停鳳凰柱。蜀琴欲奏鴛鴦絃。此曲有意無人傳。願隨春風寄燕然。憶君迢迢隔青天。昔日橫波目。今作流淚泉。不信妾腸斷。歸來看取明鏡前。怨而不怒

上留田行

上留田地名。其地有人。父母死而不字其弟者。為弟作歌以諷其兄。故名上留田。亦古樂府。

行至上留田。孤墳何崢嶸。積此萬古恨。春草不復生。悲風四邊來。腸斷白楊聲。借問誰家地。埋沒蒿里塋。古老向余言。言是上留田。蓬科馬鬣皆已平。昔之兄死弟不葬。他人於此舉銘旌。一鳥死。百鳥鳴。一獸走。百獸驚。見說苑。顏子對孔子語。桓山之禽別離苦。欲去迴翔不能征。田氏倉卒骨肉分。青天白日摧紫荆。交柯之木本同形。東枝顛賴西枝榮。無心之物尚如此。參商胡乃尋天兵。孤竹延陵讓國揚名。高風綿邈。頽波激清。尺布之謠。塞耳不能聽。未以孤竹延陵漢文淮南為言。知此非同泛然而作也。太白每借古題以諷時事。豈有感於永王璘之死而為是言與。

夸則格上白鳩拂舞辭

此歌而且舞之辭。

鏗鳴鐘。考朗鼓。歌白鳩。引拂舞。白鳩之白誰與鄰。霜衣雪襟誠可珍。含哺七子能平均。食不噎。性安馴。首農政。鳴陽春。鳴鳩拂羽。天子刻玉杖。鏤形賜耆人。白鷺之白非純真。外潔其色心匪仁。非必有惡於白鷺。借闕以譏外潔內汙者耳。闕五德。無司晨。胡為啄我葭下之紫鱗。鷹鷂鵬鸚。貪而好殺。鳳凰雖大聖。不願以為臣。時多酷吏與聚斂之臣。故作是詩以刺。

獨漉篇

晉人古詞。本或斷或續。太白亦以此體衍之。中三解未易窺測。恐強解之。轉成穿鑿耳。

獨漉水中泥。水濁不見月。不見月。尚可水深行人沒。越鳥從南來。胡鷹亦北渡。我欲彎弓向天射。惜其中道失歸路。落葉別樹飄。零隨風。客無所託。悲與此同。羅幃舒卷。似有人開。明月直入。無心可猜。雄劍挂壁。時時龍鳴。不斷犀象。繡澀苔生。國恥未雪。主意。何由成名。神鷹夢澤。不顧鴟鳶。爲君一擊。鵬搏九天。原詞爲父報讎。

太白爲國雪恥。中作六解。似嶺斷雲連。若離若合。不能強作一意。雄劍挂壁。以下言豪士爲國雪恥。當立大功。以成名。猶鷹之不顧凡鳥。而擊九天之鵬也。

登高丘而望遠海

登高丘。望遠海。六鼈骨已霜。三山流安在。扶桑半摧折。白日沉光彩。銀臺金闕如夢中。秦皇漢武空相待。精衛費木石。竈鼯無所憑。君不見驪山茂陵盡灰滅。牧羊之子來攀登。盜賊劫寶玉。精靈竟何能。窮兵黷武。今如此。鼎湖飛龍安可乘。

楊叛兒

此童謠也。比齊胡太后寵楊旻。童謠云。楊婆兒。共戲來。語訛轉婆爲叛。○篇中非詠其事。

君歌楊叛兒。妾勸新豐酒。何許最關人。烏啼白門柳。烏啼隱楊花。君醉留妾家。博山爐中沉香火。雙煙一氣凌紫霞。卽子夜讀曲意。而語不婬。衰。故知君子言有則也。

白頭吟

西京雜記云。白頭吟。卓文君作。

錦水東北流。波蕩雙鴛鴦。雄巢漢宮樹。雌弄秦草芳。寧同萬死碎綺翼。不忍雲間兩分張。此時阿嬌正嬌

妒獨坐長門愁日暮。但願君恩顧妾深。豈惜黃金買詞賦。相如作賦得黃金。丈夫好新多異心。一朝將聘茂陵女。文君因贈白頭吟。東流不作西歸水。落花辭條羞故林。信手寫來無不入妙兔絲固無情。隨風任傾倒。誰使女蘿枝。而來強縈抱。兩草猶一心。人心不如草。莫捲龍鬚席。從他生網絲。且留琥珀枕。或有夢來時。覆水再收豈滿杯。棄妾已去難重迴。古來得意不相負。祇今唯見青陵臺。韓憑與婦俱以義死故云太白詩固多寄託然必欲事事牽合謂此指廢

王皇后事殊支離也

久別離

別來幾春未還家。玉窗五見櫻桃花。況有錦字書。開緘使人嗟。至此腸斷彼心絕。雲鬢綠鬢罷梳結。愁如迴飈亂白雪。去年寄書報陽臺。今年寄書重相催。東風兮東風。爲我吹行雲使西來。待來竟不來。落花寂寂委青苔。

日出入行

日出東方隈。似從地底來。歷天又入海。六龍所舍安在哉。其始與終古不息。人非元氣安得與之久徘徊。草不謝榮於春風。木不怨落於秋天。誰揮鞭策驅四運。萬物興歇皆自然。羲和羲和。汝何汨沒於荒淫之波。魯陽何德。駐景揮戈。逆道違天。矯誣實多。我將囊括大塊。浩然與溟滓同科。言魯陽揮戈之矯誣不如委順造化之自然也總見

學仙之謬

幽澗泉琴操

拂彼白石。彈我素琴。幽澗愀兮。流泉深。善手明徽。高張清心。寂歷似千古。松颺颺兮。萬尋。中見愁猿弔影。而危處兮。叫秋木而長吟。客有哀時失職。而聽者。淚淋漓。以沾襟。乃緝商綴羽。潺湲成音。吾但寫聲發情。於妙指。殊不知此曲之古今。幽澗泉。鳴深林。松響猿吟。從琴中寫出。俱可以例澗泉也。縱筆揮洒。泠泠有聲。

梁父吟 梁父吟始于曾子後諸葛孔明作梁父吟

長嘯梁父吟。何時見陽春。君不見朝歌屠叟辭棘津。八十四西來釣渭濱。寧羞白髮照清水。逢時吐氣思經綸。廣張三千六百鈞。地有三千六百軸。太公合天下而釣之。得與文王相遇也。風期暗與文王親。大賢虎變愚不測。當年頗似尋常人。

君不見高陽酒徒起草中。長揖山東隆準公。入門不拜聘雄辯。兩女輟洗來趨風。東下齊城七十二。指揮

楚漢如旋蓬。狂客落魄尚如此。何況壯士當羣雄。謂白吾欲攀龍見明主。雷公砰訇震天鼓。帝旁投壺多玉

女。三時大笑開電光。倏爍晦冥起風雨。閻闔九門不可通。二段見朝之權貴。女子小人。人擁過主聽忠言不得上陳也。以額觸關闈者怒。

白日不照我精誠。杞國無事憂天傾。如時之將亂。猘獠磨牙競人肉。騶虞不折生草莖。手接飛猱搏彫虎。側足

焦原未言苦。智者可卷愚者豪。世人見我輕鴻毛。見君子小人並列。而人主不知我欲起而除去邪惡。猶接飛猱搏彫虎。不自言苦也。以愚自謂。力排南

山三壯士。齊相殺之費二桃。言衆人害已之易。吳楚弄兵無劇孟。亞夫哈爾爲徒勞。言朝無賢人。何以爲國。仍望世之用已也。梁父吟

聲正悲。張公兩龍劍。神物合有時。風雲感會起屠釣。大人峴岬當安之。言已安於困厄。以俟時。始言呂尚之。年。酈食其之狂士。猶乘時遇

合爲壯士者正當自奮然欲以忠言寤主而權奸當道言路壅塞非不願剪除之而人主不聽恐爲匪人戕害也究之論其常理終當以賢輔國惟安命以俟有爲而已後半拉雜使事而不見其迹以氣勝也若無太白本領不易追逐

北風行

燭龍棲寒門。光耀猶旦開。日月照之何不及此。唯有北風號怒天上來。燕山雪花大如席。片片吹落軒轅臺。幽州思婦十二月。停歌罷笑雙蛾摧。倚門望行人。念君長城苦寒良可哀。別時提劍救邊去。遺此虎紋金鞞。鞞中有二雙白羽箭。蜘蛛結網生塵埃。箭空在人愁戰死。不復迴。人愁戰死。愁字諸本註作今字。從原本正之。不忍見此物。焚之已成灰。黃河捧土尙可塞。北風雨雪恨難裁。淮南子。燭龍人身龍面而無足。八紘之外有八極。北極之山田寒門。

山人勸酒

蒼蒼雲松。落落綺皓。春風爾來爲阿誰。蝴蝶忽然滿芳草。秀眉霜雪顏桃花。骨清髓綠長美好。稱是秦時避世人。勸酒相歡不知老。各守麋鹿志。恥隨龍虎爭。歛起佐太子。漢皇乃復驚。顧謂戚夫人。彼翁羽翼成。歸來商山下。泛若雲無情。舉觴酬巢由。洗耳何獨清。浩歌望嵩嶽。意氣還相傾。

襄陽歌

落日欲沒峴山西。倒著接羅花下迷。襄陽小兒齊拍手。攔街爭唱白銅鞮。白銅鞮。梁武帝時童謠。傍人借問笑何事。笑殺山翁醉似泥。鸕鷀杓。鸚鵡杯。百年三萬六千日。一日須傾三百杯。遙看漢水鴨頭綠。妙於形容。恰似葡萄

初醖醅。此江若變作春酒。壘麴便築糟邱臺。千金駿馬換小妾。笑坐雕鞍歌落梅。車傍側挂一壺酒。鳳笙龍管行相催。咸陽市中歎黃犬。何如月下傾金壘。君不見晉朝羊公一片石。龜頭剝落生莓苔。淚亦不能爲之墮。心亦不能爲之哀。清風朗月不用一錢買。玉山自倒非人推。舒州杓。力士鎗。李白與爾同死生。襄王雲雨今安在。江水東流猿夜聲。羊叔子之峴山碑。猶然磨滅無人墮淚。况尋常富貴乎。不如韜精沉飲。州道士貢九器。鐵器。草壘。傳。有豫章力士斃飲器。

江上吟

木蘭之枻沙棠舟。玉簫金管坐兩頭。美酒尊中置千斛。載妓隨波任去留。仙人有待乘黃鶴。海客無心隨白鷗。屈平詞賦懸日月。楚王臺榭空山丘。興酣落筆搖五嶽。詩成笑傲凌滄洲。功名富貴若長在。漢水亦應西北流。言必無之理。

侍從宜春苑奉詔賦龍池柳色初青聽新鶯百轉歌

東風已綠瀛洲草。紫殿紅樓覺春好。池南柳色半青青。縈煙裊娜拂綺城。垂絲百尺挂雕楹。上有好鳥相和鳴。間關早得春風情。春風卷入碧雲去。千門萬戶皆春聲。是時君王在鎬京。五雲垂暉耀紫清。仗出金宮隨日轉。天迴玉輦繞花行。始向蓬萊看舞鶴。還過菑若聽新鶯。新鶯飛繞上林苑。願入簫韶雜鳳笙。制應

詩有此。非仙才不能。西都賦。後宮則有菑若杼風。諸本作菑石者誤。○三唐應制詩以此篇及摩詰之雲裏帝城雨中春樹爲最上。

寄王屋山人孟大融

我昔東海上，勞山餐紫霞。親見安期公，食棗大如瓜。中年謁漢主，不愜還歸家。自謂也。安期生見項羽不見漢主。朱顏謝
春暉，白髮見生涯。所期就金液，飛步登雲車。願隨夫子天壇上，閒與仙人掃落花。

鳴臯歌送岑徵君

自注：時梁園三尺雪，在清冷池作。

若有人兮思鳴臯，阻積雪兮心煩勞。洪河凌競不可以徑度，冰龍鱗兮難容舠。邈仙山之峻極兮，聞天籟之嘈嘈。霜厓縞皓以合沓兮，若長風扇海湧滄溟之波濤。玄猿綠熊，舔酸崑崙危柯，振石駭膽慄魄。疊四句而
以第五句為一韻，四句之中，又成一韻，變化已極。羣呼而相號，峰崢嶸以路絕，挂星辰于巖窟，送君之歸兮。動鳴臯之新作，交鼓吹兮彈絲，觴清泠之池閣。君不行兮何待，若返顧之黃鶴，掃梁園之羣英。見蘇連之雪賦，謂鄒枚也。振大雅於東洛，巾征軒兮歷阻折，尋幽居兮越巖嶠。盤白石兮坐素月，琴松風兮寂萬壑。望不見兮心氛氳，此一段寫途別之况，恰好引起下段。蘿冥冥兮霏紛紛，水橫洞以下淥，波小聲而上聞。虎嘯谷而生風，龍藏溪而吐雲。寡鶴清唳，飢飈嘶呻，魂獨處此幽默兮，愀空山而愁人。雞聚族以爭食，鳳孤飛而無鄰。蝦蟆嘲龍魚目混珍，嫫母衣錦西施負薪。西施鬻薪見吳越春秋。若使巢由桎梏於軒冕兮，亦奚異乎夔龍躡躡於風塵。哭何苦而救楚，申包胥笑何誇而卻秦。魯仲連吾誠不能學二子言，承上沾名矯節以耀世兮，固將棄天地而遺身。白鷗兮飛來，長與君兮相親。學楚驪而長短疾徐，橫縱馳驟，又復變化其體，是為仙才。

當塗趙炎少府粉圖山水歌

峨眉高出西極天。羅浮直與南溟連。名公繹思揮彩筆。驅山走海置眼前。畫筆如真滿堂空翠如可掃。赤城霞

氣蒼梧煙。洞庭瀟湘意邈綿。三江七澤情洄沿。驚濤洶湧向何處。孤舟一去迷歸年。征帆不動亦不旋。飄

如隨風落天邊。心搖目斷興難盡。幾時可到三山巔。西峰崢嶸噴流泉。橫石蹙水波潺湲。東崖合沓蔽輕

霧。深林雜樹空芊綿。綿韻此中冥昧失晝夜。隱几寂聽無鳴蟬。長松之下列羽客。對坐不語南昌仙。梅福爲南

昌尉後傳爲仙南昌仙人趙夫子。妙年歷落青雲士。訟庭無事羅衆賓。杳然如在丹青裏。真景如畫五色粉圖安足珍。

真仙可以全吾身。若待功成拂衣去。武陵桃花笑殺人。

憶舊游寄譙郡元參軍

憶昔洛陽董糟邱。此以作引爲余天津橋南造酒樓。黃金白璧買歌笑。一醉累月輕王侯。海內賢豪青雲客。

以下言元參軍就中與君心莫逆。此言合迴山轉海不作難。傾情倒意無所惜。我向淮南攀桂枝。君留洛北愁夢思。

不忍別。還相隨。相隨迢迢訪仙城。此言欲離仍合三十六曲水迴縈。一溪初入千花明。萬壑度盡松風聲。銀鞍金

絡倒平地。漢東太守來相迎。此言寶紫陽之真人。邀我吹玉笙。餐霞樓上動仙樂。嘈然宛似鸞鳳鳴。袖長管催

欲輕舉。漢東太守醉起舞。手持錦袍覆我身。我醉橫眠枕其股。當筵意氣凌九霄。星離雨散不終朝。分飛

楚關山水遙。此言離余既還山尋故巢。君亦歸家渡渭橋。君家嚴君勇貔虎。作尹并州遏戎虜。五月相呼度

太行摧輪不道羊腸苦。行來北京歲月深。此又感君貴義輕黃金。瓊杯綺食青玉案。使我醉飽無歸心。時

時出向城西曲。晉祠流水如碧玉。浮舟弄水簫鼓鳴。微波龍鱗莎草綠。興來攜妓恣經過。其若楊花似雪

何。紅粧欲醉宜斜日。百尺清潭寫翠娥。翠娥嬋娟初月輝。美人更唱舞羅衣。清風吹歌入空去。歌曲自繞

行雲飛。此時行樂難再遇。此又西游因獻長楊賦。北闕青雲不可期。東山白首還歸去。渭橋南頭一遇君。

鄼臺之北又離羣。此兩合兩離。此又問余別恨知多少。落花春暮爭紛紛。言亦不可盡。情亦不可極。呼兒長跪

緘此辭。寄君千里遙相憶。敘與參軍情事。離離合合結構分明。才情動盪不止。以縱逸見長也。老杜外誰堪與敵。

贈裴十四

朝見裴叔則。朗如行玉山。黃河落天走東海。萬里寫入胸懷間。身騎白鼉不敢度。金高南山買君顧。用楚

買夫人徘徊六合無相知。飄若浮雲且西去。黃河落天二

白雲歌送劉十六還山

秦山楚山皆白雲。白雲處處常隨君。常隨君。君入楚山裏。雲亦隨君渡湘水。湘水上。女蘿衣。白雲堪臥君

早歸。隨手寫去。自然流逸。

廬山謠寄盧侍御虛舟

我本楚狂人。狂歌笑孔丘。手持綠玉杖。朝別黃鶴樓。五岳尋仙不辭遠。一生好入名山游。廬山秀出南斗

傍屏風九疊雲錦張。影落明湖青黛光。金闕前開二峰長。銀河倒挂三石梁。香爐瀑布遙相望。迴崖沓嶂凌蒼蒼。翠影紅霞映朝日。鳥飛不到吳天長。登高壯觀天地間。大江茫茫去不還。黃雲萬里動風色。白波九道流雪山。好爲廬山謠。興因廬山發。閒窺石鏡清我心。謝公行處蒼苔沒。早服還丹無世情。琴心三疊道初成。遙見仙人彩雲裏。手把芙蓉朝玉京。先期汗漫九垓上。願接盧敖游太清。先寫廬山形勝。後言尋幽不如學仙與盧敖同遊太清。此素願也。筆下殊有仙氣。

金陵酒肆留別

風吹柳花滿店香。吳姬壓酒勸客嘗。金陵子弟來相送。欲行不行各盡觴。請君試問東流水。別意與之誰短長。語不必深。寫情已足。

夢遊天姥吟留別

天姥峯在天台西北境。下臨嵊縣。

海客談瀛洲。起引烟濤微茫信難求。越人語天姥。雲霞明滅或可覩。天姥連天向天橫。勢拔五岳掩赤城。天台一萬八千丈。對此欲倒東南傾。我欲因之夢吳越。一夜飛度鏡湖月。飛度鏡湖月以下。皆言夢中所歷。湖月照我影。送我至剡溪。謝公宿處今尚在。淥水瀉瀟清猿啼。脚著謝公屐。身登青雲梯。半壁見海日。空中聞天雞。千巖萬轉路不定。迷花倚石忽已暝。熊咆龍吟殷巖泉。慄深林兮驚層巔。雲青青兮欲雨。水澹澹兮生煙。列缺霹靂。丘巒崩摧。洞天石扇。訇然中開。一路離奇滅沒。恍惚恍惚。是夢境。是仙境。青冥浩蕩不見底。日月照耀金銀臺。霓爲衣兮

風爲馬雲之君兮紛紛而來下。虎鼓瑟兮鸞迴車。仙人兮列如麻。忽魂悸以魄動。恍驚起而長嗟。醒夢惟覺時之枕席。失向來之煙霞。世間行樂亦如此。古來萬事東流水。別君去兮何時還。因夢遊推開見世事皆成虛幻也留別意只末路一點。且放白鹿青崖間。須行即騎訪名山。安能摧眉折腰事權貴。使我不得開心顏。託言夢遊窮形盡相以極洞天之奇幻至醒後頓失烟霞矣知世間行樂亦同一夢安能於夢中屈身權貴乎吾當別去遍遊名山以終天年也詩境雖奇脉理極細

灞陵行送別

送君灞陵亭。灞水流浩浩。上有無花之古樹。下有傷心之春草。我向秦人問路岐。云是王粲南登之古道。古道連綿走西京。紫闕落日浮雲生。正當今夕斷腸處。黃鸝愁絕不忍聽。

宣州謝朓樓餞別校書叔雲

棄我去者昨日之日不可留。此種格調太白從心化出亂我心者今日之日多煩憂。長風萬里送秋鴈。對此可以酣高樓。蓬萊文章建安骨。中間小謝又清發。俱懷逸興壯思飛。欲上青天覽明月。抽刀斷水水更流。舉杯消愁愁更愁。人生在世不稱意。明朝散髮弄扁舟。

涇溪東亭寄鄭少府諤

我遊東亭不見君。沙上行將白鷺羣。白鷺行時散飛去。又如雪點青山雲。欲往涇溪不辭遠。龍門蹙波虎眼轉。杜鵑花開春已闌。歸向陵陽釣魚晚。虎眼轉謂水波旋轉有光相映若虎眼之光劉禹錫泝水東流見虎文卽此意也

示金陵子

金陵城東誰家子，竊聽琴聲碧牕裏。落花一片天上來，隨人直渡西江水。楚歌吳語嬌不成，似能未能最有情。謝公正要東山妓，攜手林泉處處行。

杜

甫如少陵七言古如建章之宮千門萬戶如鉅鹿之戰諸侯皆從壁上觀膝行而前不敢仰視高勝少陵以大勝執金鼓而抗顏行後人那能鼎足○一飯未嘗忘君其忠孝與夫子事父事君之旨有合不可以尋常詩人例之

玄都壇歌漢武所築

故人昔隱東蒙峰，已佩含景蒼精龍。故人今居子午谷，獨在陰崖結茅屋。屋前太古玄都壇，青石漠漠常風寒。子規夜啼山竹裂，言其聲之哀王母晝下雲旗翻。知君此計成，長往芝草琅玕日。應長鐵鑱高垂不可攀，致身福地何蕭爽。

兵車行

車麟麟馬蕭蕭，行人弓箭各在腰。耶娘妻子走相送，塵埃不見咸陽橋。牽衣頓足攔道哭，哭聲直上千雲霄。道傍過者問行人，行人但云點行頻。或從十五北防河，便至四十西營田。北防河歸又出兵也去時里正與裏頭歸來頭白還戍邊，邊庭流血成海水，武皇開邊意未已。君不聞漢家山東二百州，太行山東秦晉之地皆是千村萬落生荆杞。縱有健婦把鋤犁，禾生隴畝無東西。况復秦兵耐苦戰，被驅不異犬與雞。長者雖有問，役夫敢申

恨且如今年冬。未休關西卒。縣官急索租。租稅從何出。信知生男惡。反是生女好。生女猶得嫁比鄰。生男埋沒隨百草。君不見青海頭。古來白骨無人收。新鬼煩冤舊鬼哭。天陰雨溼聲啾啾。以人哭始。鬼哭終。脫應在有意無意。詩為

明皇用兵吐蕃而作。設為問答。聲音節奏。純從古樂府得來。

高都護驄馬行名仙

安西都護胡青驄。聲價欻然來向東。此馬臨陣久無敵。與人一心成大功。即真堪記。死生意。功成惠養隨所致。飄

飄遠自流沙至。雄姿未受伏櫪恩。猛氣猶思戰場利。腕促蹄高如踣鐵。交河幾蹴曾冰裂。五花散作雲滿

身。萬里方看汗流血。長安壯兒不敢騎。走過掣電傾城知。青絲絡頭為君老。思馳驅於戰場。隱然為老將寫照。何由却出

橫門道。三輔黃圖。長安城北出西頭第一門名橫門。橫音光。○結處悠揚不盡者。或四語或六語以傳其神。若二語用韻。戛然而止。此又專取簡捷。如此篇是也。

天育驃騎歌天育廐名。

吾聞天子之馬走千里。今之畫圖無乃是。是何意態雄且傑。駿尾蕭梢朔風起。毛為綠縹兩耳黃。眼有紫

焰雙瞳方。矯矯龍性含變化。卓立天骨森開張。伊昔太僕張景順。監牧攻駒閱清峻。遂令大奴守天育。別

養驥子憐神駿。當時四十萬匹馬。張公歎其材盡下。口中無物。敢下此筆。故獨寫真傳世人。見之座右久更新。年多

物化空形影。嗚呼健步無由騁。如今豈無驥。裹與驂。時無王良伯樂死。即休。

醉時歌原注。贈廣文館博士鄭虔。

諸公袞袞登臺省。廣文先生官獨冷。甲第紛紛厭梁肉。廣文先生飯不足。先生有道出羲皇。轉韻出韻此詩偶見先生

生有才過屈宋。德尊一代常坎軻。名垂萬古知何用。杜陵野客人更嗤。被褐短窄鬢如絲。日糴太倉五升

米。時赴鄭老同襟期。得錢卽相覓。沽酒不復疑。忘形到汝爾。痛飲真吾師。悲壯淋漓清夜沉沉動春酌。燈前細

雨簷花落。但覺高歌有鬼神。焉知餓死填溝壑。相如逸才親滌器。子雲識字終投閣。先生早賦歸去來。石

田芴屋荒蒼苔。儒術於我何有哉。孔丘盜跖俱塵埃。不須聞此意慘愴。生前相遇且銜盃。本莊子盜跖篇見賢愚同盡不

如託之千杯酒。故作曠
逸語而不平之意自在。

醉歌行原注別從姪
勳落第歸

陸機二十作文賦。汝更小年能綴文。總角草書又神速。世上兒子徒紛紛。驕驕作駒已汗血。鷺鳥舉翮連

青雲。詞源倒流三峽水。筆陣獨掃千人軍。只今年纔十六七。射策君門期第一。舊穿楊葉真自知。項射策暫

蹶霜蹄未爲失。項驂偶然擢秀非難取。會是排風有毛質。項鷺汝身已見唾成珠。汝伯何由髮如漆。春光

淡沲秦東亭。渚蒲牙白水荇青。送別情景突然接人。開後人無限法門。風吹客衣日杲杲。樹攪離思花冥冥。酒盡沙頭雙玉

瓶。衆賓皆醉我獨醒。乃知貧賤別更苦。吞聲躑躅涕淚零。

送孔巢父謝病歸遊江東兼呈李白

巢父掉頭不肯住。飄忽東將入海隨煙霧。詩卷長留天地間。釣竿欲拂珊瑚樹。深山大澤龍蛇遠。春寒野陰

風景暮蓬萊。玉女迴雲車。

李杜多縹緲恍惚語。其原蓋出於騷。

指點虛無是征路。自是君身有仙骨。世人那得知其故。惜君

只欲苦死留富貴。何如草頭露。蔡侯靜者意有餘。

時在蔡保席上。

清夜置酒臨前除。罷琴惆悵月照席。幾歲寄我

客中書。望孔之別後寄書只用一點。

南尋禹穴見李白。道甫問訊今何如。巢父歸隱學仙故詩中多縹緲欲仙語。

飲中八仙歌

知章騎馬似乘船。眼花落井水底眠。汝陽三斗始朝天。道逢麴車口流涎。恨不移封向酒泉。左相日興費

萬錢。飲如長鯨吸百川。銜盃樂聖稱避賢。宗之瀟洒美少年。舉觴白眼望青天。皎如玉樹臨風前。蘇晉長

齋繡佛前。醉中往往愛逃禪。李白一斗詩百篇。長安市上酒家眠。天子呼來不上船。自稱臣是酒中仙。張

旭三盃草聖傳。脫帽露頂王公前。揮毫落紙如雲煙。焦遂五斗方卓然。高談雄辯驚四筵。

前不用起。後不用收。中間參差

歷落似八章。仍似一章。格法古未常有。每人各贈幾語。故有重韻而不妨礙。

曲江

自斷此生休問天。杜曲幸有桑麻田。故將移住南山邊。短衣匹馬隨李廣。看射猛虎終殘年。

貧交行

翻手作雲覆手雨。一語說得盡。紛紛輕薄何須數。君不見管鮑貧時交。此道今人棄如土。

麗人行

三月三日天氣新。長安水邊多麗人。態濃意遠淑且真。肌理細膩骨肉勻。繡羅衣裳照暮春。蹙金孔雀銀麒麟。頭上何所有。翠微鬪葉垂鬢脣。背後何所見。珠壓腰極穩稱身。就中雲幕椒房親。賜名大國號與秦。紫駝之峰出翠釜。水精之盤行素鱗。犀筋厭飫久未下。鸞刀縷切空紛綸。黃門飛鞚不動塵。御廚絡繹送八珍。簫鼓哀吟感鬼神。賓從雜遝實要津。後來鞍馬何逡巡。當軒下馬入錦茵。楊花雪落覆白蘋。引語不青鳥飛去銜紅巾。炙手可熱勢絕倫。慎莫近前丞相嗔。極言姿態服飾之美。飲食音樂賓從之盛。微指椒房直言丞相大意。本君子借老之詩。而風刺意較

顯○態濃意遠下倒插秦虢當軒下馬下倒插丞相他人無此筆法。

樂遊園歌 原注晦日賀蘭楊長史筵醉中作

樂遊古園翠森爽。煙絲碧草萋萋長。公子華筵勢最高。秦川對酒平如掌。長生木瓢示真率。更調鞍馬狂歡賞。青春波浪芙蓉園。白日雷霆夾城仗。閭闔晴開詆蕩蕩。曲江翠幕排銀榜。拂水低徊舞袖翻。綠雲清切歌聲上。卻憶年年人醉時。只今未醉已先悲。數莖白髮那拋得。百罰深盃亦不辭。聖朝亦知賤士醜。一物物公自謂也。自荷皇天慈。就賦召試為宰相所抑言朝已共棄而天猶見憐。此身飲罷無歸處。獨立蒼茫自詠詩。極歎宴時不勝身世之感。臨川蘭亭

記序所云情隨事遷感慨係之也。

白絲行

縑絲須長不須白。越羅蜀錦金粟尺。象牀玉手亂殷紅。萬草千花動凝碧。已悲素質隨時染。裂下鳴機色

相射美人細意熨貼平。裁縫減盡針線跡。春天衣著為君舞。蛺蝶飛來黃鸝語。落絮遊絲亦有情。隨風照日宜輕舉。香汗清塵汗顏色。開新合故置何許。君不見才士汲引難。恐懼棄捐忍羈旅。渲染之餘。即捐棄以甘忍羈旅也。

漢陂行

岑參兄弟皆好奇。攜我遠來遊漢陂。天地黝慘忽異色。波濤萬頃堆琉璃。琉璃汗漫泛舟入。事殊輿極憂思集。此放舟入陂。陡遇風波。鼉作鯨吞不復知。惡風白浪何嗟及。主人錦帆相為開。舟子喜甚無氛埃。鳧鷖散亂棹謳發。此時風恬浪靜。絲管啁啾空翠來。沈竿續蔓深莫測。菱葉荷花靜如拭。宛在中流渤澥清。下歸無極終南黑。半陂已南純浸山。動影褻窈冲融間。寫山影動搖水波微漾之狀。船舷暝戛雲際寺。水面月出藍田關。此時驪龍亦吐珠。馮夷擊鼓羣龍趨。湘妃漢女出歌舞。金支翠旗光有無。此是虛景。本之楚辭。咫尺但愁雷雨至。蒼茫不曉神靈意。少壯幾時奈老何。向來哀樂何其多。一日如此變幻。自少至老。皆作如是觀。以好奇二字頂起。中間鬼神風雨恍惚萬狀。未用推開語作結。以哀樂二字總束全篇。章法奇詭。莫此為甚。

驄馬行 原注。太常梁卿勅賜馬也。李鄧公愛而育之。命甫製詩。

鄧公馬癖人共知。初得花驄大宛種。夙昔傳聞思一見。牽來左右神皆竦。雄姿逸態何嶮嶮。顧影驕嘶自矜寵。如名士自負。隅目青瑩夾鏡懸。緒白馬賦。二句括盡。肉駿礪礪連錢動。朝來久試華軒下。未覺千金滿高價。赤汗微

生白雪毛。銀鞍却覆香羅帕。卿家舊賜公取之。天廐真龍此其亞。畫洗須騰涇渭深。夕趨可刷幽并夜。千里吾聞良驥老始成。此馬數年人更驚。豈有四蹄疾於鳥。不與八駿俱先鳴。時俗造次那得致。雲霧晦冥方降精。近聞下詔喧都邑。肯使騏驎地上行。言大材必當大用。人馬雙關。老杜詠馬詩。並皆佳妙。而用意用筆。無一處相似。此老胸中。具有造化。

奉先劉少府新畫山水障歌

堂上不合生楓樹。突兀怪底江山起煙霧。聞君掃卻赤縣圖。乘興遣畫滄洲趣。畫師亦無數。好手不可遇。對

此融心神。知君重毫素。豈但祁岳與鄭虔。筆迹遠過楊契丹。得非玄圃裂。無乃瀟湘翻。悄然坐我天姥下。

耳邊已似聞清猿。反思前夜風雨急。乃是蒲城鬼神入。驚風雨泣鬼神意。寫來怪怪奇奇。不類俗眼。元氣淋漓障猶溼。真宰上

訴天應泣。即天雨粟。鬼夜哭。意。野亭春還雜花遠。漁翁暝踏孤舟立。滄浪水深青暝闊。敲岸側島秋毫末。不見湘妃

鼓瑟時。至今斑竹臨江活。劉侯天機精。愛畫入骨髓。自有兩兒郎。揮灑亦莫比。大兒聰明到。能添老樹巔

崖裏。小兒心孔開。貌得山僧及童子。若耶溪。雲門寺。吾獨胡爲在泥滓。青鞋布襪從此始。見畫而思遊名山。神現題外。題

畫詩開出異境。後人往往宗之。

悲陳陶。陳陶澤在咸陽東。唐書作陳濤。房瑄自請討賊。車戰大敗。故悲之。

孟冬十郡良家子。血作陳陶澤中水。野曠天清無戰聲。四萬義軍同日死。羣胡歸來血洗箭。仍唱胡歌飲都市。都人迴面向北啼。日夜更望官軍至。

悲青坂

去陳陶不遠瑄敗後欲持重有所伺而中夜促戰故又敗

我軍青坂在東門。天寒飲馬太白窟。黃頭奚兒日向西。數騎彎弓敢馳突。山雪河冰野蕭颯。青是烽煙白人骨。焉得附書與我軍。忍待明年莫倉卒。

哀江頭

哀貴妃也。帝與妃常遊幸曲江。故以哀江頭爲名。

少陵野老吞聲哭。春日潛行曲江曲。江頭宮殿鎖千門。細柳新蒲爲誰綠。憶昔霓旌下南苑。苑中萬物生顏色。昭陽殿裏第一人。同輦隨君侍君側。貴妃曰同隨君日侍。似不免乎覆。然詩有高明令終傳有遠幾遙遙待詔不必苛責。輦前才人帶弓箭。白馬嚼齧黃金勒。翻身向天仰射雲。一笑正墜雙飛翼。明眸皓齒今何在。血污遊魂歸不得。清渭東流劍閣深。去住彼此無消息。彼此無消息猶長恨歌云一別人聞兩渺茫也。前人謂指明皇肅宗父子恐與上下文不屬。人生有情淚沾臆。江水江花豈終極。

黃昏胡騎塵滿城。欲往城南望城北。

結出心迷日亂與入手潛行關照。

哀王孫

至德元載七月。祿山殺霍國長公主王妃附馬等八人。又殺王孫及郡縣主二十餘人。此詩所以作也。

長安城頭頭白烏。夜飛延秋門上呼。起似謠諺風人。莫黑匪烏意。又向人家啄大屋。屋底達官走避胡。金鞭斷折九馬死。骨肉不得同馳驅。四語言明皇棄王孫而出奔也。腰下寶玦青珊瑚。可憐王孫泣路隅。問之不肯道姓名。但道困苦乞爲奴。已經百日竄荆棘。身上無有完肌膚。高帝子孫盡隆準。龍種自與常人殊。四語想其相貌不非凡。非常人所得見。豺狼在邑龍在野。王孫善保千金軀。不敢長語臨交衢。且爲王孫立斯須。昨夜東風吹血腥。東來橐駝滿舊都。朔

方健兒好身手。哥舒翰

昔何勇銳今何愚。竊聞天子已傳位。聖德北服南單于。花門鬻面請雪恥。慎勿出口

他人狙。哀哉王孫慎勿疎。五陵佳氣無時無。

結語反覆以中興望之一韻到底詩易於平直此獨波瀾變化層出不窮似逐段轉韻者七古能事已極

蘇端薛復筵簡薛華醉歌

文章有神交有道。端復得之名譽早。愛客滿堂盡豪翰。開筵上日思芳草。元日也安得健步移遠梅。亂插繁

花向晴昊。千里猶殘舊冰雪。百壺且試開懷抱。垂老惡聞戰鼓悲。急觴爲緩憂心擣。少年努力縱談笑。看

我形容已枯槁。坐中薛華善醉歌。歌辭自作風格老。近來海內爲長句。汝與山東李白好。何劉沈謝力未

工。才兼鮑昭愁絕倒。詩家愁爲不及諸生頗盡新知樂。萬事終傷不自保。氣酣日落西風來。願吹野水添金盃。如

澠之酒常快意。亦知窮愁安在哉。忽憶雨時秋井場。古人白骨生青苔。如何不飲令心哀。

洗兵馬原注京後作

中興諸將收山東。北河捷書夜報清晝同。河廣傳聞一葦過。胡危命在破竹中。秣殘鄴城不日得。獨任朔方

無限功。京師皆騎汗血馬。回紇餵肉葡萄宮。已喜皇威清海岱。常思仙仗過崆峒。三年笛裏關山月。萬國

兵前草木風。仙仗過崆峒追思昔日播遷下言笛奏關山兵驚草木不忘起事艱難也成王廣平王傲。功大心轉小。郭相子儀謀深古來少。司徒李光弼

清鑒懸明鏡。尙書王忠禮氣與秋天杳。二三豪俊爲時出。整頓乾坤濟時了。東走無復憶鱸魚。南飛覺有安

巢鳥。青春復隨冠冕入。紫禁正耐烟花繞。鶴禁通霄鳳輦備。雞鳴問寢龍樓曉。攀龍附鳳勢莫當。天下盡

化爲侯王。汝等豈知蒙帝力。時來不得誇身強。關中既留蕭丞相。蕭宗卽位。下制曰。復宗廟於函洛。迎上
安朕顯足矣。詩中指此意。並非刺譏。牧齋幕下復用張子房。張張公一生江海客。身長九尺鬚眉蒼。徵起
所箋俱深文。未允。蕭宗比杜鴻漸同蕭何。適遇風雲會。扶顛始知籌策良。青袍白馬更何有。景後漢今周喜再昌。寸地尺天皆入貢。奇祥異瑞爭來
送。不知何國致白環。復道諸山得銀甕。隱士李休歌紫芝曲。詞人解撰清河頌。田家望望惜雨乾。布穀處
處催春種。淇上健兒歸莫嫺。城南思婦愁多夢。安得壯士挽天河。淨洗甲兵長不用。結出題目。詩共四段。每段平反相間。各用

六韵。此古風變體。○兩京克復。上皇還宮。正臣子欣幸之時。安有預探移宮之事。而加以誹謗乎。錢箋比之商臣楊廣。過用深文。少陵忠愛。必不若是。

瘦馬行

東郊瘦馬使我傷。骨節硃兀如堵牆。絆之欲動轉欹側。此豈有意仍騰驤。細看六印帶官字。衆道三軍遺
路傍。皮乾剝落雜泥滓。毛暗蕭條連雪霜。去歲奔波逐餘寇。驕驄不慣不得將。士卒多騎內廐馬。惆悵恐
是病乘黃。當時歷塊誤一蹶。委棄非汝能周防。見人慘澹若哀訴。失主錯莫無晶光。天寒遠放雁爲伴。日
暮不收烏啄瘡。誰家且養願終惠。更試明年春草長。豈救房瑄失職。以之自比耶。

乾元中寓居同谷縣作歌七首

有客有客字子美。白頭亂髮垂過耳。歲拾橡栗隨狙公。天寒日暮山谷裏。中原無書主。一作歸不得。手脚凍
皴皮肉死。嗚呼一歌兮歌已哀。悲風爲我從天來。

長鑱長鑱白木柄。我生託子以爲命。一作獨黃精一作無苗山雪盛。短衣數挽不掩脛。此時與子空歸來。男呻女

吟四壁靜。嗚呼二歌兮歌始放。鄰里爲我色惆悵。雜文長不一章章法甚奇

有弟有弟在遠方。一作各三人各瘦何人強。生別展轉不相見。胡塵暗天道路長。東飛駕鵝後鶻鷁。安得

送我置汝旁。嗚呼三歌兮歌三發。汝歸何處收兄骨。

有妹有妹在鍾離。良人早歿諸孤癡。長淮浪高蛟龍怒。十年不見來何時。一作遲扁舟欲往箭滿眼。杳杳南

國多旌旗。嗚呼四歌兮歌四奏。林猿爲我啼清晝。

四山多風溪水急。寒雨颯颯枯樹一作樹枝溼。亂世景象黃蒿古城雲不開。白狐跳梁黃狐立。我生何爲在窮谷。中

夜起坐萬感集。嗚呼五歌兮歌正長。魂招不來歸故鄉。

南有龍兮在山湫。此咏萬丈潭之龍湫古木龍髯枝相樛。木葉黃落龍正蟄。蝮蛇東來水上游。我行怪此安一作寒敢

出。拔劍欲斬且復休。嗚呼六歌兮歌思遲。溪壑爲我廻春姿。木葉黃落冬日愁慘之狀故望其廻春姿云陽長陰消所感者大

男兒生不成名身已老。三年饑走荒山道。長安卿相多少年。富貴應須致身早。山中儒生舊相識。但話宿

昔傷懷抱。嗚呼七歌兮悄終曲。仰視皇天白日速。原本平子四愁明遠行路難諸篇然能神明變化不襲形貌斯爲大家

戲題畫山水圖

十日畫一水。五日畫一石。能事不受相促迫。王宰始肯留眞跡。壯哉崑崙方壺圖。挂君高堂之素壁。巴陵

洞庭日本東。赤岸水與銀河通。中有雲氣隨飛龍。用一單句舟人漁子入浦溆。山木盡亞洪濤風。尤工遠勢古莫比。咫尺應須論萬里。焉得并州快剪刀。剪取吳松半江水。

題李尊師松樹障子歌

老夫清晨梳白頭。玄都道士來相訪。握髮呼兒延入戶。手提新畫青松障。障子松林靜杳冥。憑軒忽若無丹青。陰崖卻承霜雪幹。偃蓋反走虬龍形。老夫平生好奇古。對此興與精靈聚。已知仙客意相親。更覺良工心獨苦。極慘淡經營意松下丈人巾屨同。偶坐似是商山翁。悵望聊歌紫芝曲。領取言外時危慘澹來悲風。

戲爲雙松圖歌原注章偃

天下幾人畫古松。畢宏已老韋偃少。絕筆長風起織末。滿堂動色嗟神妙。兩株慘裂苔蘚皮。屈鐵交錯迴高枝。白摧朽骨龍虎死。黑入太陰雷雨垂。松根胡僧憇寂寞。麈眉皓首無住著。偏袒右肩露雙脚。葉裏松子僧前落。韋侯韋侯數相見。我有一匹好素絹。重之不減錦繡段。已令拂拭光凌亂。請公放筆爲直幹。如是

正直突兀起不妨平接如堂上不合生楓樹下接聞君掃却赤縣圖是也平調起必須用緊語接如天下幾人畫古松下接絕筆長風起織末是也學者於此求之思過半矣

茆屋爲秋風所破歌

八月秋高風怒號。卷我屋上三重茆。茆飛渡江灑江郊。高者挂甯長林梢。下者飄轉沈塘坳。南村羣童欺我老無力。忍能對面爲盜賊。實有此事不公然抱茆入竹去。唇焦舌燥呼不得。歸來倚杖自歎息。俄頃風

定雲墨色。秋天漠漠向昏黑。布衾多年冷似鐵。驕兒惡臥踏裏裂。牀床屋漏無乾處。兩脚如麻未斷絕。自經喪亂少睡眠。長夜沾溼何由徹。安得廣廈千萬間。大庇天下寒士俱歡顏。風雨不動安如山。此老胸中之意。實有同胞鳴呼何時眼前突兀見此屋。吾廬獨破受凍死亦足。

卷七

七言古詩

杜甫

觀打魚歌

綿州江水之東津。魴魚鱗鱗色勝銀。漁人漾舟沉大網。截江一擁數百鱗。衆魚常才盡卻棄。赤鯉騰出如有神。潛龍無聲老蛟怒。迴風颯颯吹沙塵。饕子左右揮霜刀。鱠飛金盤白雪高。徐州秃尾不足憶。漢陰槎頭遠遁逃。魴魚肥美知第一。既飽歡娛亦蕭瑟。功名富貴何獨不然君不見朝來割素馨。咫尺波濤永相失。

又觀打魚

蒼江漁子清晨集。設網提綱萬魚急。能者操舟疾若風。撐突波濤挺叉入。小魚脫漏不可記。半死半生猶戢戢。大魚傷損皆垂頭。屈強泥沙有時立。東津觀魚已再來。主人罷鱸還傾盃。日暮蛟龍改窟穴。惡其傷類山

根鱣鮪隨雲雷。干戈兵革鬪未止。再進一層。鳳凰麒麟安在哉。吾徒胡為縱此樂。暴殄天物聖所哀。前首為老饕戒耳。此

更說到干戈兵革。洪鐘無纖響也。

短歌行原注贈王郎司直

王郎酒酣拔劍斫地歌莫哀。我能拔也。爾抑塞磊落之奇才。豫章翻風白日動。鯨魚跋浪滄溟開。二句形

且脫佩劍休徘徊。西得諸侯棹錦水。王欲入蜀欲向何門躐珠履。仲宣樓頭春色深。送別之地青眼高歌望吾子。眼

中之人吾老矣。上下各五句。復用單句相問。此亦獨剏之格。○言眼中之人紛紛不足比數。而我年已老。所望者惟吾子也。

桃竹杖引原注贈章留後

江中蟠石生桃竹。蒼波噴浸尺度足。斬根削皮如紫玉。江妃水仙惜不得。梓潼使君開一束。章留後滿堂賓

客皆歎息。憐我老病贈兩莖。出入爪甲鏗有聲。老夫復欲東南征。乘濤鼓枻白帝城。路幽必為鬼神奪。拔

劍或與蛟龍爭。重為告曰。杖兮杖兮。爾之生也甚正直。慎勿見水踴躍學變化。為龍。字字騰擲使我不得爾

之扶持。滅跡于君山湖上之青峯。噫。風塵瀕洞兮豺虎齧人。忽失雙杖兮吾將曷從。凌空超忽。橫絕一時。

韋諷錄事宅觀曹將軍畫馬圖

國初已來畫鞍馬。神妙獨數江都王。霍王元軌之子將軍得名三十載。人間又見真乘黃。曾貌先帝照夜白。接上段

龍池十日飛霹靂。內府殷紅瑪瑙盤。婕妤傳詔才人索。盤賜將軍拜舞歸。輕紈細綺相追飛。貴戚權門得

筆跡始覺屏障生光輝。昔日太宗拳毛騮。近時郭家師子花。今之新圖有二馬。書馬正位復令識者久歎嗟。此

皆騎戰一敵萬。縞素漠漠開風沙。其餘七匹亦殊絕。迥若寒空動煙雪。霜蹄蹴踏長楸間。馬官廝養森成

列。可憐九馬爭神駿。顧視清高氣深穩。才德並見借問苦心愛者誰。後有韋諷前支遁。憶昔巡幸新豐宮。翠華

拂天來向東。騰驤磊落三萬匹。皆與此圖筋骨同。自從獻寶朝河宗。無復射蛟江水中。次移王比明皇君又與漢武比

不見金粟堆前松柏裏。明皇陵龍媒去盡烏呼風。朝河宗言河宗朝而獻寶也。用穆天子傳意。應指明皇西幸而

之思。惓惓不忘。此題後拓開一步法。

丹青引原注。贈曹將軍霸。

將軍魏武之子孫。於今為庶為清門。英雄割據雖已矣。不以正統與之。詩中史筆。文彩風流猶尙存。學書初學衛夫人。

但恨無過王右軍。丹青不知老將至。富貴於我如浮雲。開元之中常引見。承恩數上南薰殿。凌烟功臣少

顏色。畫人引起將軍下筆開生面。良相頭上進賢冠。猛將腰間大羽箭。褒公鄂公毛髮動。英姿颯爽來酣戰。先

帝天馬玉花驄。畫工如山貌不同。是日牽來赤墀下。迥立闔闔生長風。詔謂將軍拂絹素。意匠慘澹經營

中。斯須九重真龍出。神來紙上。如堆阜突出。一洗萬古凡馬空。玉花卻在御榻上。榻上庭前屹相向。至尊含笑催賜

金。圍人太僕皆惆悵。弟子韓幹早入室。亦能畫馬窮殊相。幹惟畫肉不畫骨。忍使驂駟氣凋喪。將軍盡善

蓋有神。必逢佳士亦寫真。仍歸畫人即今飄泊干戈際。屢貌尋常行路人。途窮反遭俗眼白。霸為左衛將軍。後削籍。世上

未有如公貧。但看古來盛名下。終日坎壈纏其身。推開作結。畫人畫馬。賓主相形。縱橫跌宕。此得之於心。應之於手。有化工而無人力。觀止矣。

戲作花卿歌定花敬

成都猛將有花卿。學語小兒知姓名。用如快鶻風火生。見賊惟多身始輕。綿州副使著柘黃。設二我卿掃

除即日平。子璋燭髓血模糊。手提擲還崔大夫。崔光遠李侯重有此節度。人道我卿絕世無。既稱絕世無。

天子何不喚取守東都。見不宜留蜀以決後亂。李侯出奔成都。後復鎮東川。故曰重有此節度也。

冬狩行原注。時梓州刺史章彝兼侍御史留後東川。

君不見東川節度兵馬雄。校獵亦似觀成功。夜發猛士三千人。清晨合圍步驟同。禽獸已斃十七八。殺聲

落日迴蒼穹。幕前生致九青兕。駝駝巖巖垂玄熊。東西南北百里間。髣髴蹴踏寒山空。有鳥名鸚鵡。力不

能高飛。逐走蓬肉味不足登鼎俎。何為見羈虞羅中。春蒐冬狩侯得同。使君五馬刺一馬驄。御况今攝行

大將權。留號令頗有前賢風。飄然時危一老翁。自十年厭見旌旗紅。喜君士卒甚整肅。為我迴轡擒西戎。

吐音。草中狐兔盡何益。天子不在咸陽宮。朝廷雖無幽王禍。得不哀痛塵再蒙。明皇已蒙塵。故云再蒙。嗚呼得不哀痛

塵再蒙。言當敵愾。王不宜以校獵自誇。英武也。大聲疾呼。鬼神欲泣。

閬山歌

閬州城東雪山白。閬州城北玉臺碧。松浮欲盡不盡雲。江動將崩未崩石。那知根無鬼神會。已覺氣與嵩

華敵中原格鬪且未歸。應結茆齋看青壁。

閩水歌

嘉陵江色何所似。石黛碧玉相因依。正憐日破浪花出。更復春從沙際歸。巴童蕩槳欹側過。水雞銜魚來去飛。閩中勝事可腸斷。閩州城南天下稀。

越王樓歌

太宗子越王貞任
絳州刺史作此樓

綿州州府何磊落。顯慶中年越王作。孤城西北起高樓。碧瓦朱甍照城郭。樓下長江百丈清。山頭落日半輪明。君王舊跡令人賞。轉見千秋萬古情。彷彿王子安滕王閣詩見此老無所不有

折檻行

嗚呼房魏不復見。秦王學士十八時難羨。青衿胄子困泥塗。白馬將軍若雷電。千載少似朱雲人。至今折檻空嶙峋。婁公師不語宋公環。語尙憶先皇容直臣。永泰二年。中官魚朝恩判國子監事。故作此詩。言當

以白馬將軍比之。

古柏行

孔明廟前有老柏。此夔州孔明廟柏柯如青銅根如石。霜皮溜雨四十圍。黛色參天二千尺。君臣已與時際會。樹木猶爲人愛惜。雲來氣接巫峽長。月出寒通雪山白。憶昨路遠錦城東。先主武侯同闕宮。此處成都孔明廟柏崔嵬

枝幹郊原古，窈窕丹青戶。牖空落落盤踞，雖得地冥冥孤高多烈風。扶持自是神明力，正直原因造化功。大廈如傾要梁棟，萬牛迴首丘山重。不露文章世已驚，未辭剪伐誰能送。苦心豈免容螻蟻，香葉終經宿鸞鳳。爲負才之士寫照，公自比稷契而不見用，故發此議。志士幽人莫怨嗟，古來材大難爲用。中間時有整句，與洗馬篇同格。○大木寓棟梁意，人人有之，從君臣際會

着筆方見精采

縛雞行

小奴縛雞向市賣，雞被縛急相喧爭。家中厭雞食蟲蟻，不知雞賣還遭烹。蟲雞於人何厚薄，吾叱奴人解其縛。雞蟲得失無了時，注目寒江倚山閣。宕開作結，妙不說盡。

觀公孫大娘弟子舞劍器行并序

大歷二年十月十九日，夔州別駕元持宅，見臨穎李十二娘舞劍器。辭有劍器，胡施胡騰等名，則知非舞劍也。後人用誤者多。壯

其蔚跂，問其所師，曰：余公孫大娘弟子也。開元三載，余尚童稚，記於郾城觀公孫氏舞劍器，渾脫。渾脫

舞名，脫音駝，人多點讀錯者。瀏灑頓挫，獨出冠時。自高頭宜春梨園二伎坊內人，洎外供奉，曉是舞者，聖文神武

皇帝初，公孫一人而已。玉貌錦衣，况余白首。今茲弟子，亦匪盛顏。既辨其由來，知波瀾莫二。撫事慷

慨，聊爲劍器行。往者吳人張旭，善草書帖，數常於鄰縣見公孫大娘舞西河劍器，自此草書長進，

豪蕩感激，即公孫可知矣。

昔有佳人公孫氏。一舞劍器動四方。觀者如山色沮喪。天地爲之久低昂。燿如羿射九日落。矯如羣帝騰龍翔。來如雷霆收震怒。罷如江海凝清光。絳脣珠袖兩寂寞。晚有弟子傳芬芳。臨穎美人在白帝。妙舞此曲神揚揚。與余問答既有以。感時撫事增惋傷。先帝侍女八千人。注重公孫劍器初第一。五十年間似反掌。風塵澗洞昏王室。梨園子弟散如煙。女樂餘姿映寒日。金粟堆南木已拱。瞿塘石城草蕭瑟。玳筵急管曲復終。樂極哀來月東出。老夫不知其所往。不忍足繭荒山轉愁疾。詠李氏思及公孫。詠公孫念及先帝。身世之感。興亡之感。交赴腕下。若就

題還題有
何興會

李潮八分小篆歌

蒼頡鳥跡旣茫昧。字體變化如浮雲。陳倉石鼓又已訛。大小二篆生八分。秦有李斯漢蔡邕。中間作者寂不聞。嶧山之碑野火焚。棗木傳刻肥失真。苦縣光和尙骨立。苦縣有老子廟。碑光和二年立。書貴瘦硬方通神。惜哉李蔡不復得。吾甥李潮下筆親。尙書韓擇木。騎曹蔡有鄰。開元已來數八分。潮也奄有二子成三人。况潮小篆逼秦相。快劍長戟森相向。八分一字直百金。蛟龍盤拏肉倔強。吳郡張顛誇草書。草書非古空雄壯。豈如吾甥不流宕。丞相中郎丈人行。巴東逢李潮。逾月求我歌。我今衰老才力薄。潮乎潮乎奈汝何。

王兵馬使二角鷹

悲臺蕭颯石龍嵒。哀壑杈枒浩呼洶。中有萬里之長江。迴風滔日孤光動。角鷹倒翻壯士臂。將軍玉帳軒

勇氣二鷹猛。腦條徐墜。目如愁胡視天地。杉雞竹兔不自惜。溪虎野羊俱辟易。韞上鋒稜十二翻。左右勁羽各六。
將軍勇銳與之敵。將軍樹勳起安西。崑崙虞泉入馬蹄。白羽曾肉三狡狴。敢決豈不與之齊。荆南芮公得將軍。亦如角鷹下翔雲。惡鳥飛飛啄金屋。安得爾輩開其羣。驅出六合梟鸞分。主意起四句不着鷹一字。然而有角鷹起於吾前。入手須如此落筆。

憶昔

憶昔開元全盛日。小邑猶藏萬家室。稻米流脂粟米白。公私倉廩俱豐實。九州道路無豺虎。遠行不勞吉日出。齊紈魯縞車班班。男耕女桑不相失。宮中聖人奏雲門。天下朋友皆膠漆。百餘年間未災變。叔孫禮樂蕭何律。豈聞一絹值萬錢。東晉日。有田耕種今流血。入今事。洛陽宮殿燒焚盡。宗廟新除狐兔穴。傷心不忍問耆舊。復恐初從亂。離說人讀不得。沉痛語使人讀不得。小臣魯鈍無所能。朝廷記憶蒙祿秩。周宣中興望我王。洒血江漢身衰疾。前憶開元之盛後敘吐蕃之亂末望代宗之中興也。

陪王侍御同登東山最高頂宴姚通泉晚攜酒泛江

姚公美政誰與儔。不減昔時陳太丘。邑中上客有柱史。多暇日陪驄馬游。東山高頂羅珍羞。下顧城郭消我憂。清江白日落欲盡。復攜美人登綵舟。笛聲憤怨哀中流。妙舞逶迤夜未休。燈前往往大魚出。聽曲低昂如有求。三更風起寒浪湧。取樂喧呼覺船重。滿空星河光破碎。四座賓客色不動。請公臨深莫相違。迴

船罷酒上馬歸。人生歡會豈有極。無使霜露沾人衣。結出好樂毋荒意。而措語蘊蓄耐人咀吟。

白鳧行

君不見黃鵠高於五尺童。化為白鳧似老翁。故畦遺穗已蕩盡。天寒日暮波濤中。鱗介腥膻素不食。終日忍飢西復東。魯門鷄鵠亦蹭蹬。聞道于今猶避風。爰居今猶避風。黃鵠忍飢所固然也。推開作結。感憤中復能安分。

魏將軍歌

將軍昔著從事衫。鐵馬馳突重兩銜。被堅執銳略西極。崑崙月窟東嶄巖。崑崙在西而曰東者。言略地至極西。君門羽林萬猛士。惡猶猛若哮虎。子所監。五年起家列霜戟。一日過海收風帆。平生流輩從蠢蠢。長安少年氣欲盡。魏侯骨聳精爽緊。華嶽峯尖見秋隼。星躔寶校金盤陀。馬飾夜騎天駟超天河。機槍熒惑不敢動。翠蕤雲旛相蕩摩。吾爲子起歌都護。宋有丁都護。曉灑闌插劍肝膽露。鈞陳蒼蒼玄武暮。萬歲千秋奉明主。臨江節士安足數。漢有

臨江節士歌。

醉歌行贈公安顏少府請顧八題壁

神仙中人不易得。顏氏之子才孤標。天馬長鳴待駕馭。秋鷹整翮當雲霄。君不見東吳顧文學。君不見西漢杜陵老。詩家筆勢君不嫌。自謂指顧詞翰升堂爲君掃。是日霜風凍七澤。杜詩每有烏鬢落照銜赤壁。酒酣耳熱忘頭白。感君意氣無所惜。一爲歌行歌主客。

夜聞簫箎

夜聞簫箎滄江上。衰年側耳情所嚮。鄰舟一聽多感傷。塞曲三更歛悲壯。積雪飛霜此夜寒。孤燈急管復風湍。君知天地干戈滿。不見江湖行路難。本言行路之難。而以干戈之滿形之。則不見其難矣。透過一層。家鄉既蕩盡。遠近理亦齊。用意亦復爾爾。

追酬故高蜀州人日見寄并序

開文書帙中。檢所遺忘。因得故高常侍適。往居在成都時。高任蜀州刺史。人日相憶見寄詩。淚洒行間。讀終篇末。自枉詩已十餘年。莫紀存歿。又六七年矣。老病懷舊。生意可知。今海內忘形故人。獨漢中王瑀與昭州敬使君超先在。愛而不見。情見乎詞。大歷五年正月二十一日。卻追酬高公此作。因寄王及敬弟。

自枉蜀州人日作。不意清詩久零落。今晨散帙眼忽開。迸淚幽吟事如昨。嗚呼壯士多慷慨。合沓高名動寥廓。歎我淒淒求友篇。感時鬱鬱匡君略。錦里春光空爛熳。瑤墀侍臣已冥寞。瀟湘水國傍鼉鼙。時公泊潭州。鄂杜秋天失鵬鷃。憶高所處。東西南北更誰論。對針高贈句。白首扁舟病獨存。遙拱北辰纏寇盜。欲傾東海洗乾坤。邊塞西蕃最充斥。衣冠南渡多崩奔。分說東南西北。鼓瑟至今悲帝子。曳裾何處覓王門。文章曹植波瀾闊。曹劉比漢中王。服食劉安德業尊。長笛鄰家亂愁思。昭州詞翰與招魂。欲得敬書。以招高魂。答蜀州魏爾東。西南北人句。故將東西南北分點。古人酬也。

贈體也。

王季友

酬李十六岐

鍊丹文武火未成。賣藥販履俱逃名。出谷迷行洛陽道。乘流醉臥滑臺城。城下故人久離怨。一歡適我兩家願。朝飲杖懸沽酒錢。暮餐囊有松花飯。于何車馬日憧憧。李膺門館爭登龍。千賓揖對若流水。五經發難如叩鐘。下筆新詩行滿壁。立談古人坐在席。問我草堂有臥雲。知我山儲無儋石。自耕自刈食爲天。如鹿如麋飲野泉。亦知世上公卿貴。且養邱中草木年。車馬憧憧一段卽所云世上公卿貴也。

宿東谿十五山亭

上山下山入山谷。谿中落日留我宿。松石依依當主人。主人不在意亦足。名花出地兩重階。絕頂平天一小齋。本意由來是山水。何用相逢語舊懷。直白語自是真境。

元結

宿丹崖翁宅

扁舟欲到瀧口湍。春水湍瀧上水難。投竿來泊丹崖下。得與崖翁盡一歡。丹崖之亭當石巔。破竹半山引寒泉。泉流掩映在木杪。有若白鳥飛林間。往往隨風作霧雨。溼人巾履滿庭前。丹崖翁愛丹崖。棄官幾年崖下家。兒孫棹船抱酒甕。醉裏長歌揮釣車。我將求退與翁遊。學翁歌醉在漁舟。官吏隨人往未得。卻望

丹厓慚復羞。

洄溪招隱

長松亭亭滿四山。山間乳竇流清泉。洄溪正在此山裏。乳水松膏常灌田。松膏乳水田肥良。稻苗如蒲米粒長。糜色如珈玉液酒。酒熟猶聞松節香。溪邊老翁年幾許。長男頭白孫嫁女。問言只食松田米。無藥無方向人語。即此是仙蓬壺。方丈皆虛語也。洄溪石下多泉源。盛暑大寒冬大溫。屠蘇宜在水中石。洄溪一曲自當門。吾今欲作洄溪翁。誰能住我舍西東。勿憚山深與地僻。羅浮尙有葛仙翁。通體俱寫洄溪之可隱。招客意只末路一點。

劉長卿 中唐古詩。寥寥可數。故文房以後。昌黎以前。存十餘首。以志崖略。

銅雀臺

嬌愛更何日。高臺空數層。含啼映雙袖。不忍看西陵。漳水東流無復來。百花輦路爲蒼苔。青樓月夜長寂寞。碧雲日暮空徘徊。君不見鄴中萬事非昔時。古人不在今人悲。春風不逐君王去。草色年年舊宮路。宮中歌舞已浮雲。空指行人往來處。不必嘲笑老瞞。淡淡寫去。自存詩品。

入桂渚次砂牛石穴

扁舟傍歸路。日暮瀟湘深。湘水清見底。楚雲淡無心。片帆落桂渚。獨夜依楓林。楓林月出猿聲苦。桂渚天寒桂花吐。此中無處不堪愁。江客相看淚如雨。

嚴陵釣臺送李康成赴江東使

潺湲子陵瀨，髣髴如在日。七里人已非，千年水空綠。新安江上孤帆遠，應逐楓林千萬轉。古臺落日共蕭條，寒水無波更清淺。臺上漁竿不復持，卻令猿鳥向人悲。灘聲山翠至今在，待爾行舟晚泊時。

聽笛歌別鄭協律

舊遊憐我長沙謫，載酒沙頭送遷客。天涯望月自沾衣，江上何人復吹笛。橫笛能令孤客愁，綠波淡淡如不流。商聲寥亮羽聲苦，江天寂歷江楓秋。靜聽關山聞一叫，三湘月色悲猿嘯。又吹楊柳激繁音，千里春色傷人心。隨風飄向何處落，唯見曲盡平湖深。明發與君離別後，馬上一聲堪白首。

錢起

送崔十三東遊

千里有同心，十年一會面。當杯緩箏柱，條忽催離宴。丹鳳城頭噪晚鴉，行人馬首夕陽斜。灞上春風留別袂，關東新月宿誰家。官柳依依兩鄉色，誰能此別不相憶。何嘗不佳然流入平調矣。

送鄔三落第還鄉

郢客文章絕世稀，常嗟時命與心違。十年失路誰知己，千里思親獨遠歸。雲帆春水將何適，日愛東南暮山碧。關中新月對離樽，江上殘花待歸客。名宦無媒自古遲，窮途此別不堪悲。荷衣垂釣且安命，金馬招

賢會有時。

郎士元

塞下曲

寶刀塞下兒。起用單句。而身經百戰曾百勝。壯心竟未嫖姚知。白草山頭月初沒。黃沙戍下悲歌發。蕭條夜靜邊風吹。獨倚營門望秋月。

盧

綸字允吉。河中蒲人。大歷初舉進士。不第。以元載薦授監察御史。後韋渠牟表其才。得召見。帝有所作。輒命賚和。既從渾瑊在河中驛。召之會。卒。官止檢校戶部郎中。

臘日觀咸寧王部曲娑勒擒虎歌

山頭曠曠日將出。山下獵圍照初日。前林有獸未識名。將軍促騎無人聲。潛形踞伏草不動。雙鵬轉旋羣。鴉鳴陰方質。子才三十。譯語受詞蕃。語揖捨鞍解甲疾。如風人忽虎蹲獸人立。人虎兼形。毛髮生動。歛然扼頰批其頤。爪牙委地涎淋漓。既蘇復吼拗仍怒。果叶英謀生致之。拖自深叢目如電。萬夫失容千馬戰。傳呼賀拜聲相連。殺氣騰陵陰滿川。始知縛虎如縛鼠。敗寇降羌生眼前。祝爾嘉詞爾無苦。獻爾將隨犀象舞。苑中流水禁中山。期爾攬搏開天顏。非熊之兆慶無極。願紀雄名傳百蠻。中問搏獸數語。何減太史公敘鉅鹿之戰。

劉禹錫

平蔡州三首

九衢車馬渾渾流。使臣來獻淮西囚。四夷聞風失七箸。天子受賀登高樓。妖童擢髮不足數。血汗城西一抔土。南風無火楚澤閒。夜行不鎖穆陵關。策勳禮畢天下泰。猛士按劍看常山。時淮常山不庭。

蔡州城中衆心死。妖星夜落照壕水。漢家飛將下天來。馬箠一揮門洞開。賊徒奔騰望旗拜。有若羣蟄驚春雷。狂童面縛登檻車。太白天矯垂捷書。相公從容來鎮撫。常侍郊迎負文弩。西人歸業閭里閑。小兒跳跟健兒舞。

汝南晨雞喔喔鳴。城頭鼓角音和平。路傍老人憶舊事。相與感激皆涕零。老人收泣前致辭。官軍入城人

不知。忽驚元和十二載。喜見天寶承平時。紀事云。夢得曰。柳八駁韓十八平淮西碑云。左餐右粥。何如我

叛矣。韓碑柳雅各有所長。余詩有云。汝南晨雞喔喔鳴。城中鼓角聲和平。美慙之入蔡城也。須臾之間。賊無覺者。又落句云。忽驚元和十二載。重見天寶昇平時。以見平淮之年云。○紀事語不足憑。究之。柳雅劉詩遠遜韓碑。李義山詩可取而證也。

韋應物

學仙吟二首

昔有道士求神仙。靈真下試心確然。千鈞巨石一髮懸。臥之石下十三年。存道忘身一試過。名奏玉皇乃升天。雲氣冉冉漸不見。留語弟子但精堅。

石上鑿井欲到水。惰心一起中路止。豈不見古來三人俱弟兄。結茆深山讀仙經。上有青冥倚天之絕壁。

下有颼颼萬壑之松聲。仙人變化為白鹿。二弟翫之兄誦讀。讀多七過可乞言。為子心精得神仙。可憐二弟仰天泣。一失毫釐千萬年。二章總言求道貴專。

聽鶯曲

東方欲曙花冥冥。須知是聽鶯起法。啼鶯相喚亦可聽。乍去乍來時近遠。纔聞南陌又東城。忽似上林翻下苑。綿絲蠻蠻如有情。欲囀不囀意自嬌。羌兒弄笛曲未調。前聲後聲不相及。秦女學箏指猶澀。須臾風暖朝日曠。流音變作百鳥喧。誰家懶婦驚殘夢。何處愁人憶故園。伯勞飛過聲局促。戴勝下時桑田綠。不及流鶯日日啼花間。能使萬家春意閒。有時斷續聽不了。飛去花枝猶裊裊。還栖碧樹鎖千門。春漏方殘一聲曉。

韓愈昌黎從李杜崛起之後。能不相沿習。別開境界。雖從橫變化。不逾李杜。而規模堂廡。彌見闊大。洵推豪傑之士。

汴州亂二首

汴州城門朝不開。天狗墮地聲如雷。健兒爭誇殺留後。連屋累棟燒成灰。諸侯咫尺不能救。此譏鄰鎮之不救。孤士何者自興哀。汴州董督卒陸長源總留守事。八日而軍亂殺長源。公因此作詩。

母從子走者為誰。大夫夫人留後兒。昨日乘車騎大馬。坐者起趨乘者下。廟堂不肯用于戈。嗚呼奈汝母子何。此譏德宗之姑息。

山石

山石瑩确行徑微。黃昏到寺蝙蝠飛。昇堂坐階新雨足。芭蕉葉大支子肥。僧言古壁佛畫好。以火來照所見稀。鋪床拂席置羹飯。疎糲亦足飽我飢。夜深靜臥百蟲絕。清月出嶺光入扉。天明獨去無道路。出入高下窮烟霏。山紅澗碧紛爛熳。時見松檜皆十圍。當流赤足踏澗石。水聲激激風吹衣。人生如此自可樂。豈必局促爲人鞿。嗟哉吾黨二三子。安得至老不更歸。元遺山論詩絕云。有情芍藥含春淚。無力薔薇臥晚枝。拈出退之山石句。始知渠是女郎詩。謂此篇有情

二句秦少游詩。

雉帶箭

原頭火燒靜兀兀。野雉畏鷹出復沒。將軍欲以巧伏人。盤馬彎弓惜不發。地形漸窄觀者多。雉驚弓滿勁箭加。衝人決起百餘尺。紅翎白鏃隨傾斜。將軍仰笑軍吏賀。五色離披馬前墮。李將軍度不中不發。發必應弦而倒。審量於未彎弓

之先。此矜惜於已彎弓之候。總不肯輕見其技也。作文作詩。亦須得此意。

汴泗交流贈張僕射建封

汴泗交流郡城角。築場千步平如削。短垣三面繚逶迤。擊鼓騰騰樹赤旗。新秋朝涼未見日。公早結束來何爲。分曹決勝約前定。百馬攢蹄近相映。毬驚杖奮合且離。紅牛纓紱黃金羈。側身轉臂著馬腹。霹靂應手神珠馳。超遙散漫兩閒暇。揮霍紛紜爭變化。發難得巧意氣粗。發難得巧。補前盤馬彎弓注脚。謹聲四合壯士呼。此誠習戰非爲劇。豈若安坐行良圖。當今忠臣不可得。公馬莫走須殺賊。

贈唐衢其人善哭

虎有爪兮牛有角。虎可搏兮牛可觸。奈何君獨抱奇材。手把鉏犁餓空谷。當今天子急賢良。幽函朝出開明光。何不上書自薦達。坐令四海如虞唐。賢哲心事光明磊落公所以三上宰相書也

八月十五夜贈張功曹

名譽為譏言所中貶縣令南方順宗即位徙掾江陵

纖雲四卷天無河。清風吹空月舒波。沙平水息聲影絕。一盃相屬君當歌。君歌聲酸辭且苦。不能聽終淚如雨。洞庭連天九疑高。以下皆功曹歌蛟龍出沒猩鼯號。十生九死到官所。幽居默默如藏逃。下床畏蛇食畏藥。海氣溼蟄熏腥臊。昨者州前鵠大鼓。嗣皇繼聖登夔臯。赦書一日行萬里。罪從大辟皆除死。遷者追回流者還。滌瑕蕩垢朝清班。州家申名使家抑。觀察使作主坎軻祇得移荆蠻。判司卑官不堪說。未免捶楚塵埃間。唐時參軍有遇上官得捶楚之同時輩流多上道。天路幽險難追攀。君歌且休聽我歌。以下韓公之歌我歌今與君殊科。一年明月今宵多。人生由命非由他。有酒不飲奈明何。

謁衡嶽廟遂宿嶽寺題門樓在長沙湘潭縣南

五嶽祭秩皆三公。四方環鎮嵩當中。火維地荒足妖怪。天假神柄專其雄。噴雲泄霧藏半腹。雖有絕頂誰能窮。我來正逢秋雨節。陰氣晦昧無清風。潛心默禱若有應。豈非正直能感通。東坡所謂力能開衡山之雲也須臾靜掃衆峰出。仰見突兀撐青空。紫蓋連延接天柱。石廩騰擲堆祝融。森然動魄下馬拜。松柏一逕趨靈宮。粉牆

丹柱動光彩。鬼物圖畫填青紅。升階偃僂薦肺酒。欲以菲薄明其衷。廟令老人識神意。睢盱偵伺能鞠躬。手持盃棧導我擲。云此最吉餘難同。竄逐蠻荒幸不死。衣食纔足甘長終。侯王將相望久絕。神縱欲福難爲功。夜投佛寺上高閣。星月掩映雲臃腫。猿啼鐘動不知曙。杲杲寒日生于東。

嗟哉董生行

淮水出桐柏山。東馳遙遙千里不能休。淝水出其側。不能千里百里入淮流。壽州屬縣有安豐。唐貞元時。縣人董生召南。隱居行義於其中。刺史不能薦。天子不聞名聲。爵祿不及門。門外惟有吏。日來徵租更索錢。嗟哉董生。朝出耕。夜歸讀古人書。盡日不得息。或山而樵。或水而漁。入廚具甘旨。上堂問起居。作詩主意。父母不感感。妻子不咨咨。嗟哉董生。孝且慈。人不識。惟有天翁知。生祥下瑞無時期。家有狗乳出求食。雞來哺其兒。啄啄庭中拾蟲蟻。哺之不食鳴聲悲。徬徨躑躅久不去。以翼來覆待狗歸。化及物類。其人可知。嗟哉董生。誰將與儔時之人。夫妻相虐。兄弟爲讐。食君之祿而令父母愁。亦獨何心。嗟哉董生。無與儔。此詩朱子取入韻處。貫下一筆。然後截住。以足上意。如盡日不得息。亦獨何心等句是也。

寒食日出遊

張十一院長見示病中憶花九寒食日出遊

李花初發君始病。我往看君花轉盛。走馬城西惆悵歸。不忍千林雪相映。邇來又見桃與梨。交開紅白如爭競。可憐物色阻攜手。空展霜縑吟九詠。紛紛落盡泥與塵。不共新粧比端正。桐華最晚今已繁。君不強

起時難更關山遠別固其理。寸步難見始知命。憶昔與君同貶官。夜渡洞庭看斗柄。豈料生還得一處。引袖拭淚悲且慶。各言生死兩追隨。直置心親無貌敬。念君又署南荒吏。路指鬼門幽且曷。三公盡是知音人。曷不薦賢陛下聖。囊空甑倒誰救之。我今一食日還併。自然憂氣損天和。安得康強保天性。斷鶴兩翅鳴何哀。繫驥四足氣空橫。今朝寒食行野外。綠楊兩岸蒲生迸。宋玉庭邊不見人。輕浪參差魚動鏡。自嗟孤賤足瑕疵。特見放縱荷寬政。飲酒寧嫌饑底深。題詩尚倚筆鋒勁。明宵故欲相就醉。有月莫愁當火令。

鄭羣贈簞

蘄州笛竹天下知。鄭君所寶尤瓌奇。攜來當晝不得臥。一府傳看黃琉璃。體堅色淨又藏節。盡眼凝滑無瑕疵。法曹貧賤衆所易。自謂腰腹空大何能爲。自從五月困暑溼。如坐深甑遭蒸炊。手磨袖拂心語口。慢膚多汗真相宜。日暮歸來獨惆悵。有賣直欲傾家資。誰謂故人知我意。卷送八尺含風漪。呼奴掃地鋪未了。光彩照耀驚童兒。青蠅側翅蚤蝨避。肅肅疑有青飈吹。倒身甘寢百疾愈。卻願天日恆炎曦。與攜來當晝不得臥俱透過一層法。明珠青玉不足報。贈子相好無時衰。

贈崔立之評事名斯立

崔侯文章苦捷敏。高浪駕天輸不盡。曾從關外來上都。隨身卷軸車連軫。朝爲百賦猶鬱怒。暮作千詩轉逾緊。搖毫擲簡自不供。頃刻青紅浮海蜃。才豪氣猛易語言。往往蛟螭雜螻蚓。工拙並見知音自古稱難遇。世

俗乍見那妨哂。勿嫌法官未登朝。時爲評事。猶勝赤尉長趨尹。時命雖乖心轉壯。技能虛富家逾窘。念昔塵埃

兩相逢。爭名齟齬持矛楯。子時專場誇紫距。余始張軍嚴鞮鞞。爾來但欲保封疆。莫學龐涓怯孫臏。竄逐

新歸厭聞鬧。白江陵法曹召爲國子博士。齒髮早衰嗟可閔。頻蒙怨句刺棄遺。豈有閒官敢推引。深藏篋笥時一發。戢

戢已多如束筍。可憐無益費精神。有似黃金擲虛牝。文人每坐此病。然可傳亦正在此。當今聖人求侍從。拔擢杞梓收楛

筩。東馬嚴徐已奮飛。枚臯卽召窮且忍。復聞王師西討蜀。霜風冽冽摧朝菌。走章馳檄在得賢。燕雀紛拏

要鷹隼。竊料二塗必處一。豈比恆人長蠢蠢。勸君韜養待徵招。不用雕琢愁肝腎。牆根菊花好沽酒。錢帛

縱空衣可準。暉暉簷日煖且鮮。撼撼井梧疎更韻。高士例須憐麴蘖。丈夫終莫生畦畛。能來取醉任喧呼。

死後賢愚俱泯泯。

酬司馬盧四兄雲夫院長望秋作

長安雨洗新秋出。極目寒鏡開塵函。終南曉望蹋龍尾。倚天更覺青巉巖。自知短淺無所補。從事久此穿
朝衫。歸來得便卽遊覽。暫似壯馬脫重銜。曲江荷花蓋十里。江湖生目思莫緘。樂遊下囑無遠近。綠槐萍
合不可芟。白首寓居誰借問。平地寸步扃雲巖。雲夫老兄有狂氣。嗜好與俗殊酸醎。日來省我不肯去。論
詩說賦相誦誦。望秋一章已驚絕。猶言低抑避謗讒。若使乘酣騁雄怪。造化何以常鑄劓。嗟我小生值強
伴。怯膽變勇神明鑒。馳坑跨谷終未悔。爲利而止真貪饒。高揖羣公謝名譽。速追甫白感至誠。樓頭完月

不共宿。其奈就缺行攢攢。

和虞部盧四汀酬翰林錢七徵赤藤杖歌

赤藤爲杖世未窺。臺郎始攜自滇池。滇王掃宮避使者。跪進再拜語嗚咿。繩橋拄過免傾隨。性命造次蒙扶持。途經百國皆莫識。君臣聚觀逐旌麾。共傳滇神出水獻。赤龍拔鬚血淋漓。又云義和操火鞭。比種奇傑昌黎造暝到西極。睡所遺。幾重包裹自題署。不以珍怪誇荒夷。歸來捧贈同舍子。浮光照手欲把疑。空堂晝眠倚牖戶。飛電著壁搜蛟螭。南宮清深禁闈密。唱和有類吹塤篪。妍辭麗句不可繼。見寄聊且慰分司。公時爲分司。

石鼓歌

張生手持石鼓文。勸我試作石鼓歌。少陵無人謫仙死。才薄將奈石鼓何。周綱陵遲四海沸。宣王憤起揮天戈。大開明堂受朝賀。諸侯劍佩鳴相磨。蒐于岐陽騁雄俊。萬里禽獸皆遮羅。鐫功勒成告萬世。鑿石作鼓墜嵯峨。從臣才藝咸第一。揀選撰刻留山阿。雨淋日炙野火燎。鬼物守護煩撝呵。公從何處得紙本。毫髮盡備無差訛。辭嚴義密讀難曉。字體不類隸與蝌。年深豈免有缺畫。快劍斫斷生蛟鼉。鸞翔鳳翥衆仙下。珊瑚碧樹交枝柯。金繩鐵索鎖紐壯。古鼎躍水龍騰梭。陋儒編詩不收入。二雅褊迫無委蛇。孔子西行不到秦。陋儒指當時采風者言。二雅不載。孔子無從採取也。焉有不滿孔子意。倚撫星宿遺羲娥。嗟余好古生苦晚。對此涕淚雙滂沱。憶昔

初蒙博士徵。其年始改稱元和。故人從軍在右輔。爲我量度掘臼科。濯冠沐浴告祭酒。如此至寶存豈多。
旣包席裏可立至。石鼓祇載數駱駝。薦諸太廟比郛鼎。光價豈止百倍過。聖恩若許留太學。諸生講解得
切磋。觀經鴻都尙填咽。坐見舉國來奔波。剜苔剔蘚露節角。安置妥帖平不頗。大廈深簷與蓋覆。經歷久
遠期無佗。中朝大官老於事。詎肯感激激徒媿。牧童敲火牛礪角。誰復著手爲摩挲。日銷月鑠就埋沒。六
年西顧空吟哦。羲之俗書趁姿媚。隸書風俗通行。別於古傳。故云俗書無貶右軍意。數紙尙可博白鵝。繼周八代爭戰罷。無人收
拾理則那。方今太平日無事。柄任儒術崇丘軻。安能以此上論列。願借辯口如懸河。石鼓之歌止于此。嗚
呼吾意其蹉跎。於今石鼓永留太學。昌黎詩爲之先聲也。典重和平與題相稱。

華山女

街東街西講佛經。撞鐘吹螺鬧宮庭。廣張罪福資誘脅。聽衆狎恰排浮萍。黃衣道士亦講說。座下寥落如
明星。華山女兒家奉道。欲驅異教歸仙靈。洗粧拭面著冠帔。白咽紅頰長眉青。如其人。遂來昇座演真訣。龍
門不許人開扇。不知誰人暗相報。訇然振動如雷霆。掃除衆寺人跡絕。驕驕塞路連輜輶。觀中人滿坐觀
外。後至無地無由聽。抽釵脫釧解環珮。堆金疊玉光青瑩。天門貴人傳詔召。六宮願識師顏形。玉皇頷首
許歸去。乘龍駕鶴來青冥。此與迎佛骨同見。人主之不察也。豪家少年豈知道。來繞百市脚不停。雲窗霧閣事恍惚。中藏
意。重重翠幔深金屏。仙梯難攀俗緣重。浪憑青鳥通丁寧。謝自然詩顯斥之。華山女詩微刺之。總見神仙

借豈其然乎

柳州羅池廟

荔子丹兮蕉黃雜佳蔬兮進侯堂。侯之船兮兩旗度中流兮風泊之。待侯不來兮不知我悲。侯乘駒兮入廟。慰我民兮不嘯以笑。鵝之山兮柳之水。桂樹團團兮白石齒齒。侯朝出遊兮暮來歸。春與猿吟兮秋鶴與飛。北方之人兮爲侯是非。千秋萬歲兮侯無我違。福我兮壽我。驅厲鬼兮山之左。下無苦溼兮高無乾。秔稌充羨兮蛇蛟結蟠。我民報祀兮無怠其始。自今兮欽於世世。九歌之遺

拘幽操

文王姜里作

集中少此格。今附七言古後。

目窈窕兮其凝其盲。耳肅肅兮聽不聞聲。朝不見日出兮夜不見月與星。有知無知兮爲死爲生。嗚呼。臣罪當誅兮。天王聖明。此爲人臣止於敬注脚也。程伊川先生云。道文王意中事。前後人道不到此。

越裳操

周公作

雨之施物以華。我何意于彼爲。自周之先其艱其勤。以有疆宇。私我後人。我祖在上。四方在下。厥臨孔威。敢戲以侮。孰荒于門。孰治于田。四海既均。越裳是臣。孰荒孰治皆我祖所監臨也。

將歸操

孔子之趙聞殺鳴犢作

秋之水兮其色幽幽。我將濟兮不得其由。涉其淺兮石齧我足。乘其深兮龍入我舟。我濟而悔兮將安歸。

尤歸兮歸兮。無與石鬪兮。無應龍求。

猗蘭操 孔子傷不逢時作

蘭之猗猗。揚揚其香。不采而佩。于蘭何傷。今天之旋。其曷爲然。我行四方。以日以年。雪霜貿貿。薺麥之茂。子如不傷。我不爾覯。薺麥之茂。薺麥之有。君子之傷。君子之守。彼自有之性。君子之傷。正君子之守也。

卷八

七言古詩

柳宗元

楊白花

楊白花。楊大眼之子。胡太后逼幸之。白花懼禍。南奔于梁。太后作楊白花歌。使官人連臂踏蹄歌之。

楊白花。風吹渡江水。坐令宮樹無顏色。搖蕩春光千萬里。茫茫曉日下長秋。哀歌未斷城鴉起。長秋宮太后所居。通

篇不露正旨。而以長秋二字逗出。用筆用意在微顯之間。

漁翁

漁翁夜傍西巖宿。曉汲清湘然楚竹。煙消日出不見人。欸乃一聲山水綠。迴看天際下中流。巖上無心雲

相逐。東坡謂刪去末二語。餘情不盡。信然。

放鷓鴣詞

楚越有鳥甘且腴。嘲嘲自鳴爲鷓鴣。狗媒得食不復慮。機械潛發羅罟罟。羽毛摧折觸籠籞。烟火煽赫驚庖廚。鼎前芍藥調五味。膳夫攘腕左右視。齊王不忍殺觶牛。簡子亦放邯鄲鳩。二人得意猶念此。况我萬里爲孤囚。破籠展翅當遠去。同類相呼莫相顧。見此後當自檢束。勿更爲所引也。

聚蚊謠

沉沉夏夜蘭臺開。飛蚊伺暗聲如雷。嘈然歛起初駭聽。殷殷若自南山來。喧騰鼓舞喜昏黑。昧者不分聰者惑。露花滴瀝月上天。利嘴迎人著不得。我軀七尺爾如芒。我孤爾衆能我傷。天生有時不可遏。爲爾設幄潛匡牀。清商一來秋日曉。差爾微形飼丹鳥。與前首同。一比例。

顧

况字通翁。蘇州海鹽人。與柳渾李泌善。渾輔政。以校書徵。泌爲相。稍遷著作郎。坐詩語調謔。貶司戶參軍。隱居茅山。以壽終。

短歌行有序

情思發動。聖賢所不能免也。故師乙陳其宜。延陵審其音。理亂之所經。王化之所興也。信無逃於聲教。豈徒文彩之麗。遂作此歌。

城邊路。今人犁田昔人墓。岸上沙。昔時江水今人家。今人昔人共長歎。四氣相催節迴換。明月皎皎入華池。白雲離離度青漢。

我欲升天天隔霄。我欲渡水水無橋。我欲上山山路險。我欲汲井井泉遙。越人翠被今何夕。獨立沙邊江

草碧紫燕西飛欲寄書。白雲何處蓬萊客。悠然神遠

新繫青絲百尺繩。心在君家轆轤上。我心皎潔君不知。轆轤一轉一惆悵。

何處春風吹曉幕。江南淥水通朱閣。美人二八顏如花。泣向春風畏花落。

臨春風聽春鳥。別時多見時少。愁人一夜不得眠。瑤井玉繩相對曉。言惘恍之無由上達也。總以微婉出之。

困 困哀閩也。困音鑿。閩俗呼子爲困。父爲郎。罷青箱雜記云。唐世多取閩童爲閩奴。故况陳其苦以諷。

困生閩方。閩吏得之。乃絕其陽。爲臧爲獲。致金滿屋。爲髡爲鉗。如視草木。天道無知。我罹其毒。神道無知。彼受其福。郎罷別困。吾悔生汝。及汝既生。人勸不舉。不從人言。果獲是苦。困別郎罷。心摧血下。隔地絕天。及至黃泉。不得在郎罷前。閩童亦人子。何罪而遭此毒耶。卽事直書。聞者足誠。

白居易

七德舞

七德舞。七德歌。傳自武德至元和。元和小臣白居易。觀舞聽歌知樂意。曲終稽首陳其事。太宗十八舉義兵。白旄黃鉞定兩京。擒充戮竇四海清。二十有四功業成。二十有九卽帝位。三十有五致太平。功成理定何神速。速在推心置人腹。起一句領下文。亡卒遺骸散帛收。飢人賣子分金贖。魏徵夢見子夜泣。張謹哀聞辰日哭。怨女三千放出宮。死囚四百來歸獄。剪鬚燒藥賜功臣。李勣嗚咽思殺身。含血吮瘡撫戰士。思摩奮呼

乞効死。不獨善戰善乘時。以心感人人。心歸爾來一百九十載。天下至今歌舞之。歌七德。舞七德。聖人有作垂無極。豈徒耀神武。豈徒誇聖文。太宗意在陳王業。王業艱難示子孫。推心置腹。通篇主意。怨女一聯。尤爲警動。縱囚事。歐公作論。貶

之。然當時實爲盛舉也。宋太宗亦謂朕不及此。

海漫漫 戒求仙也

海漫漫。直下無底傍。無邊雲濤煙浪最深處。人傳中有三神山。山上多生不死藥。服之羽化爲天仙。秦皇漢武信此語。方士年年採藥去。蓬萊今古但聞名。煙水茫茫無覓處。海漫漫。風浩浩。眼穿不見蓬萊島。不見蓬萊不敢歸。童男卯女舟中老。徐福文成多誑誕。上元太乙虛祈禱。君看驪山頂上茂陵頭。畢竟悲風吹蔓草。何況玄元聖祖五千言。不言藥。不言仙。不言白日昇青天。此言求仙之妄也。唐代崇奉老子。而五千言中。不言神仙。恍然可悟矣。

上陽白髮人

愍怨曠也

原注。天寶五載已後。楊貴妃專寵後宮。人無復進幸矣。六宮有美色者。輒置別所。上陽是其一也。貞元中尙存焉。

上陽人。紅顏鬪老白髮新。綠衣監使守宮門。一閉上陽多少春。明皇末歲初選入。入時十六今六十。同時采擇百餘人。零落年深殘此身。憶昔吞悲別親族。扶入車中不敢哭。皆云入內便承恩。臉似芙蓉胸似玉。未容君王得見面。已被楊妃遙側目。妬令潛配上陽宮。一生遂向空房宿。宿空房。秋夜長。夜長無寐天不明。耿耿殘燈背壁影。蕭蕭闇雨打窗聲。春日遲。日遲獨坐天難暮。宮鶯百轉愁厭聞。梁燕雙棲老休妬。鶯歸燕去長悄然。春往秋來不記年。惟向深宮望明月。東西四五百迴圓。今日宮中年最老。大家遙賜尙書

號小頭鞋底窄衣裳。青黛點眉眉細長。外人不見見應笑。天寶末年時世粧。上陽人苦最多。少亦苦。老亦苦。少苦老苦兩如何。君不見昔時呂尚美人賦。原注天寶末有密采豔色者當時號花鳥使呂尚獻美人賦以諷之。又不見今日上陽宮人白髮歌。只惟向深宮望明月。東西四五百迴圓。二語已見宮人之苦。而楊妃之嫉妬專寵。足以致亂矣。女禍之誠千古昭然。

新豐折臂翁 戒邊功也

新豐老翁八十八。頭鬢眉鬚皆似雪。玄孫扶向店前行。左臂憑肩右臂折。問翁臂折來幾年。兼問致折何因緣。翁云貫屬新豐縣。生逢聖代無征戰。慣聽梨園歌管聲。不識旗槍與弓箭。無何天寶大徵兵。戶有三丁點一丁。點得驅將何處去。五月萬里雲南行。聞道雲南有瀘水。椒花落時瘴煙起。大軍徒涉水如湯。未過十人二三死。村南邨北哭聲哀。兒別耶孃夫別妻。皆云前後征蠻者。千萬人行無一迴。是時翁年二十四。兵部牒中有名字。夜深不敢使人知。偷將大石鎚折臂。張弓簸旗俱不堪。從茲始免征雲南。骨碎筋傷非不苦。且圖揀退歸鄉土。此臂折來六十年。一肢雖廢一身全。至今風雨陰寒夜。直到天明痛不眠。痛不眠終不悔。且喜老身今獨在。不然當時瀘水頭。身死魂孤骨不收。應作雲南望鄉鬼。萬人塚上哭啾啾。原注雲南有萬人塚。即鮮于仲通李宓曾覆軍之所。老人言君聽取君不聞開元宰相宋開府。不賞邊功防黷武。又不聞天寶宰相楊國忠。欲求恩幸立邊功。邊功未立生人怨。請問新豐折臂翁。窮兵黷武之禍。慨切言之。末以宋璟楊國忠對言。見開寶治亂之機。實分于此。

百鍊鏡 美皇王鑒也

百鍊鏡。鎔範非常規。日辰置處靈且瘳。江心波上舟中鑄。五月五日日午時。瓊粉金膏磨瑩已。化爲一片秋潭水。鏡成將獻蓬萊宮。揚州長吏手自封。人間臣妾不合照。背有九五飛天龍。人人呼爲天子鏡。我有一言聞太宗。太宗常以人爲鏡。鑒古鑒今不鑒容。四海安危居掌內。百王治亂懸心中。乃知天子別有鏡。不是揚州百鍊銅。百鍊之鏡照一人。君心之鏡照四海。張曲江進千秋金鑑錄。即是此意。

青石 激忠烈也

青石出自藍田山。兼車運載來長安。工人磨琢欲何用。石不能言我代言。不願作人家墓前神道碣。墳土未乾名已滅。不願作官家道傍德政碑。不鐫實錄鐫虛辭。願爲段氏顏氏碑。雕鏤太尉與太師。刻此兩片。堅貞質狀。彼二人忠烈姿。義心若石。屹不轉。死節如石。確不移。如觀奮擊朱泚日。似見叱呵希烈時。各于其上。題名謚。一置高山。一沉水。陵谷雖遷。碑獨存。骨化爲塵。名不死。長使不忠不烈臣。觀碑改節慕爲人。慕爲人。勸事君。寫段顏二公凜凜有生氣。未勸人忠烈一篇主意。

八駿圖 戒奇物懲佚遊也

穆王八駿天馬駒。後人愛之寫爲圖。背如龍兮頸如象。骨聳筋高肌肉壯。日行萬里速如飛。穆王獨乘何所之。四荒八極蹋欲遍。三十二蹄無歇時。屬車軸折趁不及。黃屋草生棄若遺。瑤池西赴王母宴。七廟經

年不親薦。璧臺南與盛姬遊。明堂不復朝諸侯。白雲黃竹歌聲動。一人荒樂萬人愁。周從后稷至文武。積德累功世勤苦。豈知纔及五代孫。心輕王業如灰土。由來尤物不在大。能蕩君心則爲害。文帝卻之不肯乘。千里馬去漢道興。穆王得之不爲戒。八駿駒來周室壞。至今此物世稱珍。不知房星之精下爲害。八駿圖君莫愛。耽佚遊。政治荒矣。以漢文之却千里馬對照與壞顯然。

秦吉了 哀冤民也

秦吉了。出南中。彩毛青黑。花頸紅。耳聰心慧。舌端巧。鳥語人言無不通。昨日長爪鷲。今朝大鷲烏。鷲捐乳燕一窠覆。比害民之人。烏啄母雞雙眼枯。雞號墮地燕驚去。然後拾卵攫其雛。豈無鵬與鸚。嗉中食飽不肯搏。比諫臣不言。亦有鸞鶴羣。閒立颺高如不聞。比大臣不言。秦吉了。人云爾是能言鳥。豈不見雞燕之冤苦。吾聞鳳凰百鳥主。爾竟不爲鳳凰之前致一言。空多噪噪閒言語。竟不一言。民冤無可伸矣。

長恨歌

漢王重色思傾國。御宇多年求不得。楊家有女初長成。養在深閨人未識。爲尊者諱。天生麗質難自棄。一朝選在君王側。回眸一笑百媚生。六宮粉黛無顏色。春寒賜浴華清池。溫泉水滑洗凝脂。侍兒扶起嬌無力。始是新承恩澤時。雲鬢花顏金步搖。芙蓉帳暖度春宵。春宵苦短日高起。從此君王不早朝。致禍之由。承歡侍宴無閒暇。春從春遊夜專夜。後宮佳麗三千人。三千寵愛在一身。金屋粧成嬌侍夜。玉樓宴罷醉和春。姊妹

兄弟皆列土。可憐光彩生門戶。遂令天下父母心。不重生男重生女。驪宮高處入青雲。仙樂風飄處處聞。

緩歌慢舞凝絲竹。盡日君王看不足。漁陽鞞鼓動地來。此言安祿山之亂驚破霓裳羽衣曲。如聞春雷一聲九重城闕煙

塵生。千乘萬騎西南行。此言出奔翠華搖搖行復止。西出都門百餘里。六軍不發無奈何。宛轉蛾眉馬前死。花

鈿委地無人收。翠翹金雀玉搔頭。君王掩面救不得。回看血淚相和流。黃埃散漫風蕭索。雲棧縈紆登劍

閣。言幸蜀峨嵋山下少人行。旌旗無光日色薄。蜀江水碧蜀山青。聖主朝朝暮暮情。行宮見月傷心色。夜雨

聞鈴腸斷聲。天旋地轉迴龍馭。此言自蜀回到此躊躇不能去。馬嵬坡下泥土中。潛道中使具棺以葬不見玉顏空死處。

君臣相顧盡沾衣。東望都門信馬歸。歸來池苑皆依舊。以下言上皇在南內又遷西宮中暗藏肅宗之不孝然此處不用顯言太液芙蓉未

央柳。芙蓉如面柳如眉。對此如何不淚垂。春風桃李花開夜。秋雨梧桐葉落時。西宮南內多秋草。落葉滿

階紅不掃。梨園弟子白髮新。椒房阿監青娥老。夕殿螢飛思悄然。孤燈挑盡未成眠。遲遲鐘鼓初長夜。耿

耿星河欲曙天。鴛鴦瓦冷霜華重。翡翠衾寒誰與共。悠悠生死別經年。魂魄不曾來入夢。引入方士尋幽一段臨邛

道士鴻都客。能以精誠致魂魄。爲感君王轉展思。遂教方士慙覓覓。排空馭氣奔如電。升天入地求之遍。

上窮碧落下黃泉。兩處茫茫皆不見。忽聞海上有仙山。山在虛無縹緲間。著虛無縹緲字。知樓閣玲瓏五

雲起。其中綽約多仙子。中有一人字太真。雪膚花貌參差是。金闕西廂叩玉扃。轉教小玉報雙成。聞道漢

家天子使。九華帳裏夢魂驚。攬衣推枕起徘徊。珠箔銀鉤邈迤開。雲鬢半偏新睡覺。花冠不整下堂來。風

吹仙袂飄飄舉。猶似霓裳羽衣舞。玉容寂寞淚闌干。梨花一枝春帶雨。寫淚

語妙

含情凝睇謝君王。一別音容

兩渺茫。昭陽殿裏恩愛絕。蓬萊宮中日月長。回頭下望人寰處。不見長安見塵霧。惟將舊物表深情。鈿盒

金釵寄將去。釵留一股盒一扇。釵擘黃金盒分鈿。但令心似金鈿堅。天上人間會相見。臨別殷勤重寄詞。

詞中有誓兩心知。七月七日長生殿。夜半無人私語時。在天願作比翼鳥。在地願爲連理枝。天長地久有

時盡。此恨綿綿無絕期。迷離恍惚不用收結此正作法之妙○此譏明皇之迷于色而不悟也以女寵幾

對遂信鈿釵私語爲真而信其果爲仙人也天下有妖豔之婦而成仙人者耶詩本陳鴻長恨傳而作

悠揚旖旎情至文生本玉楊盧駱而又加變化者矣時有一妓誇于人曰我能誦白學士長恨歌豈與他妓等哉詩之見重于時如此

琵琶行并序

元和十年。予左遷九江郡司馬。明年秋。送客湓浦口。聞舟中夜彈琵琶者。聽其音。錚錚然有京都聲。問其人。本長安娼女。嘗學琵琶于穆曹二善才。年長色衰。委身爲賈人婦。遂命酒。使快彈數曲。曲罷。憫然自敘。少小時歡樂事。今漂淪憔悴。轉徙於江湖間。予出官二年。恬然自安。感斯人言。是夕始覺有遷謫意。因爲長句歌以贈之。凡六百一十二言。命曰琵琶行。

潯陽江頭夜送客。楓葉荻花秋瑟瑟。主人下馬客在船。舉酒欲飲無管絃。醉不成歡慘將別。別時茫茫江浸月。以江月爲文瀾忽聞水上琵琶聲。主人忘歸客不發。尋聲闖問彈者誰。琵琶聲停欲語遲。移船相近邀相見。

添酒回燈重開宴。千呼萬喚始出來。猶抱琵琶半遮面。轉軸撥絃三兩聲。未成曲調先有情。絃絃掩抑聲聲思。似訴平生不得志。低眉信手續續彈。說盡心中無限事。輕攏慢撚乃珍切抹復挑。初爲霓裳後六么。大

絃嘈嘈如急雨。小絃切切如私語。嘈嘈切切錯雜彈。大珠小珠落玉盤。間關鶯語花底滑。幽咽泉流水下

灘。水泉冷澁絃疑絕。疑絕不通聲。暫歇。別有幽情鬧恨生。此時無聲復有聲。小住復彈。此餘聲也。銀瓶乍破水漿迸。

鐵騎突出刀鎗鳴。曲終收撥當心畫。四絃一聲如裂帛。東船西舫悄無言。唯見江心秋月白。江沉吟放撥

插絃中。整頓衣裳起斂容。自言本是京城女。家在蝦蟆陵下住。十三學得琵琶成。名屬教坊第一部。曲罷

能教善才服。粧成每被秋娘妬。五陵年少爭纏頭。一曲紅綃不知數。鈿頭銀篋擊節碎。血色羅裙翻酒污。

今年歡笑復明年。秋月春風等閑度。弟走從軍阿姨音予死。暮去朝來顏色故。門前冷落鞍馬稀。老大嫁作

商人婦。商人重利輕別離。前月浮梁買茶去。去來江口守空船。遶船明月江水寒。又應江月夜深忽夢少年事。

夢啼粧淚紅闌干。我聞琵琶已歎息。又聞此語重唧唧。同是天涯淪落人。相逢何必曾相識。二語通篇關鍵我從

去年辭帝京。謫居臥病潯陽城。潯陽地僻無音樂。終歲不聞絲竹聲。住近湓江地低濕。黃蘆苦竹遶宅生。

其間旦暮聞何物。杜鵑啼血猿哀鳴。春江花朝秋月夜。往往取酒還獨傾。豈無山歌與村笛。嘔啞嘲晰難

爲聽。今夜聞君琵琶語。如聽仙樂耳暫明。莫辭更坐彈一曲。爲君翻作琵琶行。感我此言良久立。卻坐促

絃絃轉急。淒淒不似向前聲。滿座重聞皆掩泣。座中泣下誰最多。江州司馬青衫濕。寫同病相憐之意。惻惻動人。○諸本此時

無聲勝有聲。既無聲矣。下二句如何接出。宋本無聲復有聲。謂住而又彈也。古本可貴如此。

真娘墓墓在虎丘寺

真娘墓。虎丘道。不識真娘鏡中面。惟見真娘墓頭草。霜摧桃李風折蓮。真娘死時猶少年。脂膚美手不牢固。世間尤物難留連。難留連。易消歇。塞北花。江南雪。不著迹象。高于衆作。夢得云。香魂雖死。人不怕。真可笑人也。

寒食野望吟

邱墟郭門外。寒食誰家哭。風吹曠野紙錢飛。古墓纍纍春草綠。棠梨花映白楊樹。盡是死生離別處。冥漠重泉哭不聞。蕭蕭風雨人歸去。

醉後狂言酬贈蕭殷二協律

餘杭邑客多騷貧。其間甚者蕭與殷。天寒身上猶衣葛。日高甑中未拂塵。江城山寺十一月。北風吹沙雪紛紛。賓客不見綈袍惠。黎庶未沾襦袴恩。此時太守自慚愧。重衣複衾有餘溫。因命染人與針女。先製兩裘贈二君。吳綿細軟桂布密。柔如狐腋白似雲。勞將詩書投贈我。如此小惠何足論。我有大裘君未見。寬廣和暖如陽春。此裘非繪亦非績。裁以法度絮以仁。刀尺鈍拙製未畢。出亦不獨裹一身。若令在郡得五考。與君展覆杭州人。欲徧覆杭州人。實有所難。然居官者不可不存此心也。與老杜之廣廈萬間同一志嚮。

元稹字微之。河南人。元和初對策第一。官左拾遺。後忤中人仇士良。擊壤敗面。貶江陵士曹參軍。久乃徙虢州長史。長慶初監軍。崔潭峻方親幸。以稹歌辭進。帝大悅。擢祠部郎中知制誥。

諺俄遷中書舍人翰林學士旋進同中書門下平章事始忤中人繼以依中人進朝論鄙之又連次欲傾裴度蓋兩截人也太和中為武昌節度使卒○白樂天同對策同倡和詩稱元白體其實遠不逮白
白脩直中皆雅音元意拙語織又流于澀東坡品為元輕白俗非定論也茲特取七言古四章近體不在此數

連昌宮詞

連昌宮中滿宮竹。歲久無人森似束。又有牆頭千葉桃。風動落花紅蔌蔌。宮邊老人為予泣。少年進食曾
因入。上皇正在望仙樓。太真同凭闌干立。樓上樓前盡珠翠。炫轉熒煌照天地。歸來如夢亦如癡。何暇備
言宮裏事。初屆寒食一百六。他本作初過誤店舍無煙宮樹綠。夜半月高絃索鳴。賀老賀懷智琵琶定場屋。力士傳
呼覓念奴。玳念奴潛伴諸郎宿。須臾覓得又連催。特勅街中許然燭。上在禁烟故下云特勅春嬌滿眼睡紅綃。掠削
雲鬟旋裝束。飛上九天歌一聲。二十五郎吹管逐。郊王善吹小管逡巡大遍涼州徹。色色龜茲綠續。李壽擊笛
傍宮牆。偷得新翻數般曲。平明大駕發行宮。萬人鼓舞途路中。百官隊伍避岐薛。楊氏諸姨車鬪風。明年
十月東都破。御路猶存祿山過。祿山之亂說得太輕驅令供頓不敢藏。萬姓無聲淚潛墮。兩京定後六七年。郭子儀收復兩
京。卻尋家舍行宮前。莊園燒盡有枯井。行宮門閉樹宛然。爾後相傳六皇帝。肅代德憲順穆不到離宮門久閉。往
來年少說長安。元武樓成華萼廢。去年勅使因斫竹。偶值門開暫相逐。荆榛櫛比塞池塘。此一殿神來之筆狐兔
騎癡緣樹木。舞榭欹傾基尚存。文窗窈窕紗猶綠。塵埋粉壁舊花鈿。壁上之飾鳥啄風箏碎珠玉。風箏之音上皇偏
愛臨砌花。依然御榻臨階斜。虵出燕窠盤鬪棋。菌生香案正當衙。寢殿相連端正樓。太真梳洗樓上頭。晨

光未出簾影黑。至今反挂珊瑚鈎。指示傍人因慟哭。卻出宮門淚相續。自從此後還閉門。夜夜狐狸上門。我聞此語心骨悲。太平誰致亂者誰。翁言野父何分別。耳聞眼見爲君說。姚崇宋璟作相公。開元天寶之治亂微

之豈不知而必野老言之乎此立言之失勸諫上皇言語切。變理陰陽禾黍豐。調和中外無兵戎。長官清貧太守好。揀選皆言

由至公。他本作相公誤開元之末姚宋死。朝庭漸漸由妃子。祿山宮中養作兒。不應斥言號國門前鬧如市。弄權宰相

不記名。林前國忠路人皆知其姦不必徵言依稀憶得楊與李。廟謨顛倒四海搖。五十年來作瘡痂。今皇神聖丞相明。詔書

纔下吳蜀平。李綺劉闢官軍又取淮西賊。吳元此賊亦除天下寧。年年耕種宮前道。今年不遣子孫耕。老翁此

意深望幸。努力廟謨休用兵。結似雅重然通篇無讀武意句尙無根詩中既有指斥似可不選然微之超

歌瑟行並存所謂元白體也故已置而仍存之

有鳥

有鳥有鳥如鸛雀。食蛇抱譽天姿惡。行經水滸爲毒流。羽拂酒盃爲死藥。漢后忍渴天豈知。驪姬墮地君寧覺。嗚呼惟有白色毛。亦得乘軒謬稱鶴。刺有文采而中毒螫者

冬白紵

吳宮夜長宮漏款。簾幕四垂燈焰煖。西施自舞王自管。雪紵翻翻鶴翎散。上聲促節牽繁舞腰懶。舞腰懶。王罷飲。蓋覆西施鳳花錦。身作匡牀臂爲枕。朝佩縱玉王晏寢。寢醒闈報門無事。子胥死後言爲諱。近王之

臣諭王意共笑越王窮惴惴。夜夜抱冰寒不睡。

田家詞

牛吒吒。田确确。旱塊敲牛蹄趵趵。種得官倉珠顆穀。六十年來兵簇簇。月月食糧車轆轆。一日官軍收海
服。驅牛駕車食牛肉。歸來收得牛兩角。重鑄鋤犁作斤劓。姑舂婦擔去輸官。輸官不足歸賣屋。願官早勝
離早覆。農死有兒牛有犢。不遺官軍糧不足。音節入古。

戴叔倫字幼公。金壇人。蕭穎士弟子。劉晏掌鹽鐵。表主管湖南。歷撫州刺史。容管經略使。所至治行稱最。

女耕田行

乳鷺入巢笋成竹。誰家二女種新穀。無人無牛不及犁。持刀斫地翻作泥。自言家貧母年老。長兄從軍未
娶嫂。去年災疫牛囤空。截絹買刀都市中。頭巾掩面畏人識。以刀代牛誰與同。姊妹相攜心正苦。不見路
人唯見土。疏通畦壟防亂苗。整頓溝塍待時雨。日正南岡下餉歸。可憐朝雉擾驚飛。東鄰西舍花發盡。共
惜餘芳淚滿衣。末二語一觀。愈見二女之苦。二女之正。

李紳字公垂。亳州人。元和初。補國子助教。累遷中書舍人。武宗即位。拜中書侍郎。平章事。紳憫農詩中詩四海無閑田。農夫猶餓死。又云誰知盤中餐粒粒。皆辛苦。呂溫見之曰。他日

必為宰相。果如其言。

悲善才并序

余守郡日。有客遊者善彈琵琶。問其所傳。乃善才所授。頃在內庭日。別承恩顧。賜宴曲江。勅善才等二十人備樂。自余經播遷。善才已歿。因追感前事。爲悲善才。

穆皇夜幸蓬池曲。

從賜宴曲江說入。

金鑾殿開高秉燭。東頭弟子曹善才。琵琶請奏新翻曲。翠蛾列坐層城女。笙

笛參差齊笑語。天顏靜聽朱絲彈。衆樂寂然無敢舉。銜花金鳳當承撥。轉腕攏絃促揮抹。扶花翻鳳天上

來。徘徊滿殿飛春雪。抽絃度曲新聲發。金鈴玉佩相磋切。流鶯子母飛上林。仙鶴雌雄唳明月。此時奉詔

侍金鑾。別殿承恩許召看。三月曲江春草綠。九霄天樂下雲端。紫髯供奉前屈膝。人偉盡彈妙曲當春日。

寒泉注射隴水開。塞雁翻飛朔天沒。日曛塵暗車馬散。爲惜新聲有餘歎。明年冠劍閉橋山。穆皇宴駕萬

里孤臣投海畔。籠禽鍛翮尙還飛。白首生從五嶺歸。聞道善才成朽骨。空餘弟子奉宣徽。南譙寂寞三春

晚。有客彈絃獨淒怨。比言善才歿後聽其指授者所彈。靜聽深奏楚月光。憶昔初聞曲江宴。回環賜江心悲不覺淚闌干。更

爲調絃反覆彈。秋吹動搖神女佩。月珠敲擊水晶盤。自憐淮海同泥滓。恨魄癡心未能死。惆悵追懷萬事

空。雍門琴瑟徒爲爾。題係守郡說入。詩卻先寫賜宴曲江。婉曲淋漓。然後轉入。播遷復聽善才弟子彈絃淒怨。未踏雙收兩層神情無限。

李益

夜上西城聽梁州

行人夜上西城宿。聽唱梁州雙管逐。此時秋月滿關山。何處關山無此曲。鴻雁新從北地來。聞聲一半却

飛回金河戍客腸應斷更在秋風百尺臺。

野田行

日沒出古城野田何茫茫寒狐嘯青塚鬼火燒白楊昔人未爲泉下客行到此中曾斷腸。

登夏州城樓觀征人賦得六州胡兒歌

六州胡兒六蕃語十歲騎羊逐沙鼠沙頭牧馬孤鴈飛漢軍遊騎貂錦衣雲中征戍三千里今日征行何處歸無定河邊數株柳共送行人一杯酒胡兒起作和蕃歌齊唱嗚嗚盡垂手心知舊國西州遠西向胡天望鄉久回頭忽作異方聲一聲回盡征人首蕃音虜曲直難分似說邊情向塞雲故國關山無限路風沙滿眼斷征魂不見天邊青作塚古來愁殺漢昭君君處最長邊塞詩不獨回樂峯前一絕足以動人

楊巨源

字景山河中真元中進士自秘書郎累遷國子司業年七十致仕歸時宰白河中少尹俸食祿終其身

楊花落

北斗南回春物老紅英落盡綠尙早韶風澹蕩無所依偏惜垂楊作春好此時可憐楊柳花榮盈豔曳滿人家人家女兒出羅幙靜掃玉庭待花落寶環纖手捧更飛翠羽輕裾承不著歷歷瑤琴舞態陳霏紅拂黛憐玉人東園桃李芳已歇獨有楊花嬌暮春兒童捉柳花無甚情味美人游戲楊花風神無限矣寶環纖手一聯形容盡善

張籍

籍張王樂府有新聲而少古意王漁洋所謂不曾辛苦學妃嫱也然心思之巧辭句之雋最易啓人聰穎高青邱每肖之存之以備一格○文昌有節婦吟時在他鎮幕府鄆帥李師

道以書幣聘之。因作此詞以却。然玩辭意恐失節婦之旨。故不錄。

古釵歎

古釵墜井無顏色。百尺泥中今復得。鳳凰宛轉有古儀。欲爲首飾不稱時。女伴傳看不知主。羅袖拂拭生光輝。蘭膏已盡股半折。雕文刻樣無年月。雖離井底入匣中。不用還與墜時同。

征婦怨

九月匈奴殺邊將。漢軍全沒遼水上。萬里無人收白骨。家家城下招魂葬。婦人依倚子與夫。同居貧賤心亦舒。夫死戰場子在腹。妾身雖存如畫燭。李華甲古戰場文。篇中可云縮本。

傷歌行

黃門詔下促收捕。京兆尹繫御史府。出門無復部曲隨。親戚相逢不容語。辭成謫尉南海州。受命不得須臾留。身著青衫騎惡馬。東門之外無送者。郵夫防吏急喧驅。往往驚墮馬蹄下。長安里中荒大宅。朱門已除十二戟。高堂舞榭鎖管絃。美人遙望西南天。此爲楊憑貶臨賀尉而作。憑爲京兆尹。廣蓄姬妾。築第踰制。爲人糾劾。貶之。

烏棲曲

西山作宮花滿池。宮鳥曉鳴茱萸枝。吳姬採蓮自唱曲。君王昨夜船中宿。

短歌行

青天蕩蕩高且虛。上有白日無根株。流光暫出還入地。使我年少不須臾。與君相逢勿寂寞。衰老不復如今樂。金卮盛酒置君前。再拜勸君千萬年。祝辭正是可傷之處。

野老歌

老翁家貧在山住。耕種山田三四畝。苗疏稅多不得食。輸入官倉化爲土。歲暮勸犂倚空室。呼兒登山收橡實。西江賈客珠成斛。船中養犬長食肉。

北邙行

洛陽北門北邙道。喪車麟麟入秋草。車前齊唱薤露歌。高墳新起白峨峨。朝朝暮暮人送葬。洛陽城中人更多。千金立碑高百尺。終作誰家柱下石。沉溺於葬者讀此可以恍然。山頭松柏半無主。地下白骨多於土。寒食家家送紙錢。烏鳶作窠銜上樹。人居朝市未解愁。請君暫向北邙遊。

送遠曲

戲馬臺南山簇簇。山邊飲酒歌別曲。行人醉後起登車。席上回尊勸僮僕。青天漫漫覆長路。遠遊無家安得住。願君到處自題名。他日知君從此去。

王

建字仲初。潁州人。成進士。官昭應縣丞。轉太常寺丞。終陝州司馬。建興張籍友善。王爲樂府。故張王並名。

田家行

男聲欣欣女顏悅，人家不怨言語別。五月雖熱麥風清，簷頭索索燥車鳴。野蠶在繭人不取，葉間撲撲秋蛾生。麥收上場絹在軸，的知輸得官家足。不望入口復上身，且免向城賣黃犢。田家衣食無厚薄，不見縣門身即樂。守此語便爲良農。

當窗織

歎息復歎息，園中有棗行人食。貧家女爲富家織，翁母隔牆不得力。水寒手澁絲脆斷，續來續去心腸爛。草蟲促促機下啼，兩日催成一匹半。輸官上頭有零落，姑未得衣身不著。當窗卻羨青樓倡，十指不動衣盈箱。本意薄之然羨字失言。

鏡聽詞

重重摩挲嫁時鏡，夫婿遠行憑鏡聽。回身不遣別人知，人意丁寧鏡神聖。懷中收拾雙錦帶，恐畏街頭見驚怪。嗟嗟噤噤下堂階，獨自竊前來跪拜。出門願不聞悲哀，郎在任郎回未回。月明地上人過盡，好語多同皆道來。卷帷上床喜不定，與郎裁衣失翻正。可中三日得相見，重繡鏡囊磨鏡面。摹寫兒女子聲口可云惟肖。

望夫石

望夫處，江悠悠。化爲石，不回頭。山頭日日風復雨，行人歸來石應語。

短歌行

人初生。日出古樂府神理。上山遲。下山疾。百年三萬六千朝。夜裏分將強半日。有歌有舞須早爲。昨日健於

今日時。人家見生男女好。不知男女催人老。短歌行。無樂聲。讀此辭覺世人一生碌碌爲兒孫作馬牛者真癡絕也。

行見月

月初生。居人見。月一月行。行行一年十二月。強半馬上看盈缺。百年歡樂能幾何。在家見少行見多。不緣衣食相驅遣。此身誰願長奔波。篋中有帛倉有粟。豈向天涯走碌碌。家人見月望我歸。正是道上思家時。

簇蠶辭

蠶欲老。箔頭作繭絲皓皓。場寬地高風日多。不向中庭曬蒿草。神蠶急作莫悠揚。年來爲爾祭神桑。但得青天不下雨。上無蒼蠅下無鼠。新婦拜簇願繭稠。女灑桃漿男打鼓。三日開箔雪團團。先將新繭送縣官。已聞鄉里催織作。去與誰人身上著。意亦他人同有。

李賀字長吉系出鄭王後七歲能辭章韓昌黎皇甫持正訪之賀賦高軒過一篇二公重之

騷而意取幽奧辭取瑰奇往往先成得意句投錦囊中然後足成之所以每難疏解母氏謂兒當嘔心者此也使天假以年必更進大方然天地間不可無此種文筆有樂天之易自應有長吉之難特取明麗幾章以志哇逕之變

高軒過并序

韓員外愈皇甫侍御湜見過因而命作

華裾織翠青如蔥。金環壓轡搖玲瓏。馬蹄隱耳聲隆隆。入門下馬氣如虹。云是東京才子。文章鉅公。二十八宿羅心胸。元精耿耿貫當中。韓公足以當之。殿前作賦聲摩空。筆補造化天無功。龐眉書客感秋蓬。誰知死草生華風。我今垂翅附冥鴻。言已欲附二公後。他日不差蛇作龍。

雁門太守行

黑雲壓城城欲摧。甲光向日金鱗開。陰雲蔽天忽露赤日實有此景。角聲滿天秋色裏。塞上燕脂凝夜紫。半捲紅旗臨易水。霜重鼓寒聲不起。報君黃金臺上意。提攜玉龍爲君死。字字推鍊而成。昌谷集中定推老成之作。

金銅仙人辭漢歌并序

魏明帝青龍元年八月。詔宮官牽車。西取漢孝武捧露盤仙人。欲立置前殿。宮官既拆盤。仙人臨載。乃潛然淚下。唐諸王孫李長吉。遂作金銅仙人辭漢歌。

茂陵劉郎秋風客。夜聞馬嘶曉無跡。少承露盤意。便嫌無根。畫欄桂樹懸秋香。三十六宮土花碧。魏官牽車指下里。東關酸風射眸子。空將漢月出宮門。憶君清淚如鉛水。衰蘭送客咸陽道。天若有情天亦老。奇。攜盤獨出月荒涼。渭城已遠波聲小。漢武有秋風辭。遂名秋風客。好奇之過也。多情者天以生物爲心。可見茲以無情目之。寫胸中憤懣不平。而年命之促。已兆于此。

春坊正字劍子歌

先輩匣中三尺水。曾入吳潭斬龍子。隙月斜明刮露寒。練帶平鋪吹不起。蛟胎皮老蒺藜刺。鷓鴣淬花白。

鷓尾。直是荆軻一片心。莫教照見春坊字。按絲團金懸麗鞞。神光欲截藍田玉。提出西方白帝驚。嗷嗷鬼母秋郊哭。從來寫劍者只形其利此并傳其神未暗用漢祖斬白蛇事

將進酒

琉璃鐘。琥珀濃。小槽酒滴真珠紅。烹龍炮鳳玉脂泣。羅屏繡幙圍香風。吹龍笛。擊鼙鼓。皓齒歌。細腰舞。况是青春日將暮。桃花亂落如紅雨。佳句不須雕刻勸君終日酩酊醉。酒不到劉伶墳上土。達人之言

美人梳頭

西施曉夢綃帳寒。香鬢墮髻半沉檀。轆轤呀啞轉鳴玉。驚起芙蓉睡新足。雙鸞開鏡秋水光。解鬢臨鏡立象牀。髮長也一編香絲雲撒地。玉釵落處無聲膩。纖手卻盤老鴉色。翠滑寶釵簪不得。春風爛漫惱嬌慵。十八鬢多無氣力。妝成鬢髻欹不斜。雲裾數步踏雁沙。背人不語向何處。下階自折櫻桃花。梳頭以

李商隱字義山。河內人。開成中進士。官弘農尉。會昌中。王茂元鎮河陽。辟為掌書記。得侍御史。茂元以子妻之。李德裕秉政。厚遇之。李宗閔黨與。德裕為讐。卒不遇。後令狐綯作相。商隱啓陳綯父楚相厚之情。綯不之省。會河南尹柳仲郢鎮東蜀。辟為節度判官。大中末。仲郢左遷。商隱罷。未幾卒。○商隱詩文。工於瀨祭典。瞻過溫庭筠。宋代楊大耳諸人宗之。號西崑體。

韓碑

元和天子神武姿。彼何人哉軒與羲。誓將上雪列聖恥。坐法宮中朝四夷。淮西有賊五十載。封狼生獼獍。生熊不據山河據平地。長戈利矛日可麾。帝得聖相相曰度。賊斫不死神扶持。腰懸相印作都統。陰風慘

澹天王旗。愬武古通。作牙爪。儀曹外郎。載筆隨行軍。司馬智且勇。十四萬衆。猶虎貔。入蔡縛賊獻太廟。功無與讓。恩不訾。帝曰汝度功第一。汝從事愈宜。爲辭愈拜。稽首蹈且舞。金石刻畫。臣能爲古者。世稱大手筆。此事不係于職司。當仁自古有不讓。言訖屢頷。天子頤公退齋戒。坐小閣。濡染大筆。何淋漓。點竄堯典舜典字。塗改清廟生民詩。文成破體書在紙。清晨再拜鋪丹墀。表曰臣愈昧死上。詠神聖功書之碑。碑高三丈。字如斗。負以靈鼈。蟠以螭。句奇語重。喻者少。四字品定。歸公詩文。讒之天子言其私。長繩百尺拽碑倒。撻砂大石相磨治。公之斯文若元氣。先時已入人肝脾。湯盤孔鼎有述作。天地大文。男位不能磨脫。爲文人吐氣語。應如是。今無其器存。其辭嗚呼聖王及聖相。相與烜赫流淳熙。公之斯文不示後。曷與三五相攀追。願書萬本誦萬遍。口角流沫右手抵。傳之七十有二代。以爲封禪玉檢明堂基。晚唐人古詩。穠鮮柔媚。近詩餘矣。即義山七古。亦以辭勝。獨此篇意則正堂堂辭。則鷹揚鳳翽。在爾時。

陳 閩未詳

宿北樂館

欲眠不眠夜深淺。越鳥一聲空山遠。庭木蕭蕭落葉時。溪聲雨聲聽不辨。溪流潺潺風習習。燈影山光滿窗入。棟裏不知渾是雲。曉來但覺衣裳濕。清幽何減孟襄陽歸鹿門作。而天然有升降之別。氣味有厚薄也。

張

秘必淮南人。初官句容尉。南唐後主徵爲監察御史。官至中書舍人。入宋後不仕。

春晚謠

雨微微。煙霏霏。小庭半拆紅薔薇。細箏斜倚畫屏曲。零落幾行金雁飛。蕭關夢斷無尋處。萬疊春波起南浦。凌亂楊花撲繡簾。曉窗時有流鶯語。

春江雨

雨冥冥。風泠泠。老松瘦竹臨煙汀。空江冷落野雲重。雲中孤月微如星。是雨後夜驚溪上漁人起。滴瀝蓬聲滿愁耳。子規啼斷獨未眠。罨岸春濤打船尾。

鮑君徽

字文姬。善詞賦。德宗時人。與宋氏五女學士齊名。

惜春花

枝上花。花下人。可憐顏色俱青春。昨日看花花灼灼。今日看花花欲落。不如盡此花下歡。莫待春風總吹却。鶯歌蝶舞媚韶光。紅爐煮茗松花香。妝成形影自矜惜。女學士品獨把花枝歸洞房。

張夫人

戶部侍郎吉中孚室。

拜新月

拜新月。拜月出堂前。暗魄初籠桂。虛弓未引弦。拜新月。拜月妝樓上。鸞鏡未安臺。蛾眉已相向。拜新月。拜月不勝情。庭前風露清。單句用韻月臨人自老。人望月長生。東家阿母亦拜月。一拜一悲聲斷絕。昔年拜月遲。

容輝。如今拜月雙淚垂。回看衆女拜新月。却憶閨中年少時。名士老年回憶青燈誦讀時亦復如是。

裴羽仙

失其姓裴悅室也。說征匈奴不歸。羽仙賦邊將詩以寫憂鬱。後寄夫征衣并附以詩。

寄夫征衣

深閨乍冷開香匣。玉筯微微濕紅頰。一陣霜風殺柳條。濃烟半夜成黃葉。重重白練如霜雪。獨下寒階轉淒切。祇知抱杵搗秋砧。不覺高樓已無月。時聞寒雁聲呼喚。紗窗只有燈相伴。幾展齊紈又懶裁。離腸空逐金刀斷。細想儀形執刀尺。回刀剪破澄江色。愁捻銀鍼信手縫。惆悵無人試寬窄。時時舉袖勻殘淚。紅箋漫有千行字。書中不盡心中事。一半殷勤托邊使。

僧隱巒

時代無可考。故附于末。

蜀中送人遊廬山

君行正值芳春月。蜀道千山皆秀發。谿邊十里五里花。雲外三峯兩峯雪。君上匡山我舊居。松蘿拋擲十年餘。君行試到山前問。山鳥只今相憶無。

上海图书馆藏书



A541 212 0006 2202B

